

**MESYUARAT PERTAMA, PENGGAL KEDUA
PARLIMEN KEEMPAT BELAS**

2019

HARI ISNIN : 1 APRIL 2019

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA
PARLIMEN KEEMPAT BELAS**

PERTANYAAN : LISAN

**DARIPADA : YB DATO' SERI DR. SHAHIDAN BIN KASSIM
[ARAU]**

TARIKH : 1 APRIL 2019 (ISNIN)

SOALAN NO. 1

Minta **PERDANA MENTERI** menyatakan Kerajaan telah memutuskan untuk membina tembok sempadan dari Perlis hingga ke Kelantan. Apakah status terkini berkenaan projek tersebut.

JAWAPAN: YAB DATO' SERI DR. WAN AZIZAH BINTI DR. WAN ISMAIL, TIMBALAN PERDANA MENTERI

Tuan Yang Di-Pertua,

1. Kerajaan sentiasa memberikan perhatian khusus terhadap keperluan bagi sebarang cadangan pembangunan baharu dan menaik taraf tembok/pagar serta sistem pengawasan keselamatan di sempadan Malaysia-Thailand sebagai salah satu langkah memperkuuh pertahanan Negara dan membantu tindakan penguatkuasaan undang-undang di kawasan sempadan darat Negara.
2. Berhubung dengan pembinaan pagar sempadan yang dibina atas garisan sempadan antarabangsa Malaysia – Thailand (MALTHAI), perkara tersebut telah dipersetujui bersama oleh kedua-dua buah negara di dalam Mesyuarat ke-25 *Land Boundary Committee* (LBC) MALTHAI yang dipengerusikan oleh pihak Jabatan Ukur dan Pemetaan Malaysia (JUPEM) pada 31 Julai hingga 2 Ogos 2018. Keahlian jawatankuasa kerja di peringkat Malaysia telah disempurnakan manakala di peringkat Negara Thailand pula akan dimuktamadkan setelah pilihanraya umum Negara tersebut selesai. Seterusnya Majlis Keselamatan Negara, Jabatan Perdana Menteri akan menyelaraskan spesifikasi teknikal cadangan pembangunan tersebut berdasarkan keperluan strategik Negara dan implikasi kewangan yang terlibat.

Sekian, terima kasih.

PEMBERITAHUAN PERTANYAAN JAWAB LISAN DEWAN RAKYAT

PERTANYAAN : JAWAB LISAN

**DARIPADA : TUAN RAMLI BIN MOHD NOR
[CAMERON HIGHLANDS]**

TARIKH : 1 APRIL 2019

SOALAN : 2

Tuan Ramli bin Mohd Nor [Cameron Highlands] minta MENTERI DALAM NEGERI menyatakan tindakan pihak berkuasa mengenai serangan terhadap Institusi Beraja yang saban hari dilihat semakin membimbangkan yang berlaku di negara kita apakah tindakan yang diambil oleh pihak polis terhadap mereka yang berkelakuan biadab dengan menghina atau mencerca Institusi Beraja.

JAWAPAN

Terima kasih Tuan Yang di-Pertua. Tuan Yang di-Pertua,

Negara kita kini menghadapi satu cabaran baru berikutan pertambahan kes-kes kenyataan berbaur hasutan yang menjadi viral dalam media sosial. Untuk menangani gejala ini, pihak polis menjalankan siasatan dan membuka kertas siasatan terhadap laporan polis yang melibatkan penghinaan terhadap agama Islam atau Institusi Beraja serta mengambil tindakan undang-undang di bawah Akta Hasutan 1948 atau Kanun Keseksaan ataupun Akta Komunikasi dan Multimedia 1998.

Secara keseluruhannya sejak tahun 2012 sehingga 2019, pihak Polis Diraja Malaysia telah menyiasat 97 kes pembuli media sosial yang menghina Raja-raja Melayu dan Yang diPertuan Agong. Dari jumlah tersebut, 11 individu telah dituduh di mahkamah. Antara langkah-langkah yang diambil untuk kerajaan menjamin kes penghinaan sebegini tidak berulang lagi ialah:

SOALAN NO : 2

- (i) meningkatkan kesedaran masyarakat supaya lebih peka dan sensitif terhadap sentimen perkauman, keagamaan dan Institusi Raja Berperlembagaan melalui kempen-kempen kesedaran bersama orang awam;
- (ii) membuat kajian terhadap Akta Komunikasi dan Multimedia supaya akta berkenaan lebih berkesan dan menyeluruh terutamanya dalam menangani kenyataan-kenyataan di media sosial yang boleh menjelaskan keharmonian masyarakat; dan
- (iii) menujuhkan unit pemantau dan siasatan terhadap penyalahgunaan media sosial di peringkat daerah dan kontinjen.

Dalam menentukan keselamatan negara dan keharmonian masyarakat sentiasa terpelihara, Kementerian Dalam Negeri tidak akan berkompromi dengan sebarang bentuk ancaman dan perbuatan yang dilakukan oleh mana-mana pihak yang boleh mengganggu-gugat ketenteraman dan keharmonian yang dinikmati oleh rakyat selama ini.

Tindakan tegas akan terus diambil terhadap pihak-pihak yang cuba mencetuskan huru-hara atau menimbulkan sebarang bentuk provokasi dalam apa jua bentuk sekali pun sama ada menerusi penulisan, ucapan atau penyebaran berita yang boleh mencetuskan keadaan yang tidak tenteram di dalam masyarakat.

**PEMBERITAHUAN PERTANYAAN DEWAN RAKYAT
MESYUARAT PERTAMA, PENGGAL KEDUA, PARLIMEN
KEEMPAT BELAS**

PERTANYAAN : LISAN

**DARIPADA : TUAN RAMKARPAL SINGH A/L
KARPAL SINGH
[BUKIT GELUGOR, PULAU PINANG]
&
DATO' SERI HAJI MUKHRIZ BIN TUN
DR. MAHATHIR
[JERLUN, KEDAH]**

**TARIKH : 1 APRIL 2019 (ISNIN)
&
8 APRIL 2019 (ISNIN)**

SOALAN NO. 3

Minta **MENTERI BELIA DAN SUKAN** menyatakan sama ada Kementerian bercadang untuk memperkenalkan skema pencen untuk bekas atlet negara dan negeri untuk mengiktirafkan sumbangan mereka kepada sukan negara.

SOALAN NO. 1

Minta **MENTERI BELIA DAN SUKAN** menyatakan dasar kerajaan untuk menjadikan sukan sebagai satu pekerjaan bagi semua jenis sukan termasuk skim saraan dan faedah-faedah yang dapat dinikmati selepas saraan.

JAWAPAN

Tuan Yang di-Pertua,

1. Terlebih dahulu izinkan saya menjawab soalan **YB BUKIT GELUGOR** secara bersekali dengan soalan **YB JERLUN** bertarikh 8 April 2019 memandangkan kedua-dua soalan menyentuh perkara yang sama iaitu berkenaan skema pencedan faedah selepas persaraan.
2. Untuk makluman Ahli Yang Berhormat, Kementerian Belia dan Sukan melalui Majlis Sukan Negara telah memperkenalkan Skim Hadiah Kemenangan Sukan (SHAKAM) pada tahun 1986 bagi memberi dorongan kepada para atlet untuk meningkatkan prestasi masing-masing di peringkat antarabangsa, khususnya di temasya Sukan Olimpik, Sukan Komanwel, Sukan Asia dan Sukan SEA serta kejohanan-kejohanan individu di peringkat Asia, Komanwel dan dunia.
3. Bagi atlet Sukan Olimpik, Skim Imbuhan Tetap Olimpik (SITO) telah dilaksanakan sejak tahun 2006 bagi menghargai pengorbanan atlet-atlet negara. Pemenang-pemenang pingat di temasya Sukan Olimpik dan Paralimpik akan menerima elaun bulanan sepanjang hayat mereka. Pemenang pingat emas akan menerima elaun sebanyak RM5,000, pingat perak RM3,000 dan pingat gangsa RM2,000 bagi setiap bulan dan skim SITO ini akan dikekalkan.
4. Manakala bagi atlet negeri pula, pemberian insentif hadiah kecemerlangan sukan adalah di bawah budi bicara kerajaan negeri.

Tuan Yang di-Pertua,

5. Untuk makluman Ahli Yang Berhormat, tugas dan tanggungjawab menjaga kebajikan bekas atlet negara adalah di bawah penyeliaan Yayasan Kebajikan Atlet Kebangsaan (YAKEB) manakala atlet- atlet semasa pula diserahkan

kepada Majlis Sukan Negara di bawah program “Malaysia Athlete Career and Education” (MACE).

6. Sejak bulan Julai 2018, KBS telah memperkuuh dan memperkembangkan lagi kedua-dua institusi tersebut iaitu YAKEB dan MACE bagi memastikan kebijakan para atlet dan bekas atlet terjaga.
7. Untuk makluman Ahli Yang Berhormat, pihak kementerian telah memeterai Memorandum Persefahaman (MOU) dengan 20 universiti yang merangkumi IPTA dan IPTS bagi program “One State One University One Centre”. Walaupun program ini telah bermula sejak tahun 2017 lagi, namun sebelum bulan Julai 2018, kita hanya mempunyai empat (4) buah universiti rakan kongsi sahaja. Kini, jumlah universiti telah mencapai 20 buah dan usaha akan diteruskan untuk melibatkan lebih banyak lagi IPTA dan IPTS.
8. Selain itu, pada Mac 2019, MACE juga melancarkan program TRACK yang bertujuan memberi peluang penempatan pekerjaan kepada para atlet di sektor swasta dan syarikat berkaitan kerajaan. Ini bertujuan untuk memberikan peluang kerjaya alternatif kepada para atlet selain sebagai persediaan ke arah kerjaya yang lebih terjamin selepas persaraan dari bidang sukan. Kumpulan perintis akan ditempatkan di tempat kerja masing-masing menjelang bulan Mei nanti.
9. Sukacita juga saya memaklumkan Dewan yang Mulia ini bahawa pada bulan Februari 2019, Kabinet juga telah meluluskan Skim Kesihatan Atlet Kebangsaan di mana atlet negara dan bekas atlet negara akan menikmati kemudahan perubatan yang sama seperti penjawat awam. Ini merupakan julung kali jaminan perkhidmatan kesihatan ditawarkan kepada atlet dan bekas atlet secara sistematik.
10. Selain itu, pada tahun ini, kerajaan juga telah meluluskan satu peruntukan berjumlah RM 3 juta kepada YAKEB untuk terus memberikan perkhidmatan kebijakan kepada para bekas atlet kebangsaan kita.

11. Segala semua dasar ini bertujuan untuk memberikan jaminan sosial dan kehidupan kepada para wira negara kita sebagai membalas jasa mereka.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : YB TUAN YUSUF BIN ABDUL WAHAB
[TANJONG MANIS]**

TARIKH : 1 APRIL 2019 (ISNIN)

SOALAN NO. 4

Minta **MENTERI PERTANIAN DAN INDUSTRI ASAS TANI** menyatakan untuk mengkaji keadaan dan membaiki segera ban-ban pertanian yang sedia ada di kawasan Paloh, Kedang, Berangan, Stalun, Sebayang dan seluruh kawasan Pulau Brui. Kebanyakan ban-ban ini telah rosak akibat pukulan ombak laut, proses pemendapan (settlement) dan kebocoran, air laut telah masuk ke kawasan padi atau tanaman dan merosakkan tanaman mereka.

JAWAPAN

Tuan Yang di-Pertua,

Untuk makluman Yang Berhormat, Kementerian ini melalui agensi pelaksana Jabatan Pengairan dan Saliran, Bahagian Mukah sedang menjalankan siasatan di kawasan yang terlibat dan sebagai tindakan pencegahan, akan menjalankan kerja-kerja pemulihan ban pertanian berdasarkan keutamaan dan peruntukan sedia ada.

Sepanjang tempoh RMKe-10, kerja-kerja membaikpulih ban perimeter dan struktur pintu air di Skim Saliran Terkawal Paloh Bangau telah dilaksanakan dengan kos sebanyak RM4,124,388.75.

Bagi membaikpulih ban-ban yang telah mengalami proses pemendapan di Skim Saliran Sungai Bapa, Skim Saliran Tanjung Sirik dan Skim Saliran Terkawal Pulau Bruit pula dengan jumlah anggaran kos RM10 juta, Jabatan Pengairan dan Saliran Sarawak juga telah mengemukakan permohonan tiga (3) projek baharu di bawah *Rolling Plan 1 hingga 4*, Rancangan Malaysia Ke-11 yang melibatkan skop membaikpulih infrastruktur pengairan dan saliran untuk ketiga-tiga projek tersebut. Walau bagaimanapun, permohonan tersebut tidak diluluskan.

Kementerian akan terus berusaha untuk memohon semula projek - projek yang dinyatakan ini di dalam Rancangan Malaysia yang akan datang.

Sekian, terima kasih.

NO. SOALAN : 5

**PEMBERITAHUAN PERTANYAAN LISAN DEWAN RAKYAT MESYUARAT
PERTAMA, PENGGAL KEDUA,
PARLIMEN KEEMPAT BELAS**

PERTANYAAN : **LISAN**
DARIPADA : **TUAN WONG CHEN [SUBANG]**
TARIKH : **1 APRIL 2019 (RABU)**

SOALAN NO. 5

Minta **MENTERI TENAGA, SAINS, TEKNOLOGI, ALAM SEKITAR DAN PERUBAHAN IKLIM** menyatakan langkah-langkah yang telah diambil oleh pihak Kementerian untuk memastikan sisa buangan Lynas dikembalikan ke Australia.

JAWAPAN

Tuan Yang di-Pertua,

Untuk makluman Ahli Yang Berhormat,

1. Kementerian telah menubuhkan satu Jawatankuasa Eksekutif Penilaian Operasi Lynas Advanced Materials Plant (LAMP) bertujuan untuk menilai pengoperasian LAMP dalam aspek keselamatan, kesihatan manusia dan alam sekitar.
2. Selain itu, Kementerian juga telah menubuhkan satu *Taskforce Pengeluaran Sisa Radioaktif* dari Lynas Advanced Material Plant (LAMP) setelah mendapatkan mandat Jemaah Menteri pada 7 Disember 2018. *Taskforce* ini berperanan untuk memantau obligasi Lynas untuk membawa keluar residu *Water Leached Purification* (WLP) dari Malaysia. Pada masa ini, *Taskforce* ini sedang mengenalpasti prosedur dan instrumen antarabangsa yang berkaitan bagi proses penghantaran keluar residu WLP dengan mengambilkira semua aspek perundangan, keselamatan dan sekuriti bagi menjamin keselamatan orang awam dan pekerja serta memelihara alam sekitar.
3. Selanjutnya, YB Menteri juga telah menulis satu surat rasmi pada 26 Februari 2019 kepada rakan sejawat beliau di Australia untuk memaklumkan mengenai kerjasama di dalam memudahkan cara pengeluaran residu WLP dari Malaysia ke Australia

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT PERTAMA, PENGGAL KEDUA
PARLIMEN KEEMPAT BELAS**

PERTANYAAN : JAWAB LISAN

**DARIPADA : TUAN AHMAD FADHLI BIN SHAARI
[PASIR MAS]**

TARIKH : 1 APRIL 2019 (ISNIN)

SOALAN NO. 6

Minta **MENTERI PENGANGKUTAN** menyatakan apakah punca pelanggaran kapal MV Piraeus dengan kapal MV Polaris dari Jabatan Laut Malaysia dan apakah usaha Kerajaan dalam mencegah perkara ini daripada berlaku lagi di masa depan.

JAWAPAN

Yang Dipertua,

1. Untuk makluman Dewan yang mulia ini, Kapal MV PIREAS merupakan kapal jenis *bulk carrier* didaftarkan di Piraeus, Greece. Pada 9 Februari 2019, kapal MV PIREAS dilaporkan dalam perjalanan dari Newcastle, Australia dengan membawa muatan sebanyak 74,415 metrik tan arang batu ke Pelabuhan Tanjung Pelepas (PTP) di terminal janakuasa Tanjung Bin. Sebelum, kapal MV PIRAES tiba di perairan Tanjung Pelepas, kapal tersebut dilaporkan telah memasuki ke Pelabuhan Singapura untuk mengisi bahan api (*bunker*).
2. Manakala, MV POLARIS merupakan kapal milik Jabatan Laut Malaysia (JLM) jenis *buoy tender vessel* dan didaftarkan di Port Klang. Kapal ini telah berlabuh di dalam kawasan Had Pelabuhan Johor Bahru semenjak November 2018. MV Polaris berfungsi meningkatkan prestasi pengoperasian alat bantuan pelayaran di perairan negara.
3. Berdasarkan laporan siasatan awal oleh JLM, pada 9 Februari 2019, jam 1426, MV PIREAS dilaporkan telah melanggar (menggeser) MV POLARIS yang sedang berlabuh pada kedudukan Latitud: 01° 14.06' N dan Longitud: 103° 35.30' E di dalam Had Pelabuhan Johor Bahru dalam perairan Malaysia.

NO. SOALAN: 6

4. Sebelum MV PIREAS melanggar kapal MV POLARIS, pegawai dan nakhoda kapal MV POLARIS telah beberapa kali menghubungi nakhoda kapal MV PIREAS melalui saluran 16 radio frekuensi tinggi (VHF *channel*) untuk memberi amaran setelah melihat kapal tersebut memasuki Had Pelabuhan Johor Bahru pada jam 1415 dan belayar menghampiri ke kapal MV POLARIS. Nakhoda kapal MV PIREAS memaklumkan bahawa beliau akan membawa keluar kapal MV PIREAS dari kawasan berkenaan.
5. Kapal MV PIREAS terus bergerak ke arah MV POLARIS dan ingin melepassi di bahagian hadapan kapal MV POLARIS. Disebabkan keadaan kapal yang penuh dengan muatan kargo dan arus laut yang kuat melebihi 3 knot, kapal MV PIREAS telah bergeser di bahagian kanan kapal MV POLARIS. Oleh kerana MV POLARIS yang pada ketika tersebut sedang berlabuh dan disebabkan masa yang terlalu singkat, MV POLARIS tidak sempat untuk mengambil tindakan mengalihkan kapalnya. Walaubagaimanapun kedua-dua kapal telah mengambil tindakan yang tepat bagi mengelakkan insiden menjadi lebih buruk. MV PIREAS telah berolak ke kanan manakala MV POLARIS telah menurunkan rantai sauhnya sehingga ke dasar laut bagi mengelak badan kapal MV PIREAS tersangkut dengan rantai sauh MV POLARIS.
6. Kesan daripada insiden tersebut, MV POLARIS telah mengalami kerosakan pada struktur bahagian hadapan sebelah kanan (*starboardside hull*). Tiada kecederaan, kemalangan jiwa dan tumpahan minyak yang dilaporkan ekoran insiden tersebut.

7. Susulan daripada kemalangan tersebut, satu pasukan penyiasat telah dilantik oleh JLM pada hari kejadian di bawah Seksyen 334 (1) dan (2) Ordinan Perkapalan Saudagar 1952 untuk meneliti dan melakukan siasatan insiden kemalangan tersebut. Sepanjang siasatan dijalankan kapal MV PIREAS tidak dibenarkan keluar belayar dan diarahkan untuk berlabuh di Batas Pelabuhan Tanjung Pelepas. Anak kapal juga tidak dibenarkan untuk meninggalkan kapal bagi membantu siasatan.
8. Punca utama kejadian perlanggaran tersebut adalah disebabkan faktor kesilapan manusia (*human error*) di mana nakhoda kapal MV PIREAS telah cuai dan gagal mengambil tindakan yang positif dan pematuhan kepelautan yang baik (*good seamanship*). Nakhoda MV PIREAS juga di dapati gagal membuat pemplotan radar serta pemerhatian sistematik bagi memperoleh amaran yang lebih awal tentang risiko berlakunya perlanggaran. Selain itu, nakhoda MV PIREAS semasa menghampiri MV POLARIS, telah gagal untuk mengambil kira bahawa wujudnya risiko perlanggaran dalam olahgerak kapal beliau sehingga telah menyebabkan berlakunya perlanggaran berkaitan dan nakhoda kapal MV PIREAS telah gagal mengambil tindakan yang berkesan bagi memastikan kapalnya berselisih dengan MV POLARIS dengan jarak yang selamat.
9. Pasukan penyiasat JLM telah selesai menjalankan siasatan pada 12 Mac 2019 dan telah mencadangkan di dalam kertas siasatannya

bahawa nakhoda kapal MV PIREAS dituduh telah melakukan EMPAT (4) kesalahan di bawah Perintah Perkapalan Saudagar (Peraturan-Peraturan Perlanggaran) 1984 yang boleh dijatuhkan hukuman denda mengikut Seksyen 252(3) Ordinan Perkapalan Saudagar 1952 iaitu denda tidak melebihi Ringgit Malaysia SEPULUH (10) Ribu bagi setiap satu kesalahan. Kertas siasatan sedang dimuktamadkan untuk dihantar kepada Timbalan Pendakwa Raya Negeri Johor untuk tindakan susulan sama ada untuk mendakwa atau menawarkan kompaun bagi setiap kesalahan kepada nakhoda kapal MV PIREAS.

10. Kapal MV PIREAS dan juga semua anak kapalnya telah dibenarkan keluar belayar dari batas Pelabuhan Tanjung Pelepas ke pelabuhan seterusnya pada 12 Mac 2019. Bon jaminan sebanyak RM satu (1) juta dalam bentuk jaminan bank telah didepositkan oleh pemilik kapal MV PIREAS ke Jabatan Laut bagi tujuan memastikan bayaran kompaun dan juga gantirugi atas kerosakan yang dialami MV POLARIS.
11. Hasil siasatan kemalangan ini mendapati walaupun nakhoda kapal MV PIREAS telah mempunyai lebih 30 tahun pengalaman belayar, namun demikian pada hari kejadian, ianya adalah merupakan kali pertama beliau memasuki perairan batas pelabuhan Johor Bahru ini. dan tidak mempunyai pengetahuan berkaitan keadaan setempat terutama dari segi arah dan kederasan arus.
12. Bagi mengelakkan daripada insiden yang serupa dari berulang, pihak JLM telah mencadangkan untuk mewajibkan penggunaan malim

NO. SOALAN: 6

pandu (pilot) bagi kapal-kapal yang ingin memasuki batas Pelabuhan Johor Bahru. Penggunaan malim pandu yang merupakan seorang yang pakar dengan faktor persekitaran setempat serta mempunyai pengetahuan dan pengalaman dalam mengendalikan olah-gerak sesebuah kapal, dan ianya akan dapat membantu mengurangkan risiko pelanggaran apabila kapal-kapal memasuki perairan batas Pelabuhan Johor Bahru dan membolehkan kapal-kapal berlabuh dengan selamat.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN
DARIPADA : DATO' MANSOR OTHMAN
[NIBONG TEBAL]
TARIKH SOALAN : 1 APRIL 2019 (ISNIN)

SOALAN NO. 7

Minta **MENTERI PEMBANGUNAN USAHAWAN** menyatakan menjelaskan sama ada Kerajaan boleh mempertimbang takrifkan sektor koperasi sebagai IKS bagi membolehkan gerakan koperasi mendapatkan manfaat dari segi pembiayaan dan pinjaman seperti mana IKS juga bagi mendorong mereka lebih aktif lagi membantu memacu pertumbuhan ekonomi negara seperti mana negara-negara maju lain di Asia.

JAWAPAN

Tuan Yang Dipertua,

1. Secara khusus, koperasi tidak disamakan dengan PKS kerana kedua-duanya tertakluk kepada perundangan yang berbeza dengan regulator yang berlainan serta mempunyai definisi yang berbeza. Sekumpulan PKS boleh menubuhkan koperasi bagi mendapat ekonomi berskala (*economy of scale*) dalam pengeluaran produk mereka serta menyokong capaian kepada sumber, kewangan dan teknologi yang lebih luas. Oleh itu, koperasi merupakan salah satu platform atau *enabler* bagi meningkatkan pembangunan dan daya saing PKS.
2. Pada masa ini, Kementerian Pembangunan Usahawan (MED) sedang melakukan semakan ke atas pelbagai perundangan sedia ada bagi memastikan koperasi juga mendapat manfaat sepertimana PKS agar lebih berdaya saing dan berdaya maju dalam menyumbang kepada pertumbuhan ekonomi negara.
3. Kerajaan juga sedar tentang potensi koperasi sebagai pemangkin ekonomi dan pemacu kepada keusahawanan sosial terutamanya kepada PKS serta peranannya bagi meningkatkan keusahawanan dalam kalangan B40. Ini adalah bertepatan dengan strategi yang digariskan dalam Rangka Kerja Keusahawanan Negara (NEF) yang dilancarkan oleh pihak Kementerian pada bulan November tahun lepas.
4. Bagi merealisasikan koperasi sebagai penyumbang kepada pertumbuhan ekonomi negara, Kementerian Pembangunan Usahawan (MED) dan agensi-agensi di bawahnya sentiasa mengambil inisiatif untuk melibatkan koperasi di dalam semua program usahawan dan PKS.
5. Sebagai contoh, dalam program yang dianjurkan oleh pihak Kementerian seperti Showcase Satu Daerah Satu Industri (SDSI), Konvensyen Memperkasakan Usahawan Bumiputera (KUB), Seminar Pasaran Saham (SPS) dan Malaysia Halal Expo 2019, pihak koperasi sentiasa dilibatkan sebagai peserta dan pempamer produk. Dengan cara ini, gerakan koperasi akan didedahkan kepada lebih banyak peluang perniagaan daripada aktiviti *networking* yang ada dalam program-program tersebut.

NO. SOALAN: 7

6. Penganjuran Ekspo Halal Malaysia 2019 dari 24 hingga 26 Januari 2019 juga merupakan salah satu usaha Kementerian dalam menyediakan platform penting untuk usahawan dan PKS tempatan untuk meluaskan jaringan perniagaan ke luar negara khasnya Jepun.
7. Beberapa usaha dan inisiatif juga telah dilaksanakan oleh SKM dengan agensi-agensi yang lain bagi membantu produk dan perkhidmatan keluaran Koperasi yang berpotensi seperti bekerjasama dengan *Gaya Travel Magazine* bagi mempromosi produk pelancongan koperasi ke seluruh dunia dan rundingan bersama *AEON Big* sebagai usaha dalam membawa produk koperasi menembusi pasaran antarabangsa.
8. Selain itu, koperasi-koperasi di Malaysia mempunyai program dan dana khusus yang diselenggarakan di pihak Suruhanjaya Koperasi Malaysia (SKM) seperti Geran Bantuan Pembangunan, Pembiayaan Tabung Modal Pusingan dan Kumpulan Wang Amanah Koperasi bagi Pembangunan dan Pendidikan. Pada tahun 2018, sejumlah RM5,159,500 telah diberikan dalam bentuk Geran Bantuan Perniagaan kepada 120 buah koperasi manakala sebanyak RM78,961,000 telah diluluskan melalui pembiayaan Tabung Modal Pusingan yang melibatkan 49 buah koperasi.
9. Selain itu, terdapat 2 buah bank koperasi yang boleh membantu dari segi pembiayaan iaitu Bank Rakyat dan Coop Bank Pertama. Setakat ini, Bank Rakyat telah meluluskan pembiayaan sejumlah RM952.01 juta kepada gerakan koperasi sepanjang tahun 2018.
10. Bank Rakyat juga menawarkan pembiayaan kepada kedua-dua segmen koperasi dan PKS serta sentiasa memperkenalkan pakej pembiayaan baharu seperti *Cash Line* dan *Pakej Pembiayaan Istimewa* bermula dari suku tahun keempat 2018. Selain itu, Bank Rakyat juga menawarkan produk pembiayaan untuk aktiviti perdagangan kepada koperasi yang menjalankan transaksi perniagaan di luar Malaysia seperti *Jaminan Bank*, *Letter of Credit* dan *Shipping Guarantee*.

Sekian, terima kasih.

**PEMBERITAHUAN PERTANYAAN LISAN DEWAN RAKYAT MESYUARAT
PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : DATO' HAJI AHMAD NAZLAN BIN IDRIS
[JERANTUT]**

TARIKH : 1.4.2019 (ISNIN)

SOALAN NO. 8

Dato' Haji Ahmad Nazlan bin Idris [Jerantut] minta **MENTERI PENDIDIKAN** menyatakan program-program dan jenis bantuan yang telah dirangka oleh Kementerian di dalam bidang pendidikan agar penyertaan masyarakat B40 dan luar bandar tidak terpinggir di dalam arus pendidikan negara.

JAWAPAN

Tuan Yang di-Pertua,

Bantuan persekolahan merupakan salah satu program yang disediakan oleh Kementerian Pendidikan Malaysia (KPM) khusus untuk memastikan penyertaan masyarakat B40, termasuk miskin dan miskin tegar, luar bandar serta murid berkeperluan khas tidak diabaikan. Bantuan persekolahan tersebut adalah seperti berikut:

1. Rancangan Makanan Tambahan
2. Bantuan Pakaian Seragam Badan Beruniform
3. Biasiswa Kecil Persekutuan
4. Projek Khas Sekolah Asrama Penuh
5. Elaun Murid Berkeperluan Khas
6. Bantuan Khas Awal Persekolahan RM100
7. Kumpulan Wang Amanah Pelajar Miskin

Selain itu, bantuan yuran untuk murid prasekolah daripada keluarga sosioekonomi rendah dengan pendapatan per kapita isi rumah kurang daripada RM500 juga disediakan. Tujuan utama bantuan ini diberikan bagi menggalakkan lebih ramai murid daripada golongan ini menyertai pendidikan prasekolah khususnya di kawasan yang

No. Soalan: 8

tiada prasekolah KPM, KEMAS dan Jabatan Perpaduan Negara dan Integrasi Nasional (JPNIN) atau kelas-kelas prasekolah kerajaan sedia ada terhad untuk menampung permintaan ibu bapa untuk menghantar anak-anak mereka ke pendidikan prasekolah.

Untuk makluman, KPM juga sedang dalam proses perbincangan bersama-sama pakar dalam bidang pemakanan untuk melaksanakan projek rintis Program Sarapan Pagi bagi murid sekolah rendah di sekolah kerajaan dan sekolah bantuan kerajaan melibatkan B40. Projek rintis bertujuan untuk mencari kaedah yang terbaik bagaimana program sarapan pagi ini boleh dilaksanakan di sekolah dan memberi manfaat kepada murid-murid. Dapatan dan pemerhatian projek rintis ini akan digunakan untuk dibentangkan kepada pihak pengurusan tertinggi KPM untuk penilaian dan tindakan lanjut.

Sekian, terima kasih

RJM 105

PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA
PARLIMEN KEEMPAT BELAS

PERTANYAAN : JAWAB LISAN
DARIPADA : DATUK WIRA HAJAH MAS ERMIEYATI BINTI SAMSUDIN [MASJID TANAH]
TARIKH : 1 APRIL 2019 (ISNIN)

SOALAN NO. 9

Datuk Wira Hajah Mas Ermieyati binti Samsudin [Masjid Tanah] minta Menteri Pembangunan Wanita, Keluarga Dan Masyarakat menyatakan apakah langkah yang diambil oleh Kementerian Pembangunan Wanita, Keluarga dan Masyarakat untuk kesejahteraan rakyat dalam membantu golongan ibu tunggal khususnya warga emas yang tidak mempunyai pendapatan untuk mendapatkan rawatan lanjutan seperti hemodialisis.

JAWAPAN

Tuan Yang di-Pertua,

Kementerian melalui Yayasan Kebajikan Negara (YKN) memperuntukkan anggaran RM4.0 juta bagi membiayai rawatan dialisis kepada pesakit buah pinggang yang terpilih di seluruh negara setiap tahun. Kesemua individu yang ditaja sepenuhnya itu terdiri pesakit buah pinggang yang kurang berkemampuan dengan pendapatan bulanan di bawah RM1,200 sebulan dan sedang mendapatkan rawatan di Pusat Dialisis kelolaan Yayasan Kebajikan Negara (YKN) di seluruh negara.

Di antara penerima bantuan dialisis YKN terdiri daripada pesakit buah pinggang dalam lingkungan usia 27 – 80 tahun yang terdiri daripada suri rumah tangga, **ibu tunggal, warga emas perempuan**, warga emas lelaki, golongan belia dan golongan lelaki dewasa. **Mulai bulan Januari 2018 hingga Disember 2018 seramai 66 orang** telah menerima manfaat daripada YKN melalui bantuan hemodialisis. Pusat Dialisis YKN atau dikenali sebagai YKN Dialisis telah menyediakan perkhidmatan rawatan dialisis secara percuma kepada golongan ini di samping melaksanakan pelbagai program berbentuk holistik kepada pesakit dan keluarga pesakit.

Di samping itu, Kementerian melalui Jabatan Kebajikan Masyarakat (JKM) menyalurkan bantuan kewangan secara bulanan kepada warga emas dan juga pesakit-pesakit yang layak dan menepati kriteria dan syarat yang telah ditetapkan. Terdapat dua (2) skim bantuan kewangan yang disediakan khusus kepada golongan warga emas yang bertujuan untuk membantu meneruskan kelangsungan hidup dan mendapatkan rawatan lanjutan seperti hemodialisis dan pelbagai penyakit lain.

Skim Bantuan Kewangan tersebut ialah Bantuan Orang Tua dengan kadar RM350 Sebulan dan Bantuan Penjagaan Pesakit Kronik dan Orang Kurang Upaya Terlantar dengan kadar RM350 Sebulan. Berdasarkan statistik JKM pada tahun 2018 seramai **166,028** penerima bantuan bersamaan

SOALAN NO. 9

RM661,966,760.00 telah mendapat manfaat daripada kedua-dua skim bantuan kewangan ini.

JKM juga menyediakan perkhidmatan dan kemudahan pengangkutan kepada warga emas untuk mendapat pemeriksaan dan rawatan kesihatan di Hospital atau Klinik Kesihatan dan juga Program Khidmat Bantu di Rumah (KBDR) *Home Help Service* juga merupakan satu adaptasi inovasi sosial dalam meningkatkan kesejahteraan hidup warga Emas (WE) dan Orang Kurang Upaya (OKU) yang dengan izin *vulnerable* dan *marginalise*. Sehingga Disember 2018 seramai **8,994** orang isi rumah yang terdiri daripada **7,135** isi rumah WE dan **1,859** isi rumah OKU telah menerima perkhidmatan ini.

SOALAN NO. : 10

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : DATO' MOHD. NIZAR BIN HAJI ZAKARIA
[PARIT]**

TARIKH : 1 APRIL 2019 (ISNIN)

SOALAN NO. : 10

Dato' Mohd Nizar bin Haji Zakaria [Parit] minta MENTERI AIR, TANAH DAN SUMBER ASLI menyatakan:-

- (a) Apakah usaha yang dijalankan oleh Kementerian bagi membentera aktiviti penyeludupan haiwan terancam; dan
- (b) Berapakah jumlah kes penyeludupan haiwan yang telah berjaya ditumpaskan dan apakah tindakan yang telah diambil terhadap pesalah tersebut.

SOALAN NO. : 10

JAWAPAN:

Tuan Yang di-Pertua,

Kementerian amat mengambil berat terhadap isu penyeludupan haiwan terancam. Malaysia adalah ahli dalam *Convention on International Trade in Endangered Species of Wild Fauna and Flora* (CITES) dan terlibat di dalam usaha mengawal perdagangan hidupan liar menerusi pelaksanaan dan penguatkuasaan di bawah Akta Perdagangan Antarabangsa Mengenai Spesies Terancam 2008 [Akta 686].

Permintaan yang tinggi ke atas hidupan liar bagi pelbagai tujuan menyebabkan aktiviti ini terus berlaku. Kementerian melalui agensi berkaitan khususnya Jabatan Perlindungan Hidupan Liar dan Taman Negara (PERHILITAN) yang bertanggungjawab membanteras aktiviti penyeludupan haiwan terancam di Semenanjung Malaysia telah dan sedang menjalankan pelbagai usaha bagi menekan dan membanteras aktiviti tersebut:

- (a) Jabatan PERHILITAN berusaha memerangi jenayah ini secara berterusan dan menggunakan pelbagai pendekatan seperti:
 - (i) menetapkan pos-pos kawalan di pintu-pintu keluar masuk utama negara yang beroperasi 24 jam sehari seperti Kuala Lumpur International Airport (KLIA), Sepang dan Kompleks Sultan Abu Bakar CIQ (*Customs, Immigration and Quarantine*), Johor.

- (ii) Menjalin kerjasama dalam aktiviti kawalan dan operasi bersama agensi-agensi penguatkuasaan lain seperti Agensi Kawalan Sempadan Malaysia (AKSEM), Jabatan Kastam DiRaja Malaysia (JKDM) dan Jabatan Perkhidmatan Kuarantin dan Pemeriksaan Malaysia (MAQIS).
- (iii) Memperkuuh aktiviti perisikan dan penguatkuasaan dengan perkongsian maklumat antara agensi dan antara negara serta bekerjasama dengan badan bukan kerajaan yang menyokong konservasi hidupan liar seperti *Malaysia Conservation Alliance for Tiger* (MYCAT), *Malaysia Nature Society* (MNS), *World Wide Fund for Nature* (WWF), RIMBA dan *TRAFFIC Southeast Asia*, di samping penggunaan teknologi terkini dalam memastikan penjenayah dapat di jejaki dan maklumat dapat dikumpul sebaik mungkin.
- (iv) Menjalankan usaha membanteras penyeludupan hidupan liar rentas sempadan di peringkat serantau dengan menyertai operasi-operasi yang dijalankan di peringkat antarabangsa melalui *ASEAN Wildlife Enforcement Network* (ASEAN-WEN) dan *INTERPOL*.
- (v) Inisiatif menuju dan membangunkan Makmal Forensik Hidupan Liar Kebangsaan (*National Wildlife Forensic Lab - NWFL*) yang berfungsi sebagai makmal dalam menerima, mengumpul, mengkatalog, memproses dan menganalisa pelbagai jenis sampel genetik hidupan liar.

Pangkalan data *deoxyribonucleic acid* (DNA) hidupan liar yang diperolehi ini turut digunakan untuk menyokong tindakan penguatkuasaan bagi membanteras aktiviti penyeludupan haiwan terancam, terutamanya dalam pembuktian kes-kes jenayah hidupan liar yang didakwa di mahkamah.

Tuan Yang di-Pertua,

- (b) Sepanjang tahun 2011 sehingga 2018, Jabatan PERHILITAN telah menumpaskan sebanyak 200 kes yang melibatkan penyeludupan pelbagai spesies haiwan terancam seperti tenggiling, Orang Utan, pelbagai jenis kura-kura, burung murai batu dan pelbagai spesies ular. Pesalah-pesalah telah dijatuhi hukuman sama ada didenda atau dihukum penjara mengikut keseriusan kesalahan yang dilakukan. Untuk rekod, tindakan hukuman yang paling tinggi yang pernah dijatuhkan atas kesalahan menyeludup hidupan liar ialah sebanyak RM390,000 dan empat tahun penjara yang melibatkan tiga orang warga Indonesia atas kesalahan menyeludup pelbagai jenis hidupan liar termasuklah sepasang Orang Utan dari Sumatera, Indonesia ke Semenanjung Malaysia pada 21 September 2018 yang lalu.

Sekian, terima kasih.

SOALAN NO. 11

PEMBERITAHUAN PERTANYAAN
MESYUARAT PERTAMA, PENGGAL KEDUA,
PARLIMEN KEEMPAT BELAS,
DEWAN RAKYAT

PERTANYAAN : LISAN

DARIPADA : DATO' SYED ABU HUSSIN BIN HAFIZ SYED ABDUL FASAL (BUKIT GANTANG)

TARIKH : 1 APRIL 2019

SOALAN : NO. 11

DATO' SYED ABU HUSSIN BIN HAFIZ SYED ABDUL FASAL [Bukit Gantang] minta **PERDANA MENTERI** menyatakan era di Malaysia Baharu ini, apakah perancangan dan bentuk peruntukan yang akan diberikan Kerajaan di kawasan-kawasan yang kalah dalam Pilihan Raya Umum ke-14 dan kepada Ahli Parlimen pembangkang dalam memastikan rakyat yang membayar cukai kepada Kerajaan terus dibantu serta pembangunan infrastruktur dan kemudahan dapat dibangunkan.

SOALAN NO. 11

**JAWAPAN: YB DATUK WIRA DR. MD FARID BIN MD RAFIK
TIMBALAN MENTERI DI JABATAN PERDANA MENTERI**

Tuan Yang di-Pertua,

Sebarang perancangan atau bentuk peruntukan Kerajaan untuk tujuan pembangunan dan sebagainya, diagihkan mengikut keperluan pembangunan di sesuatu tempat kawasan dengan **mengambil kira sama ada bandar atau luar bandar, bilangan penduduk dan kedudukan sosio ekonomi kawasan tersebut.**

Peruntukan yang diagihkan terdiri daripada peruntukan mengurus dan peruntukan pembangunan selain daripada peruntukan-peruntukan lain yang termaktub di dalam Perlembagaan dan undang-undang. Peruntukan Pembangunan yang disediakan oleh Kerajaan dilaksanakan oleh pelbagai Kementerian dan Agensi mengikut portfolio masing-masing. Sebagai contoh, **kawasan Parlimen Bukit Gantang diagihkan siling Peruntukan Pembangunan sebanyak RM240.9 Juta untuk pelaksanaan 15 Projek Pembangunan** di dalam RMK-11. Tumpuan Pembangunan Kerajaan seperti yang dinyatakan dalam Rancangan Separuh Penggal RMK-11 ialah pada **enam (6) buah negeri yang memerlukan tumpuan lebih iaitu:**

- i. Sabah
- ii. Sarawak
- iii. Kelantan
- iv. Terengganu
- v. Kedah; dan
- vi. Perlis

Selain itu, peruntukan khas YAB Perdana Menteri untuk kawasan Parlimen disediakan **sebanyak RM100,000.00** bagi setiap kawasan Parlimen yang **diwakili oleh Ahli Parlimen bukan kerajaan**. Peruntukan ini adalah sebagai tambahan dan pelengkap kepada peruntukan-peruntukan lain yang disediakan untuk sesuatu kawasan.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL PERTAMA
PARLIMEN KE-EMPAT BELAS**

PERTANYAAN : JAWAB LISAN

**DARIPADA : DATO' HASBULLAH BIN OSMAN
[GERIK]**

TARIKH : 1 APRIL 2019 (ISNIN)

SOALAN NO. 12

Minta **MENTERI PENGANGKUTAN** menyatakan

- (a) apakah rasional dan justifikasi Kementerian Pengangkutan menambah pemasangan kamera AES dan setakat manakah kejayaan sistem AES mengurangkan kemalangan jalanraya dan meningkatkan pematuhan undang-undang di kalangan pengguna jalan raya; dan
- (b) berapakah jumlah pemandu kenderaan melakukan kesalahan dari Mei 2018 hingga 31 Januari 2019 ekoran penambahan kamera tersebut.

JAWAPAN

Yang di-Pertua,

1. Untuk makluman Yang Berhormat, setakat ini tiada penambahan bilangan kamera AES atau AwAS dan semua kamera AwAS yang beroperasi kini adalah dipasang semasa pentadbiran terdahulu.
2. Mengenai sejauh mana sistem ini mampu mengurangkan kemalangan jalanraya, saya ingin memaklumkan Yang Berhormat mengenai perkara-perkara berikut:
 - (i) Mengikut kajian daripada MIROS, terdapat penurunan peratusan kesalahan memandu laju yang menyumbang kepada kemalangan maut iaitu daripada 24% kepada 13%; dan
 - (ii) Peratusan pemandu yang mematuhi peraturan had laju meningkat daripada 63% sebelum pemasangan kamera AwAS kepada 95% selepas kamera AwAS dipasang di sesuatu lokasi.
3. Berkenaan dengan soalan kedua iaitu jumlah pemandu kenderaan yang melakukan kesalahan dan diserahkan notis saman AES/AwAS dari bulan Mei 2018 sehingga 31 Januari 2019, saya ingin memaklumkan perkara-perkara berikut:
 - i) Sebanyak 467,226 notis saman AES/AwAS telah dikeluarkan dalam tempoh 1 Mei 2018 sehingga 31 Januari 2019. Namun begitu, saman-saman dari tarikh 1 Mei 2018 sehingga 31 Ogos 2018 telah dimansuhkan;
 - ii) Sebanyak 84,165 notis saman AwAS telah dikeluarkan dalam tempoh 1 September sehingga 31 Disember 2018; dan
 - iii) Sebanyak 22,981 notis saman AwAS telah dikeluarkan bagi bulan Januari 2019.
4. Secara umumnya jumlah notis-notis saman AES/AwAS yang dikeluarkan adalah berkurangan jika dibandingkan dengan tempoh terdahulu.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : YB DATUK HAJI SHABUDIN BIN YAHAYA
[TASEK GELUGOR]**

TARIKH : 1 APRIL 2019 (ISNIN)

SOALAN NO. 13

Minta **MENTERI HAL EHWAL EKONOMI** menyatakan perancangan bagi merancakkan pembangunan ekonomi negara dalam tempoh 5 tahun akan datang.

JAWAPAN

Tuan Yang di-Pertua,

1. Untuk makluman Ahli Yang Berhormat, Kerajaan telah membentangkan dasar dan hala tuju sosioekonomi yang baharu bagi tempoh 2018-2020 dalam Kajian Separuh Penggal Rancangan Malaysia Kesebelas pada bulan Oktober yang lepas. Dasar yang diperkenalkan dalam Kajian Separuh Penggal ini akan melengkapi inisiatif Kerajaan dalam mengukuhkan lagi asas ekonomi serta merancakkan pembangunan ekonomi Malaysia bagi memastikan pertumbuhan ekonomi yang mampan ke arah negara maju dan inklusif. Bagi tujuan ini, lima strategi ekonomi makro telah digariskan seperti berikut:
 - (i) Pertama, memacu produktiviti pada peringkat nasional, sektor dan perusahaan bagi memastikan pertumbuhan yang mampan dan inklusif;
 - (ii) Kedua, menggalakkan pelaburan berkualiti bagi menerajui pertumbuhan ekonomi;

- (iii) Ketiga, melaksana inisiatif untuk beralih kepada rantaian nilai yang lebih tinggi;
- (iv) Keempat, mengukuhkan eksport dan mengurus import untuk menambah baikimbangan pembayaran; dan
- (v) Kelima, memberi penekanan kepada langkah pengukuhan fiskal untuk memastikan kemampunan dalam jangka sederhana.

Tuan Yang di-Pertua,

2. Keutamaan dasar dalam menghadapi tahun-tahun yang akan datang adalah bagi mengimbangi objektif pengukuhan fiskal dan memastikan pertumbuhan ekonomi yang lebih inklusif. Reformasi fiskal yang serta merta adalah penting untuk mengukuhkan lagi kedudukan fiskal Kerajaan dan mengagihkan sumber yang mencukupi bagi meringankan beban hidup rakyat. Langkah dasar struktur serta program dan projek pembangunan berimpak tinggi akan terus dilaksana dengan lebih telus dan mampan dari segi

NO. SOALAN : 13

kewangan bagi memastikan pertumbuhan ekonomi yang lebih bermakna untuk rakyat. Pelbagai inisiatif juga akan dirangka bagi menangani cabaran baharu dan memanfaatkan sumber pertumbuhan baharu termasuk Revolusi Perindustrian Keempat.

3. Untuk makluman Ahli Yang Berhormat juga, Kementerian Hal Ehwal Ekonomi telah memulakan proses penyediaan pelan pembangunan tempoh pasca 2020 untuk merangka pembangunan sosio-ekonomi negara bagi tempoh sederhana dan panjang. Strategi dan inisiatif akan digubal bagi memastikan Malaysia kekal di landasan pertumbuhan ekonomi ke arah mencapai sasaran sebagai sebuah negara maju dan inklusif serta mampan.

Sekian, terima kasih.

Kementerian Hal Ehwal Ekonomi
1 April 2019

**PEMBERITAHUAN PERTANYAAN LISAN DEWAN RAKYAT MESYUARAT
PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : DATO' TAKIYUDDIN BIN HASSAN
[KOTA BHARU]**

TARIKH : 1.4.2019 (ISNIN)

SOALAN NO. 14

Dato' Takiyuddin bin Hassan [Kota Bharu] minta **MENTERI PENDIDIKAN** menyatakan apakah langkah persediaan yang telah dirancang oleh Kementerian ke arah penggabungan aliran Sains dan Sastera di peringkat sekolah menengah.

JAWAPAN

Tuan Yang di-Pertua,

Setakat hari ini, Kementerian Pendidikan Malaysia (KPM) belum berhasrat untuk menggabungkan aliran Sains dan Sastera di peringkat sekolah menengah. Namun, KPM sentiasa berusaha membantu membangunkan potensi setiap murid dengan menawarkan pelbagai mata pelajaran mengikut kepelbagai minat, kebolehan dan kecenderungan mereka. Usaha ini memerlukan akses kepada pilihan laluan yang menarik dan berdaya maju untuk kemajuan setiap murid.

Semenjak tahun 2000, KPM telah memperkenalkan pelaksanaan Sistem Pensijilan Terbuka Sijil Pelajaran Malaysia (SPM) iaitu tiada lagi pelaksanaan aliran di sekolah tetapi sekolah boleh menawarkan pakej gabungan mata pelajaran yang terdiri daripada enam (6) mata pelajaran teras serta mata pelajaran elektif sama ada dari kumpulan sains, sastera ataupun kombinasi keduanya mengikut minat dan kemampuan murid. Sistem pensijilan terbuka SPM pada ketika itu mempunyai ciri-ciri positif kerana lebih fleksibel, tidak terlalu membebankan murid lemah dan boleh memberi rangsangan kepada murid yang pandai dan bermotivasi tinggi.

Manakala sistem pendidikan menengah atas dalam Kurikulum Standard Sekolah Menengah (KSSM) mulai tahun 2020 menyediakan peluang kepada murid untuk memilih laluan dalam pelbagai pilihan mata pelajaran. KPM menyediakan pakej mata

No. Soalan: 14

pelajaran yang bersesuaian dengan minat dan kecenderungan murid. Pakej mata pelajaran menengah atas ini dicadangkan bagi membolehkan murid mengenal pasti dan memilih mata pelajaran yang bersesuaian mengikut minat, kecenderungan, kebolehan serta potensi diri dalam konteks SPM yang bertepatan dengan syarat kelayakan yang ditetapkan oleh pihak institut pendidikan tinggi awam (IPTA) dan institut pendidikan tinggi swasta (IPTS) atau menceburi bidang kerjaya pilihan.

Sekian, terima kasih

RJM 103

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN
DARIPADA : TUAN MUSLIMIN BIN YAHAYA
[SUNGAI BESAR]
TARIKH SOALAN : 1 APRIL 2019 (ISNIN)

SOALAN NO. 15

Minta **MENTERI PEMBANGUNAN USAHAWAN** menyatakan berkaitan pembentangan bajet yang lalu, hasrat bagi melahirkan sebuah negara usahawan, jadi apakah perancangan Kementerian bagi memulakannya di kawasan luar bandar.

JAWAPAN

Tuan Yang Dipertua,

1. Kementerian Pembangunan Usahawan (MED) sentiasa komited untuk membangunkan keusahawanan di negara ini secara inklusif termasuklah melibatkan usahawan di kawasan luar bandar. Pelbagai program telah dirancang untuk dilaksanakan bagi memberi manfaat kepada usahawan luar bandar, di antaranya seperti berikut:

- (i) Program Satu Daerah Satu Industri (SDSI) yang dianjurkan oleh MED bagi menyediakan peluang dan platform kepada usahawan SDSI untuk memperkenalkan produk, meluaskan jaringan perniagaan dan meluaskan pemasaran produk melalui sesi padanan perniagaan.

Setakat ini, sebanyak dua (2) siri Program SDSI telah diadakan iaitu di Perak pada 19 Januari 2019 dan Terengganu pada 15 hingga 16 Februari 2019. Perancangan akan datang untuk mengadakan beberapa lagi siri jelajah Program SDSI, antaranya SDSI Zon Selatan yang dijadualkan pada 27 hingga 28 April 2019, SDSI Peringkat Nasional pada Ogos 2019 dan SDSI di Sabah dan Sarawak pada Oktober 2019; dan

- (ii) program-program *outreach* di kawasan luar bandar oleh MED dan agensi-agensi di bawahnya, sebagai contoh melalui penganjuran Karnival TEKUN yang dilaksanakan bagi mendekati dan membantu pembangunan usahawan-usahawan luar bandar. Karnival TEKUN ini telah dilaksanakan buat pertama kalinya di Tanah Merah, Kelantan pada 7 hingga 9 Mac 2019 yang lalu.

2. Di samping itu, di bawah Rangka Kerja Keusahawanan Nasional (*National Entrepreneurship Framework – NEF*) yang telah dibangunkan oleh MED turut menggariskan matlamat dan insiatif untuk membangunkan usahawan dalam kalangan kumpulan B40 yang turut merangkumi usahawan di kawasan luar bandar melalui penyediaan bantuan dan sokongan dari aspek-aspek seperti berikut:

- (i) membangunkan Pelan Latihan Keusahawanan yang bersepadu bagi melaksanakan kurikulum latihan yang terselaras dan diakreditasi;
- (ii) memberikan insentif kepada koperasi untuk terlibat dalam perniagaan baharu yang lebih strategik bagi meningkatkan pendapatan komuniti usahawan khususnya di luar bandar; dan

NO. SOALAN: 15

- (iii) menyediakan pembiayaan perniagaan yang disediakan melalui agensi-agensi di bawah MED, seperti Skim Pembiayaan TEKUN Niaga, Skim Pembiayaan Ekonomi Desa dan Program Tunas Usahawan Belia Bumiputera (TUBE).
3. MED juga akan mengadakan kerjasama dengan kementerian dan agensi lain bagi membantu dan meningkatkan keupayaan usahawan-usahawan di bawah bidang fokus masing-masing khususnya di kawasan luar bandar.
4. Bagi merancakkan lagi penglibatan usahawan luar bandar dalam bidang perniagaan, MED akan memperbanyak lagi program-program yang merangkumi penyediaan latihan, penyediaan bantuan premis dan infrastruktur serta pembiayaan perniagaan kepada golongan usahawan luar bandar agar mereka dapat menjadi usahawan yang berdaya maju, berdaya saing dan berdaya tahan.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : DATO' SRI HAJI FADILLAH BIN YUSOF
[PETRAJAYA]**

TARIKH : 1 APRIL 2019 (ISNIN)

SOALAN NO. 16

Minta **MENTERI HAL EHWAL EKONOMI** menyatakan perkembangan terbaru perundingan bayaran royalti minyak kepada negeri-negeri pengeluar minyak. Apakah sudah ada mekanisme atau persetujuan dicapai.

JAWAPAN

Tuan Yang di-Pertua,

1. Untuk makluman Ahli Yang Berhormat, persoalan yang dibangkitkan ini merupakan antara perkara yang dibincangkan dalam **Jawatankuasa Khas Kabinet (Pemandu) bagi Menyemak Pelaksanaan Perjanjian Malaysia 1963 (MA63)** yang dipengerusikan oleh YAB Perdana Menteri. Keahlian Jawatankuasa Khas Kabinet ini merangkumi pelbagai pihak berkepentingan di peringkat Persekutuan dan Negeri termasuk YAB Ketua Menteri Sarawak dan YAB Ketua Menteri Sabah. Bahagian Hal Ehwal Undang-Undang, Jabatan Perdana Menteri dilantik sebagai urusetia kepada Jawatankuasa Khas Kabinet (Pemandu) MA63. Sehingga kini, jawatankuasa ini telah bermesyuarat sebanyak dua (2) kali iaitu pada 17 Disember 2018 dan 5 Mac 2019.

2. Mesyuarat pada 17 Disember 2018 antara lain bersetuju supaya isu petroleum dibincangkan dalam forum berasingan memandangkan isu ini amat kompleks dan melibatkan banyak pihak berkepentingan yang perlu diberi pertimbangan. Mesyuarat Jawatankuasa Pemandu pada 5 Mac 2019 pula memutuskan supaya forum

NO SOALAN: 16

berasingan ini menggunakan forum sedia ada yang sedang berlangsung antara PETRONAS dan Kerajaan Negeri Sarawak dalam membincangkan penyelesaian secara komersil. Perbincangan bersama Kerajaan Negeri Sabah pula akan diadakan selepas selesai perbincangan dengan Kerajaan Negeri Sarawak. Forum ini akan dipengerusikan secara bersama oleh YB Menteri Hal Ehwal Ekonomi dan YAB Ketua Menteri Sabah/Sarawak.

3. Keahlian forum berasingan ini adalah terdiri daripada wakil-wakil seperti berikut:
 - a. Kementerian Hal Ehwal Ekonomi (MEA);
 - b. Kementerian Kewangan Malaysia (MOF);
 - c. Jabatan Peguam Negara (AGC);
 - d. Petroliam Nasional Berhad (PETRONAS);
 - e. Kerajaan Negeri Sarawak;
 - f. Kerajaan Negeri Sabah; dan
 - g. BHEUU, JPM sebagai Urus setia.
4. Untuk makluman Ahli Yang Berhormat, skop forum berasingan ini hanya menumpukan kepada tiga (3) perkara iaitu:-

NO SOALAN: 16

- (i) Penyelesaian komersial bersama PETRONAS;
 - (ii) Royalti atau bayaran tunai; dan
 - (iii) Cukai termasuk duti eksport dan cukai jualan.
5. Hasil perbincangan dan syor daripada forum berasingan ini akan diangkat terus kepada Jawatankuasa Khas Kabinet (Pemandu) MA63 untuk pertimbangan dan persetujuan.

Sekian, terima kasih.

Kementerian Hal Ehwal Ekonomi
1 April 2019

**PEMBERITAHUAN PERTANYAAN DEWAN RAKYAT
MESYUARAT PERTAMA, PENGGAL KEDUA
PARLIMEN KEEMPAT BELAS**

PERTANYAAN : LISAN
DARIPADA : PUAN NOORITA BINTI SUAL
[TENOM]
TARIKH : 1 APRIL 2019 (ISNIN)

SOALAN NO. 17

Minta **MENTERI KESIHATAN** menyatakan keberkesanan penguatkuasaan larangan merokok di tempat makan dan berapa jumlah notis amaran yang sudah dikeluarkan kepada pesalah mengikut negeri.

JAWAPAN

Yang di-Pertua,

Tembakau dan produk tembakau merupakan komoditi sah yang didagangkan namun ia terbukti secara saintifik **membunuh separuh daripada penggunanya**. Oleh itu, penggunaan tembakau dan produk tembakau adalah dikawal di bawah konvensyen antarabangsa iaitu *Framework Convention on Tobacco Control (WHO FCTC)* di mana Malaysia merupakan ahli parti kepada konvensyen ini semenjak 2005.

Pada 23hb September 2004, Pewartaan Kawasan Larangan Merokok di bawah Peraturan 11, Peraturan-Peraturan Kawalan Hasil Tembakau (PPKHT 2004) telah mula berkuatkuasa. Manakala, kawasan larangan merokok diperluas ke semua tempat makan dikuatkuasa mulai 1hb Januari 2019 di bawah Peraturan 11, Peraturan-Peraturan Kawalan Hasil Tembakau (Pindaan) 2018.

Peraturan ini bertujuan untuk melindungi golongan orang ramai terutama golongan bukan perokok daripada terdedah kepada bahaya asap rokok dan membudayakan amalan tidak merokok kawasan tumpuan orang awam.

Kementerian Kesihatan Malaysia mengambil pendekatan “soft approach” (dengan izin), dengan memulakan aktiviti penguatkuasaan pendidikan sehingga bulan Jun 2019 bagi memberi peluang segenap lapisan masyarakat mengubah tabiat merokok sebagaimana yang diperuntukkan oleh undang-undang.

Sebagai permulaan kepada pindaan pewartaan ini, semua negeri telah melaksanakan penguatkuasaan pendidikan yang merangkumi aktiviti pemakluman berkenaan tempat-tempat larangan merokok melalui edaran risalah, makluman secara individu serta makluman di media massa dan media sosial. Selain daripada edaran risalah dan makluman individu, mereka yang masih merokok di tempat larangan akan diberikan amaran secara bertulis.

Aktiviti Penguatkuasaan Pendidikan juga merangkumi aktiviti memperingatkan Tuan Punya Premis akan tanggungjawab mereka untuk meletakkan tanda larangan merokok dan memastikan tiada orang merokok sebagaimana Peraturan 12, Peraturan-Peraturan Kawalan Hasil Tembakau 2004. Sehingga kini, sebanyak 22,047 amaran bertulis telah dikeluarkan di mana 20,351 adalah amaran kepada Tuan Punya Premis yang gagal meletakkan tanda amaran merokok dan 1696 amaran kepada individu yang masih merokok di tempat makan. Mulai Julai 2019, penguatkuasaan sepenuhnya akan dilaksanakan oleh 5008 pegawai kesihatan persekitaran di seluruh negara.

Yang di-Pertua,

Sokongan serta maklumbalas positif akan perlaksanaan ini dapat dilihat di mana seramai 151,000 rakyat Malaysia telah menandatangani petisyen untuk terus komited menyokong pelaksanaan ini manakala lebih 30 badan-badan professional kesihatan dan badan-badan bukan Kerajaan akan terus membantu menyokong pihak Kementerian Kesihatan Malaysia melaksanakan larangan ini.

KKM juga komited untuk terus meluaskan pewartaan tempat dilarang merokok terutama di tempat-tempat awam demi melindungi kesihatan masyarakat Malaysia.

Sekian, terima kasih.

**PEMBERITAHUAN PERTANYAAN LISAN DEWAN RAKYAT MESYUARAT
PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : DR. NIK MUHAMMAD ZAWAWI BIN HAJI
SALLEH [PASIR PUTEH]**

TARIKH : 1.4.2019 (ISNIN)

SOALAN NO. 18

Dr. Nik Muhammad Zawawi bin Haji Salleh [Pasir Puteh] minta **MENTERI PENDIDIKAN** menyatakan adakah Kementerian merancang untuk menambahkan bilangan IPTA yang akan menambah peluang untuk golongan B40 berpendidikan tinggi dan adakah Kementerian bersedia memberi peluang lebih luas kepada IPTS dalam mengadakan kerjasama strategik dengan IPTA berkaitan penawaran pengajian secara pesisir dalam usaha meningkatkan tahap kemajuan rakyat melalui pendidikan tinggi.

JAWAPAN

Tuan Yang di-Pertua,

Kementerian Pendidikan Malaysia (KPM) telah mengambil inisiatif dengan mewujudkan mekanisme mod kemasukan secara laluan khas bagi golongan B40 dalam pengambilan pelajar ke institusi pendidikan tinggi awam. Secara keseluruhan, sejumlah 22,405 orang pelajar dari golongan B40 telah ditawarkan tempat bagi menyambung program Sijil, Asasi, Diploma dan Ijazah Sarjana Muda di institusi pendidikan tinggi awam (IPTA) bagi Sesi Akademik 2018/2019.

KPM melalui Jabatan Pendidikan Tinggi, membuka peluang kepada institusi pendidikan tinggi swasta (IPTS) sama ada dalam atau luar negara untuk bekerjasama dengan universiti awam (UA) bagi menawarkan program akademik. Terdapat pelbagai mod program akademik berbentuk kerjasama yang boleh ditawarkan:

1. Dual Ijazah (Dual Degree);
2. Dwi Ijazah (Double Degree);
3. Ijazah Bersama (Joint Degree); dan
4. Francais (Franchise) Luar Pesisir (Offshore).

No. Soalan: 18

Namun begitu, bagi menjaga kualiti program akademik yang ditawarkan beberapa peraturan perlu dipatuhi oleh mana-mana IPTS yang ingin berbuat demikian, contohnya:

1. Program yang ingin ditawarkan perlulah mendapat akreditasi penuh;
2. IPTS perlu mematuhi standard program, dasar-dasar berkaitan dan Garis Panduan Program Kerjasama UA atau IPTS di dalam negara;
3. Mendapat kelulusan terlebih dahulu daripada pihak pengurusan tertinggi institusi-institusi terlibat; dan
4. Mendapat kelulusan daripada KPM (Pendidikan Tinggi) sebelum program berkenaan mula ditawarkan dan dilaksanakan.

KPM berpandangan bahawa ekosistem pendidikan sedia ada adalah mencukupi buat masa sekarang. Dengan 20 buah universiti awam, 36 buah politeknik dan 100 buah kolej komuniti di seluruh negara, KPM berpandangan jumlah yang ada kini dapat menampung dan memberi peluang yang sama rata kepada semua masyarakat terutamanya daripada golongan B40 dalam melanjutkan pelajaran. Dalam pada masa yang sama, terdapat 451 buah IPTS yang turut menawarkan program dan peluang kepada para pelajar menyambung pelajaran daripada peringkat sijil hingga ke PhD.

KPM turut menggalakkan kerjasama strategik di antara UA dan IPTS terutamanya bagi UA dalam menawarkan program pesisir di IPTS di seluruh Malaysia. Sejak dari tahun 2015, lebih daripada 100 program pesisir telah dilaksanakan oleh pihak UA yang berkaitan.

Sekian, terima kasih

RJM 98

**PEMBERITAHUAN PERTANYAAN DEWAN RAKYAT
MESYUARAT PERTAMA, PENGGAL KEDUA
PARLIMEN KEEMPAT BELAS**

PERTANYAAN : LISAN
DARIPADA : TUAN TEH KOK LIM
[TAIPING]
TARIKH : 1 APRIL 2019 (ISNIN)

SOALAN NO. 19

Minta **MENTERI KESIHATAN** menyatakan jumlah bilangan pesakit buah pinggang yang menjalani rawatan dialisis di negara kita dan kos rawatan tahunan yang terlibat. Apakah langkah-langkah proaktif yang telah diambil untuk mengurangkan pesakit buah pinggang.

JAWAPAN

Yang di-Pertua,

Data *Preliminary Report Malaysian Dialysis and Transplant Registry* 2016 menunjukkan bahawa sehingga tahun 2016 terdapat sejumlah 39,058 pesakit yang menjalani rawatan dialisis di seluruh negara di mana 34,273 pesakit menjalani rawatan hemodialisis dan 4,785 pesakit menjalani rawatan *Peritoneal Dialysis* (CAPD). Daripada jumlah ini, 33% menerima rawatan di pusat awam, 47% di pusat swasta dan 20% di pusat NGO.

Kos rawatan tahunan bagi seorang pesakit buah pinggang adalah sebanyak RM 33,642 untuk rawatan hemodialisis, RM 31,635 untuk rawatan *Continuous Ambulatory Peritoneal Dialysis* (CAPD) dan RM 48,000 untuk rawatan *Automated Peritoneal Dialysis* (APD).

Yang di-Pertua,

KKM sedar bahawa Penyakit Buah Pinggang adalah satu masalah kesihatan awam yang besar di Malaysia. Bilangan rakyat Malaysia dengan penyakit buah pinggang diunjurkan meningkat dengan ketara berikutan peningkatan prevalen diabetes dan hipertensi. Penyakit ini merupakan komplikasi utama diabetes dan hipertensi yang boleh dielakkan.

Oleh itu, KKM telah membangunkan Pelan Tindakan Kebangsaan untuk Kesihatan Buah Pinggang (ACT-KID) 2018-2025 pada tahun 2018. ACT-KID adalah pelan strategik jangka sederhana untuk mengurangkan beban Penyakit Buah Pinggang di Malaysia.

Objektif utama ACT-KID 2018-2025 adalah untuk mencegah atau melambatkan kejadian penyakit buah pinggang di Malaysia. Ia mempunyai empat objektif khusus:

- i. Pencegahan yang memberi tumpuan kepada gaya hidup sihat;

- ii. Pengesanan awal, iaitu menyediakan perkhidmatan bersepadu dalam pengesanan dan pengurusan penyakit buah pinggang, mewujudkan kerjasama multi-disiplin serta pendekatan kesihatan masyarakat untuk memenuhi keperluan pesakit buah pinggang;
- iii. Untuk mengembangkan dan meningkatkan pilihan rawatan bagi pesakit yang mengalami penyakit buah pinggang peringkat akhir; dan
- iv. Membangun dan mengekalkan komponen penyelidikan yang kukuh untuk menentukan strategi dan aktiviti pencegahan dan kawalan penyakit buah pinggang

Objektif dan aktiviti-aktiviti ACT-KID juga diselaraskan mengikut Pelan Strategik Kebangsaan untuk Penyakit Tidak Berjangkit 2016-2025.

Sekian, terima kasih.

PEMBERITAHUAN PERTANYAAN DEWAN RAKYAT

PERTANYAAN : LISAN

DARIPADA : DATUK SERI HAJI AHMAD BIN HAMZAH [JASIN]

TARIKH : 1 APRIL 2019 | ISNIN

SOALAN :

Datuk Seri Haji Ahmad bin Hamzah [Jasin] minta **MENTERI KEWANGAN** menyatakan senarai dan menjelaskan dengan lengkap, tepat dan telus tentang objektif serta proses penubuhan dan operasi SPV (Urusharta Jamaah Sdn Bhd) bagi menjual aset Tabung Haji, termasuk yang untung, yang bernilai hampir RM20 bilion serta rasional meletakkannya di bawah Kementerian Kewangan dan tidak di bawah Kementerian Hal Ehwal Ekonomi.

JAWAPAN : (MENTERI DI JABATAN PERDANA MENTERI)

Tuan Yang Dipertua,

Secara keseluruhan, aset-aset yang telah dipindahkan terdiri daripada 29 harta tanah, 1 syarikat tidak tersenarai dan 106 sekuriti ekuiti domestik telah dipindahkan pada nilai perpindahan RM19.9 bilion.

Nilai perpindahaan bagi setiap aset ditentukan berdasarkan kategori aset. Bagi harta tanah dan syarikat tidak tersenarai, premium ke atas nilai buku asal telah ditetapkan, manakala bagi sekuriti ekuiti domestik, nilai buku asal atau kos asal pelaburan **TH** diguna pakai.

Senarai setiap aset serta nilai perpindahan adalah seperti berikut :

Harta Tanah				
Bil	Butir-butir	Jenis	Nilai Buku (RM)	Nilai Perpindahan (RM)
1	TRX, KL	Tanah	196,006,930	400,000,000
2	Jalan Hill, NS	Tanah	5,900,000	8,966,423
3	Klebang, Melaka	Tanah	48,000,000	72,947,169
4	Precint 4, Putrajaya	Tanah	91,580,000	139,177,120
5	Segamat, Johor	Tanah	39,996	60,783
6	THHC Kuching Hotel	Tanah	3,800,000	5,774,984
7	Kuala Lipis, Pahang	Tanah	2,718	80,000
8	THHC Kuching Hotel	Hotel	203,885,560	309,851,550
9	TH Hotel Terengganu	Hotel	88,000,000	133,736,477
10	TH Hotel Alor Setar	Hotel & Pejabat	105,693,423	160,625,749
11	TH Hotel Kota Kinabalu	Hotel	72,500,000	110,180,620
12	TH Hotel Bayan Lepas	Hotel	59,000,000	89,664,229
13	Platinum Park	Bangunan Komersial	485,810,740	737,399,698
14	Batu Pahat, Johor	Bangunan Komersial	330,000	501,512

NO. SOALAN : 20

15	Pekan, Pahang	Bangunan Komersial	1,990,000	3,024,268
16	Greenhall, Penang	Bangunan Komersial	3,200,000	4,863,145
17	Kota Bharu, Kelantan	Bangunan Komersial	10,500,000	15,957,193
18	Raub, Pahang	Bangunan Komersial	1,375,000	2,089,632
19	Simpang Kuala, Kedah	Bangunan Komersial	4,600,000	6,990,770
20	Kulim, Kedah	Bangunan Komersial	700,000	1,063,813
21	Sg. Petani, Kedah	Bangunan Komersial	655,000	995,425
22	Kuala Perlis, Perlis	Bangunan Komersial	264,990	550,000
23	Bandar Tasik Selatan, KL	Bangunan Komersial	1,080,000	1,800,000
24	Jalan Tampin-Seremban, NS	Bangunan Komersial	850,000	1,291,773
25	Johor Bahru, Johor	Bangunan Komersial	1,850,000	3,000,000
26	Kuala Krai, Kelantan	Bangunan Komersial	312,489	650,000
27	Gua Musang, Kelantan	Bangunan Komersial	650,000	987,826
28	Sandakan, Sabah	Bangunan Komersial	1,668,979	2,536,402
29	Hicom-Glenmarie	Bangunan Kilang	21,000,000	31,914,386
Jumlah			1,410,651,797	2,246,680,947

Syarikat Tidak Tersenarai

Bil	Butir-butir	Jenis	Nilai Buku (RM)	Nilai Perpindahan (RM)
1	TH Estates (Holdings) Sdn Bhd	Saham Biasa	713,707,632	796,468,248
		RCPS	4,614,870	5,307,101
Jumlah			718,322,502	801,775,349

Sekuriti Ekuiti Domestik

Bil	Butir-butir	Jumlah Saham	Nilai Pasaran 31-Dis-2018 (RM)	Nilai Perpindahan / Buku (RM)
1	Adventa Berhad	14,335,900	6,236,117	38,787,042
2	Ahmad Zaki Resources Berhad	21,766,700	6,638,844	21,776,831

NO. SOALAN : 20

3	Alam Maritim Resources Berhad	91,965,700	7,357,256	111,224,108
4	Amway (Malaysia) Holdings Berhad	204,000	1,224,000	2,033,468
5	Ann Joo Resources Berhad	19,102,000	23,877,500	62,839,211
6	APB Resources Berhad	8,850,300	7,168,743	13,662,764
7	Axiata Group Berhad	237,100,065	931,803,255	1,422,605,154
8	AZRB-WA	14,433,400	1,443,340	2,598,012
9	Bintulu Port Holdings Berhad	17,000,000	76,500,000	111,872,988
10	Bonia Corporation Berhad	18,749,300	4,124,846	17,755,445
11	Boustead Heavy Industries Corporation	18,646,300	24,426,653	46,600,438
12	Boustead Plantations Berhad	75,389,100	56,541,825	88,988,604
13	Brahims Holdings Berhad	45,553,450	12,754,966	83,605,981
14	Bumi Armada Berhad (NS)	51,962,800	8,054,234	115,248,112
15	CSC Steel Holdings Berhad	27,281,800	27,827,436	54,227,910
16	Datasonic Group Berhad	124,153,400	50,282,127	159,153,898
17	Dayang Enterprise Holdings Berhad	76,367,600	41,238,504	202,233,786
18	Destini Berhad	53,354,000	10,937,570	31,606,717
19	DIGI.COM Berhad	112,332,500	500,328,955	576,240,738
20	DSONIC-WA	62,076,700	4,655,753	7,449,204
21	Eastern & Oriental Berhad	94,248,000	105,557,760	182,022,281
22	Econpile Holdings Berhad	27,169,650	10,460,315	31,146,480
23	Ekovest Berhad	33,558,000	14,933,310	32,377,194
24	Enra Group Berhad	5,000,000	8,100,000	14,508,945
25	Eversendai Corporation Berhad (NS)	40,285,600	26,991,352	66,484,163
26	Fajarbaru Builder Group Berhad	5,908,600	1,861,209	5,574,700

NO. SOALAN : 20

27	Felda Global Ventures Holdings Berhad	283,710,100	202,852,722	1,310,020,819
28	Gadang Holdings Berhad	33,829,500	17,253,045	39,107,656
29	Gamuda Berhad	90,495,000	206,238,105	452,527,684
30	Gamuda-WE	139,124,600	20,868,690	69,562,300
31	Globetronics Technology Berhad	9,000,000	15,750,000	24,524,988
32	Glomac Berhad	80,060,310	31,223,521	71,822,502
33	Hap Seng Plantations Berhad	66,074,500	108,362,180	173,843,559
34	Hiap Teck Venture Berhad	22,587,200	5,082,120	10,503,219
35	Hiaptek-LA RCUIDS	20,005,360	5,501,474	9,900,453
36	Icon Offshore Berhad	103,611,268	7,252,789	139,003,037
37	IJM Corporation Berhad	227,307,500	368,238,150	773,964,985
38	Ikhmas Jaya Group Berhad	24,261,700	2,426,170	17,046,476
39	Integrated Logistic Berhad (NS)	20,584,783	9,571,924	34,646,882
40	Kimlun Corporation Berhad	12,112,500	13,081,500	27,114,696
41	KSL Holdings Berhad	71,800,000	50,978,000	87,486,251
42	Lafarge Malaysia Berhad	13,450,100	24,344,681	83,867,207
43	Land & General (NS)	126,094,540	17,022,763	34,717,030
44	Lingkaran Trans Kota Hldgs	16,754,100	69,529,515	96,410,256
45	Lion Industries Corporation Berhad	44,026,800	22,013,400	71,991,567
46	Lotte Chemical Titan Holdings Berhad	57,672,100	266,445,102	365,226,962
47	Mah Sing Group Berhad	139,994,900	128,095,334	227,172,077
48	Malakoff Corporation Berhad	500,000,000	400,000,000	901,983,652
49	Malaysia Marine & Heavy Engineering	105,619,000	57,562,355	443,875,189
50	Maxis Berhad	128,503,600	681,197,584	879,395,994

NO. SOALAN : 20

51	MCT Berhad	133,480,000	99,442,600	170,854,400
52	Melati Ehsan Holdings Berhad	8,612,900	4,521,773	12,467,867
53	Minda Global Berhad	55,040,000	3,027,200	11,007,245
54	MISC Berhad	65,511,300	438,925,710	486,532,216
55	Mitrajaya Holdings Berhad	17,506,710	4,901,879	15,801,475
56	MK Land Holdings Berhad	31,526,500	5,674,770	12,371,696
57	MMC Corporation Berhad	233,819,700	194,070,351	583,463,246
58	MRCB-WB	69,935,500	14,336,778	18,882,585
59	MSM Malaysia Holdings Berhad	35,000,000	91,000,000	174,136,984
60	Mudajaya Group Berhad	53,865,500	15,620,995	154,947,016
61	MY E.G. Services Berhad	11,761,300	11,467,268	18,560,631
62	NAIM Holdings Berhad	24,827,200	11,048,104	78,271,318
63	Notion Vtec Berhad	17,334,003	10,487,072	23,445,366
64	Parkson Holdings Berhad	105,908,219	25,947,514	331,645,737
65	Pelikan International Corporation Berhad	157,185,498	54,228,997	329,489,901
66	Petra Energy Berhad	31,707,012	12,841,340	64,699,164
67	Pharmaniaga Berhad	11,586,700	32,211,026	63,085,694
68	Pintaras Jaya Berhad	11,352,100	25,315,183	41,766,827
69	POS Malaysia Berhad	7,218,400	12,415,648	35,037,539
70	Progressive Impact Corporation Berhad	65,000,000	7,800,000	25,221,300
71	Puncak Niaga Holdings Berhad	44,073,600	15,425,760	139,266,369
72	Reach Energy Berhad	106,480,800	31,411,836	72,552,289
73	REACH-WA	38,307,200	2,681,504	4,405,328
74	Rimbunan Sawit Berhad	2,210,400	342,612	696,557
75	S P Setia Berhad	71,799,700	167,293,301	228,693,146
76	Sapura Energy Berhad	120,428,700	34,924,323	212,660,769
77	Sarawak Plantation Berhad	18,791,400	31,945,380	59,177,390

NO. SOALAN : 20

78	Scomi Energy Services Berhad	108,317,600	4,332,704	87,123,728
79	Sime Darby Plantation Berhad	59,363,900	282,572,164	327,131,323
80	SKP Resources Bhd	19,986,500	20,985,825	30,818,738
81	Star Media Group Berhad	39,806,300	27,267,316	125,679,749
82	Suria Capital Holdings Berhad	26,800,000	44,220,000	64,518,915
83	Symphony Life Berhad	22,609,000	7,460,970	18,961,545
84	Telekom Malaysia Berhad	40,470,000	107,650,200	241,202,959
85	TH Heavy Engineering Berhad	334,162,107	10,024,863	380,349,719
86	TH Heavy Engineering Berhad (ICPS)	1,097,228,735	16,458,431	315,453,262
87	Titijaya Land Berhad	34,512,000	10,353,600	31,116,319
88	Titijaya Land Berhad (ICPS)	4,000,000	140,000	330,000
89	TRC Synergy Berhad	34,834,952	18,810,874	28,042,859
90	TSH Resources Berhad	61,350,200	60,736,698	131,156,638
91	TSR Capital Berhad	16,926,500	5,924,275	22,613,657
92	UEM Edgenta Berhad	48,313,300	131,412,176	156,929,286
93	UEM Sunrise Berhad	348,871,500	231,999,548	624,513,480
94	UMW Hldgs	22,760,300	124,498,841	148,352,797
95	UZMA Berhad	26,263,200	15,101,340	66,694,838
96	Velesto Energy Berhad	410,247,380	73,844,528	289,075,730
97	Velesto-WA	69,066,620	4,489,330	8,287,994
98	Wah Seong Corporation Berhad	15,733,700	9,990,900	25,934,641
99	WCT Holdings Berhad	118,655,900	80,092,733	240,692,475
100	White Horse Berhad	22,468,700	34,377,111	47,380,871
101	WTK Holdings Berhad	8,949,700	3,848,371	28,356,507
102	WZ Satu Berhad	43,498,672	8,264,748	33,214,351
103	Yi-Lai Berhad	16,480,000	9,228,800	23,677,758

NO. SOALAN : 20

104	YLI Holdings Berhad	9,312,300	1,909,022	30,575,371
105	YTL Power International (NS)	49,017,630	40,684,633	68,484,649
106	Zhulian Corporation Berhad	17,948,700	22,130,747	37,393,875
Jumlah		7,470,336,659		16,851,543,704

Untuk makluman, objektif penubuhan SPV yang dimiliki penuh Kerajaan, dikenali sebagai Urusharta Jamaah Sdn Bhd (UJSB), adalah untuk membantu mengambil alih aset-aset **TH** yang mengalami kejatuhan nilai bagi menutup jurang diantara aset dan liabiliti yang dialami oleh **TH**. Ini perlu dicapai bagi membolehkan **TH** membuat agihan hibah yang selaras dengan Akta Tabung Haji 1995.

Tujuan dan peranan UJSB adalah seperti berikut:

- 1) menjalankan proses rehabilitasi aset-aset melalui strategi pengudangan (warehousing strategy) dan penstrukturkan semula;
- 2) meneruskan kelangsungan operasi aset-aset yang diambilalih;
- 3) memaksimumkan nilai ambil pulih (asset recovery value); dan
- 4) menebus kesemua intrumen kewangan yang telah diterbitkan oleh UJSB dan dilanggan oleh **TH**.

Bagi membolehkan transaksi pemindahan aset dimuktamadkan sebelum akhir tahun 2018, SPV dibawah Kementerian Kewangan telah digunakan bagi mempercepatkan proses ambilalih dilaksanakan. SPV ini telah didaftarkan pada 14 Disember 2018.

Sekian. Terima kasih.

DEWAN RAKYAT
PEMBERITAHUAN PERTANYAAN
MESYUARAT PERTAMA, PENGGAL KEDUA
PARLIMEN KEEMPAT BELAS (2019)

PERTANYAAN : LISAN

**DARIPADA : YB DATO' SERI ANWAR BIN IBRAHIM
[PORT DICKSON]**

TARIKH MENJAWAB : 1 APRIL 2019

SOALAN : 21

Dato' Seri Anwar Bin Ibrahim [Port Dickson] minta Perdana Menteri menyatakan apakah terdapat sebarang kerjasama perundangan atau *Mutual Legal Assistance (MLA)* di antara Malaysia dan Perancis berhubung dengan skandal Scorpene.

JAWAPAN: **YB TUAN MOHAMED HANIPA BIN MAIDIN**
TIMBALAN MENTERI DI
JABATAN PERDANA MENTERI

1. Kerajaan Malaysia telah menandatangani Perjanjian Bantuan Bersama Dalam Perkara Jenayah dengan tujuh belas buah negara iaitu Brunei Darussalam, Cambodia, Filipina, Indonesia, Laos, Myanmar, Singapura, Thailand dan Vietnam pada 29 November 2004, Australia pada 15 November 2005, Amerika Syarikat pada 28 Julai 2006, Hong Kong (Wilayah Pentadbiran Khas) pada 17 Oktober 2006, United Kingdom pada 21 Julai 2010, Korea Selatan pada 10 Disember 2010, India pada 12 Mac 2012, Republik Rakyat China pada 23 November 2015 dan Ukraine pada 4 Ogos 2016.

2. Kerajaan Malaysia juga telah menandatangani Perjanjian Ekstradisi dengan lapan buah negara iaitu Thailand (melalui Perjanjian Ekstradisi antara Great Britain dengan Siam yang ditandatangani pada 4 Mac 1911 dan pemakaianya telah dilanjutkan melalui pertukaran Nota bertarikh 27 Oktober 1959 antara Persekutuan Malaya dengan Thailand), Indonesia pada 7 Jun 1974, Hong Kong (Wilayah Pentadbiran Khas) pada 11 Januari 1995, Amerika Syarikat pada 3 Ogos 1995, Australia pada 15 November 2005, India pada 20 Januari 2010, Korea Selatan pada 17 Januari 2013 dan Ukraine pada 4 Ogos 2016.

3. Pada masa kini, Kerajaan Malaysia juga dalam proses rundingan Perjanjian Bantuan Bersama Dalam Perkara Jenayah dan Perjanjian Ekstradisi secara aktif dengan beberapa buah negara lain seperti Republik Islam Iran, Romania, Maldives, Algeria, Kazakhstan dan Perancis.
4. Keutamaan untuk mengadakan rundingan perjanjian-perjanjian tersebut diberikan berdasarkan jumlah kes bantuan bersama dalam perkara jenayah dan ekstradisi yang sedang dikendalikan, hubungan kerjasama sedia ada antara kedua-dua Negara dan hasrat negara-negara tersebut untuk memuktamadkan kedua-dua Perjanjian berkenaan dengan Malaysia.
5. Pada masa kini, Suruhanjaya Pencegahan Rasuah Malaysia (SPRM) sedang menjalankan siasatan terhadap pemerolehan dua buah kapal selam *Scorpene-class* pada tahun 2002 oleh Kerajaan Malaysia daripada syarikat Perancis. Siasatan dan pendakwaan juga sedang dijalankan oleh pihak berkuasa Perancis berhubung dengan pemerolehan *Scorpene* ini. Dalam pada masa yang sama, Kerajaan Malaysia komited dalam memberi bantuan kepada Kerajaan Perancis. Kerajaan Malaysia juga telah menerima permintaan bantuan bersama dalam perkara jenayah daripada Kerajaan Perancis berhubung dengan pemerolehan *Scorpene*.

6. Demi keadilan dan kepentingan bersama, kedua-dua pihak berkuasa Malaysia dan Perancis sedang bekerjasama dalam usaha memberikan bantuan perundangan bersama dalam hal jenayah. Maklumat dan dokumen telah dikongsi untuk mengukuhkan kes masing-masing dalam bidang kuasa masing-masing.

Sekian, terima kasih.

No. Soalan: 22
PR-1421-L04254

PEMBERITAHUAN PERTANYAAN BAGI JAWAB LISAN
DEWAN RAKYAT MALAYSIA

PERTANYAAN : **JAWAB LISAN**

DARIPADA : **DATO' SRI ANIFAH BIN AMAN**
[KIMANIS]

TARIKH : **1 APRIL 2019**

SOALAN : **Dato' Sri Anifah bin Aman [Kimanis]** minta **MENTERI LUAR NEGERI** menyatakan apakah perkembangan perbincangan Malaysia-Singapura berkaitan isu sempadan Maritim yang masih lagi dihadapi oleh kedua-dua negara. Adakah kata putus telah dicapai. Sekiranya belum ada kata putus lagi, apakah cadangan mahupun langkah seterusnya.

JAWAPAN

Tuan Yang di-Pertua,

Saya mengucapkan terima kasih kepada Yang Berhormat Kimanis di atas pertanyaan yang telah dikemukakan.

Tuan Yang di-Pertua,

2. Malaysia telah mengisyiharkan Perubahan Had Pelabuhan untuk Pelabuhan Johor Bahru pada 25 Oktober 2018. Susulan itu, Singapura juga telah mengisyiharkan Had Pelabuhan Tuas yang baharu pada 6 Disember 2018.

3. Untuk meredakan suasana yang tegang mengenai isu tersebut, pada 8 Januari 2019, kedua-dua negara bersetuju untuk menubuhkan Kumpulan Kerja (*Working Group*) bagi menangani isu maritim melibatkan peluasan had pelabuhan Johor Bahru di Tanjung Piai dan had pelabuhan Singapura di Tuas. Kumpulan Kerja (*Working Group*) tersebut membincangkan dan berunding berkaitan isu maritim berhubung had pelabuhan tersebut berkaitan perundangan dan operasi bagi meredakan pertikaian di kawasan tersebut.

4. Kumpulan Kerja (*Working Group*) dipengerusikan secara bersama oleh YBhg. Dato' Sri Muhammad Shahrul Ikram Yaakob, Ketua Setiausaha Kementerian Luar Negeri Malaysia dan Encik Chee Wee Kiong, Setiausaha Tetap Kementerian Luar Negeri Singapura.

5. Kumpulan Kerja (*Working Group*) tersebut telah berbincang dan berjaya mencapai persetujuan dalam had waktu yang ditetapkan, dan mencadangkan untuk Malaysia dan Singapura secara bersama:

- a. menangguhkan implementasi had pelabuhan baharu yang bertindih dan menggunakan had pelabuhan sebelum 25 Oktober 2018 dan 6 Disember 2018;

- b. tidak memberi sebarang kelulusan dan menangguhkan sebarang aktiviti komersial dalam had pelabuhan bertindih;
- c. tidak membenarkan kapal-kapal Kerajaan berlabuh di kawasan tersebut;
- d. kapal-kapal Malaysia dan Singapura yang beroperasi di kawasan tersebut tertakluk kepada undang-undang antarabangsa termasuk *United Nations Convention on the Law of the Sea 1982* (UNCLOS). Kedua-dua pihak akan mewujudkan satu modaliti yang boleh diamalkan bagi mengelak sebarang insiden yang tidak diingini di kawasan berkenaan;
- e. menubuhkan satu jawatankuasa yang dipengerusikan oleh Ketua Setiausaha Kementerian Luar Negeri Malaysia dan Setiausaha Tetap Kementerian Luar Negeri Singapura bagi perbatasan sempadan maritim dan memastikan supaya:
 - i. cadangan-cadangan operasi dilaksanakan dalam tempoh satu (1) bulan dari tarikh yang telah dipersetujui oleh Malaysia dan Singapura; dan
 - ii. rundingan perbatasan sempadan maritim bagi kawasan berkenaan bermula dalam tempoh satu (1) bulan selepas pelaksanaan cadangan-cadangan operasi tersebut.

6. Langkah-langkah tersebut di atas akan diambil tanpa prejudis kepada tuntutan Malaysia di kawasan tersebut. Selanjutnya, jika persetujuan tidak dapat dicapai semasa rundingan perbatasan sempadan maritim, Malaysia dan Singapura boleh bersetuju untuk menggunakan prosedur penyelesaian pertikaian pihak ketiga antarabangsa yang sesuai di atas terma-terma yang dipersetujui oleh kedua-dua negara.

7. Persetujuan di atas mempamerkan komitmen kedua-dua negara untuk bekerjasama menyelesaikan isu maritim berkaitan pertikaian peluasan had pelabuhan

tersebut secara baik dan mengikut saluran diplomasi yang betul, berdasarkan undang-undang antarabangsa.

8. Justeru, Kementerian ini akan meneruskan pendekatan aman dan strategik dalam menyelesaikan tuntutan maritim di antara kedua-dua Negara.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT PERTAMA, PENGGAL KE DUA,
PARLIMEN KE EMPATBELAS**

PERTANYAAN : JAWAB LISAN

DARIPADA : TUAN ALI ANAK BIJU [SARATOK]

TARIKH : 1 APRIL 2019

SOALAN : 23

Tuan Ali anak Biju [Saratok] minta **MENTERI DALAM NEGERI** menyatakan berkenaan dengan langkah-langkah yang diambil Kementerian untuk menangani isu pencerobohan tentera Indonesia di sempadan Sarawak-Kalimantan, sebagaimana yang berlaku di Melikin, bahagian Serian baru-baru ini dan apakah perkembangan penyiasatan kes pencerobohan dan penculikan di Melikin ini.

JAWAPAN:

Tuan Yang di-Pertua,

Kampung Danau Melikin merupakan penempatan yang paling hampir dengan garisan sempadan Sarawak-Kalimantan Barat, punca pendapatan utama penduduk di kawasan tersebut adalah menjalankan aktiviti pertanian dan mencari hasil hutan.

Pada 11 Disember 2018 jam lebih kurang 1000 hrs lima penduduk tempatan daripada Kampung Danau, Melikin berusia antara 15 hingga 64 tahun yang sedang menjalankan aktiviti memotong kayu di hutan atas tanah berstatus Tanah Hakmilik Adat (NCR) yang berada dalam kawasan Malaysia telah dihampiri oleh dua lelaki yang lengkap bersenjata dan berpakaian Tentera Nasional Indonesia (TNI). Kedua-dua lelaki tersebut telah mengarahkan mereka berlima untuk menaiki sebuah kenderaan pacuan empat roda (4WD) dan dibawa ke pos kawalan sempadan TNI di Sungai Engkeli, Kalimantan Barat, Indonesia atas dakwaan telah melakukan aktiviti memotong kayu dalam kawasan Kalimantan Indonesia.

Kerajaan melalui Kementerian Luar Negeri telah menghantar nota bantahan pada 21 Disember 2018 kepada Kedutaan Besar Republik Indonesia di Kuala Lumpur berhubung pencerobohan ini. Pada 24 Disember 2018, Kedutaan Besar Republik Indonesia di Kuala Lumpur telah membalias Nota tersebut dan mendakwa bahawa kejadian tersebut merupakan aktiviti pencerobohan dan pembalakan haram oleh lima (5) rakyat Malaysia di dalam kawasan wilayah Indonesia.

SOALAN : 23

Pada 7 Januari 2019, Kementerian Luar Negeri Malaysia sekali lagi telah menghantar Nota Bantahan kepada Kedutaan Besar Republik Indonesia di Kuala Lumpur untuk menepis dakwaan Indonesia dengan memberikan koordinat serta lokasi tempat kejadian tersebut berlaku, dimana ianya yang telah disahkan oleh Jabatan Ukur dan Pemetaan Malaysia (JUPEM). Nota tersebut turut menegaskan bahawa kejadian tersebut telah berlaku di dalam kawasan wilayah Malaysia dan bukannya di dalam kawasan wilayah Indonesia seperti yang didakwa Indonesia. Malaysia juga turut mengulangi pendirian supaya Kerajaan Indonesia menghormati kedaulatan Malaysia dan mengambil tindakan yang sewajarnya untuk memastikan keadilan dan supaya kejadian yang sama tidak berulang pada masa hadapan. Hasil daripada perbincangan yang telah diadakan dengan kerajaan Indonesia, kesemua tahanan tersebut telah dibebaskan.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN
DARIPADA : Y.B. TUAN AHMAD MARZUK BIN SHAARY
[PENGKALAN CHEPA]
TARIKH : 01 APRIL 2019 (ISNIN)

SOALAN NO. 24

Y.B. TUAN AHMAD MARZUK BIN SHAARY [PENGKALAN CHEPA] minta **MENTERI KEWANGAN** menyatakan justifikasi syarikat insurans dan takaful Great Eastern dipilih sebagai peneraju Skim Perlindungan Nasional B40 (mySalam).

JAWAPAN

Tuan Yang di-Pertua,

1. Untuk makluman Ahli Yang Berhormat, pemegang saham asing *Great Eastern Life Assurance (Malaysia) Berhad* telah memilih untuk memberi sumbangan kepada skim MySalam sebagai penyelesaian alternatif kepada komitmen mereka bagi mengurangkan pegangan saham mereka kepada tahap tidak melebihi 70%. Pemegang saham asing lain yang perlu mematuhi syarat pelupusan saham asing juga diberi pilihan yang sama. Kerajaan berhasrat untuk membolehkan pesakit yang terdiri daripada orang awam mendapat manfaat yang selama ini dikhususkan kepada golongan elit dan berada.
2. Semua syarikat insurans dan pengendali takaful di Malaysia dialu-alukan untuk menyertai skim ini selaras dengan inisiatif untuk memenuhi tanggungjawab sosial korporat dan menyokong matlamat pembangunan negara.

Tuan Yang di-Pertua,

3. Syarikat insurans dan pengendali takaful yang menyertai skim ini, termasuk *Great Eastern Takaful Berhad*, dikehendaki mematuhi prinsip berikut:-

- Kecekapan kos - Perlindungan tersebut akan diuruskan dan ditaja jamin pada harga kos, di mana keuntungan akan dikembalikan semula kepada skim ini;
- Perkhidmatan dan jangkauan yang berkesan - Tahap standard perkhidmatan perlu dikekalkan dan usaha meningkatkan kesedaran yang memuaskan perlu dilaksanakan untuk penerima skim ini; dan
- Pengurusan data skim - Segala undang-undang dan peraturan yang berkaitan dengan perlindungan dan kerahsiaan data, termasuk Akta Perlindungan Data Peribadi 2010 (*Personal Data Protection Act 2010*) perlu dipatuhi. Data yang dikumpul ialah kepunyaan skim ini.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA
PARLIMEN KEEMPAT BELAS**

PERTANYAAN : LISAN

**DARIPADA : DATIN PADUKA DR. TAN YEE KEW
[WANGSA MAJU]**

**TARIKH : 1 APRIL 2019
[ISNIN]**

SOALAN NO. 25

Minta **MENTERI PERUMAHAN DAN KERAJAAN TEMPATAN** menyatakan:-

- (a) jumlah projek Perumahan Rakyat 1Malaysia (PR1MA) di Wilayah Persekutuan Kuala Lumpur yang masih terbengkalai; dan
- (b) berapa kos-kos yang harus ditanggung oleh Kementerian dan apakah kaedah untuk menstruktur semula keberkesanan projek itu.

JAWAPAN :

Tuan Yang di-Pertua,

Soalan (a)

1. Untuk makluman Yang Berhormat, secara keseluruhannya, Perbadanan PR1MA telah meluluskan sebanyak 254 projek melibatkan 268,076 unit kediaman PR1MA. Pada masa ini PR1MA sedang menumpukan 94 kepada projek yang telah ditandatangani perjanjian dengan pihak pemaju melibatkan 95,117 unit. Di bawah fasa pertama pembangunan PR1MA, sebanyak 3,537 unit kediaman adalah terletak di Kuala Lumpur. Sehingga kini, sebanyak 2,073 unit telah siap dibina dan 1,463 unit sedang dalam pembinaan.
2. Sehingga kini, semua projek PR1MA berjalan mengikut jadual dan tiada sebarang projek yang terbengkalai. PR1MA menjangkakan lebih banyak projek akan memulakan pembinaan setelah memperolehi kelulusan daripada Kerajaan Negeri dan Pihak Berkuasa Tempatan (PBT). Justeru bagi meningkatkan keberkesanan dan pelaksanaan projek, PR1MA sentiasa berunding dengan semua pihak termasuk Kerajaan Persekutuan, Kerajaan Negeri dan agensi-agensi di bawahnya serta PBT. Melalui kerjasama erat ini, lebih banyak kediaman PR1MA dapat dilancarkan kepada pemohon pada masa depan.

Soalan (b)

1. Memandangkan tiada projek PR1MA yang terbengkalai, kos-kos yang terlibat adalah seperti perjanjian yang telah dimeterai. Kementerian Perumahan dan Kerajaan Tempatan (KPKT) akan terus memantau keberkesanan projek-projek perumahan di bawah PR1MA.

Sekian, terima kasih.

**PEMBERITAHUAN PERTANYAAN LISAN DEWAN RAKYAT MESYUARAT
PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : TUAN SHAHARIZUKIRNAIN BIN ABD. KADIR
[SETIU]**

TARIKH : 1.4.2019 (ISNIN)

SOALAN NO. 26

Tuan Shaharizukirnain bin Abd. Kadir [Setiu] minta **MENTERI PENDIDIKAN** menyatakan berapakah jumlah guru duka lara yang telah diselesaikan masalah mereka selepas PRU14 dan apakah masalah yang dihadapi oleh Kementerian dalam memproses permohonan mereka sehingga mengambil masa yang terlalu lama.

JAWAPAN

Tuan Yang di-Pertua,

Berdasarkan rekod Kementerian Pendidikan Malaysia (KPM), jumlah permohonan pertukaran guru bagi kes mengikut pasangan yang diluluskan dari Jun 2018 hingga Januari 2019 adalah sebanyak 2,707. Namun demikian, masih terdapat sebanyak 4,186 permohonan pertukaran guru kes mengikut pasangan yang tidak diluluskan bagi tahun 2018. Secara keseluruhannya, dalam tempoh 1 Januari 2016 hingga 1 Januari 2019, KPM telah meluluskan pertukaran seramai 14,511 orang guru mengikut pasangan.

KPM sentiasa berusaha bagi memastikan isu guru duka lara dapat diselesaikan. Walau bagaimanapun KPM berpandangan bahawa isu guru duka lara akan terus wujud kerana urusan perpindahan tempat kerja oleh pasangan guru atau guru-guru baharu yang mendirikan rumah tangga sentiasa berlaku sepanjang tahun. KPM akan memberi keutamaan kepada permohonan bagi alasan untuk mengikut pasangan, selain turut mempertimbangkan juga kelulusan bagi kes-kes lain seperti kes sakit kronik dan kes ancaman keselamatan.

Untuk makluman, kelulusan pertukaran guru juga bergantung kepada tiga (3) perkara utama, iaitu keperluan perkhidmatan, kekosongan jawatan dan keperluan opsyen di negeri yang dimohon. Selain itu, tempoh perkhidmatan guru dan jumlah mata merit permohonan turut diambil kira dalam proses pertimbangan kelulusan pertukaran guru. Dalam membuat pertimbangan terhadap keputusan kelulusan pertukaran guru dan kebijakan guru-guru, Jawatankuasa Pertukaran Guru berpandangan bahawa kebijakan dan kepentingan pembelajaran murid juga perlu diambilkira dan diberi keutamaan.

Sekian, terima kasih

RJM 100

**PEMBERITAHUAN PERTANYAAN DEWAN RAKYAT
MESYUARAT PERTAMA, PENGGAL KEDUA
PARLIMEN KEEMPAT BELAS**

PERTANYAAN : JAWAB LISAN

**DARIPADA : TUAN HASSAN BIN ABDUL KARIM
[PASIR GUDANG]**

TARIKH : 1 APRIL 2019 (ISNIN)

SOALAN NO. 27

Minta **MENTERI PENGANGKUTAN** menyatakan hasil perundingan dua negara, Malaysia dan Singapura berkaitan ruang udara Pasir Gudang.

JAWAPAN

Yang di-Pertua,

1. Pada 1 Disember 2018, Pihak Berkuasa Penerbangan Awam Singapura (CAAS) telah menyiaran tatacara Instrument Landing System (ILS) yang baharu untuk Lapangan Terbang Seletar, Singapura dalam *Singapore Aeronautical Information Publication* (SAIP) yang akan berkuatkuasa mulai 3 Januari 2019, tanpa persetujuan Malaysia.
2. Susulan tindakan tersebut, pada 5 Disember 2018, Kementerian Luar Negeri (KLN) telah menyerahkan Nota Bantahan kepada Singapura melalui Pesuruhjaya Tinggi Singapura ke Malaysia. Nota Bantahan ini antara lain mendesak supaya Singapura menarik balik penyiaran tatacara ILS yang baharu untuk Lapangan Terbang Seletar, Singapura dalam SAIP.
3. Pada 12 Disember 2018, Kementerian Pengangkutan telah mengeluarkan kenyataan media yang antara lain menegaskan bahawa Pihak Berkuasa Penerbangan Awam Malaysia (CAAM) tidak pernah bersetuju atau memberi sebarang kelulusan kepada CAAS terhadap penyiaran tatacara tersebut. Di samping itu, Malaysia turut mencadangkan supaya Singapura mewujudkan alternatif ILS untuk Landasan 03 di bahagian selatan Lapangan Terbang Seletar, Singapura tanpa perlu melalui ruang udara Pasir Gudang, Johor.
4. Pada 25 Disember 2018, Kementerian Pengangkutan melalui Pihak Berkuasa Penerbangan Awam Malaysia (CAAM) telah menyiaran *Notice to Airmen* (NOTAM) bagi mewujudkan satu Kawasan Larangan Kekal (*permanent restricted area*) atau lebih dikenali sebagai R.A. di ruang udara Pasir Gudang, Johor (di antara 2,000 hingga 5,000 kaki) yang berkuatkuasa mulai 2 Januari 2019.
5. Penyiaran NOTAM tersebut adalah selaras dengan *Article 9(a) Convention of International Civil Aviation 1944 (Chicago Convention)* yang membenarkan sesebuah negara untuk

mengisyiharkan '*restricted area*' atau '*prohibited area*' di ruang udara kedaulatannya atas sebab-sebab keperluan ketenteraan atau keselamatan awam. Ia juga adalah selaras dengan kuasa yang diperuntukkan kepada Ketua Pegawai Eksekutif, CAAM di bawah seksyen 24(o) Akta Penerbangan Awam 1969 untuk menyiar NOTAM berkenaan.

6. Pengisyiharan R.A adalah bagi membolehkan aktiviti ketenteraan dilaksanakan di kawasan tersebut. Pada masa yang sama, pengisyiharan tersebut juga boleh menghalang kemungkinan sebarang pencerobohan ruang udara kedaulatan negara.
7. Pewujudan R.A. ini turut tidak akan menjelaskan operasi penerbangan pesawat yang menggunakan tatacara visual approach sedia ada untuk pendaratan melalui Landasan 21 di bahagian utara di Lapangan Terbang Seletar, Singapura.
8. Berdasarkan kepada tarikh kuatkuasa tatacara ILS di Lapangan Terbang Seletar pada 3 Januari 2019, Malaysia mewujudkan R.A. berkenaan dengan menyiar NOTAM dengan mengambil kira tempoh sekurang-kurangnya 7 hari mengikut piawaian antarabangsa bagi penguatkuasaan bermula pada 2 Januari 2019 .
9. Sejurus rundingan antara YB Menteri Luar Malaysia dan Menteri Luar Singapura pada 8 Januari 2019, kedua-dua prosedur ILS dan R.A. digantung secara serentak untuk tempoh sebulan agar penyelesaian terbaik dapat dicapai oleh kedua-dua pihak.
10. Pada mesyuarat peringkat Menteri Pengangkutan pada 23 Januari 2019, Malaysia dan Singapura telah bersetuju untuk melanjutkan penggantungan pelaksanaan ILS dan R.A. sehingga 31 Mac 2019 bagi memberi ruang kepada perbincangan dua hala yang sedang berlangsung antara Civil Aviation Authority of Malaysia (CAAM) dan Civil Aviation Authority Singapura (CAAS). Setakat ini, CAAM dan CAAS telah mengadakan empat (4) mesyuarat untuk membincangkan cadangan tatacara pendaratan alternatif iaitu *Required Navigation Performance* (RNP) bagi Lapangan Terbang Seletar.

11. Selanjutnya, Menteri Pengangkutan Malaysia dan Singapura juga telah bersetuju untuk menubuhkan satu kumpulan kerja untuk membincangkan tindakan mengambil balik ruang udara Malaysia yang diwakilkan kepada Singapura melalui Surat Perjanjian *Operational Letter of Agreement between Kuala Lumpur and Singapore Area Control Centres Concerning Singapore Arrivals, Departures and Overflights* (OLOA 1974). Terma rujukan bagi jawatankuasa ini sedang dirundingi oleh kedua-dua pihak.
12. Merujuk tindakan mengambil balik ruang udara Malaysia di selatan Johor yang selama ini (semenjak tahun 1974) diwakilkan kepada Singapura untuk tujuan penyediaan perkhidmatan kawalan trafik udara, pihak Kerajaan Malaysia pada 29 November 2018, 22 dan 23 Januari 2019 juga telah memaklumkan Singapura berkenaan rancangan Malaysia untuk mengambil balik ruang udara kedaulatannya secara berperingkat, iaitu peringkat pertama dijangka sekitar akhir tahun 2019 dan peringkat seterusnya pada tahun 2023.
13. Rancangan mengambil balik ruang udara Malaysia di selatan Johor perlu dilakukan secara berperingkat bagi menyelaraskan tatacara perkhidmatan kawalan trafik udara antara pihak penyedia perkhidmatan pengemudian udara (air navigation services provider) di kedua-dua negara, demi menjamin pergerakan pesawat yang selamat, cekap dan teratur.
14. Pihak Kerajaan Malaysia sentiasa komited dalam memastikan kedaulatan dan kepentingan negara terus terpelihara. Isu-isu yang melibatkan kepentingan strategik pengurusan ruang udara negara akan terus diberi perhatian utama.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN
DARIPADA : Y.B. TUAN OSCAR LING CHAI YEW
[SIBU]
TARIKH : 01 APRIL 2019 (ISNIN)

SOALAN NO. 28

Y.B. TUAN OSCAR LING CHAI YEW [SIBU] minta **MENTERI KEWANGAN** menyatakan berapakah peruntukan MARRIS disalurkan ke Sarawak pada tahun 2015-2019, senaraikan mengikut tahun. Berapakah yang disalurkan kepada Majlis Perbandaran Sibu dan Majlis Daerah Luar Bandar Sibu pada tahun 2015-2019, senaraikan secara berasingan.

JAWAPAN

Tuan Yang di-Pertua,

1. Untuk makluman **Y.B. TUAN OSCAR LING CHAI YEW**, peruntukan pemberian penyelenggaraan jalan negeri (MARRIS) disediakan berdasarkan peruntukan Perkara 109(1)(b) Perlembagaan Persekutuan yang bertujuan untuk membantu Kerajaan Negeri menyenggara jalan negeri di negeri masing-masing. Asas pemberian dan skop penyelenggaraan adalah dikira berdasarkan Peruntukan Bahagian 2 Jadual Kesepuluh Perlembagaan Persekutuan dan Garis Panduan MARRIS yang berkuat kuasa. Bagi melayakkan negeri-negeri menerima peruntukan MARRIS, jalan-jalan di negeri masing-masing perlu didaftarkan di dalam Sistem MARRIS Online.
2. Untuk Negeri Sarawak, peruntukan MARRIS yang telah disalurkan oleh Kerajaan Persekutuan pada tahun 2015 adalah berjumlah RM761,304,657, tahun 2016 (RM822,437,744), tahun 2017 (RM847,110,877) dan bagi tahun 2018 sebanyak RM872,524,203. Manakala untuk tahun 2019, jumlah pemberian MARRIS belum dimuktamadkan.
3. Untuk makluman Yang Berhormat juga, Pemberian MARRIS disalurkan terus kepada Akaun Amanah Penyelenggaran Jalan Negeri Sarawak dan kuasa mengagihkan peruntukan MARRIS di peringkat negeri (termasuk Pihak Berkuasa Tempatan) adalah di bawah bidang kuasa Kerajaan Negeri. Oleh itu, Yang Berhormat bolehlah merujuk perkara tersebut kepada pihak berkuasa negeri bagi mendapatkan perincian pecahan perbelanjaan termasuk Sibu.

**PEMBERITAHUAN PERTANYAAN LISAN DEWAN RAKYAT MESYUARAT
PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : TUAN ARTHUR JOSEPH KURUP
[Pensiangan]**

TARIKH : 1.4.2019 (ISNIN)

SOALAN NO. 29

Tuan Arthur Joseph Kurup [Pensiangan] minta **MENTERI PENDIDIKAN** menyatakan bilakah pembinaan Sekolah Menengah Kebangsaan Terusmadi dijangka akan siap dan mula beroperasi.

JAWAPAN

Tuan Yang di-Pertua,

Pembinaan sekolah baharu yang mengandungi 24 bilik darjah dan lain-lain kemudahan di SMK Trus Madi, Keningau yang telah diluluskan dalam *Rolling Plan 1*, RMKe-11 dengan kos sebanyak RM46 juta. Tarikh siap asal projek ini adalah pada 19 Julai 2019. Walau bagaimanapun, terdapat kelewatan dalam pelaksanaan pembinaan sekolah ini disebabkan isu pengosongan tapak yang mana melibatkan pengalihan tiang elektrik Sabah Electricity Sdn. Bhd. (SESB) serta tapak pembangunan yang mempunyai tanaman pokok getah penduduk. Berikutnya itu, lanjutan masa telah diberikan bagi menyelesaikan isu tersebut. Terkini, isu di tapak telah selesai dan kerja-kerja sedang berjalan dengan status kemajuan adalah 31 peratus, dan dijangka siap pada 20 Mei 2020.

Sekian, terima kasih

RJM 99

**PEMBERITAHUAN PERTANYAAN JAWAB LISAN DEWAN RAKYAT
MESYUARAT PERTAMA, PENGGAL KE DUA,
PARLIMEN KE EMPATBELAS**

PERTANYAAN : JAWAB LISAN

DARIPADA : PUAN KHOO POAY TIONG [KOTA MELAKA]

TARIKH : 1 APRIL 2019

SOALAN : 30

Puan Khoo Poay Tiong [Kota Melaka] minta **MENTERI DALAM NEGERI** menyatakan statistik permohonan untuk mendapatkan kewarganegaraan, iaitu statistik mengikut pecahan negeri, kategori-kategori seperti yang diperuntukkan dalam Perlembagaan Persekutuan, bilangan yang ditolak dan apakah sebab-sebab utama permohonan-permohonan ditolak.

JAWAPAN:

Tuan Yang di-Pertua,

Berdasarkan rekod Jabatan Pendaftaran Negara (JPN) dari tahun 2013 hingga 15 Februari 2019, sejumlah 101,919 permohonan kewarganegaraan telah diterima. Daripada jumlah tersebut, sebanyak 23,853 permohonan siap diproses dan mendapat keputusan tolak kerana tidak memenuhi syarat-syarat yang ditetapkan dalam Bahagian III, Perlembagaan Persekutuan. Perincian permohonan tertinggi mengikut tiga (3) negeri permohonan diterima adalah seperti berikut:-

- a) WP Putrajaya sebanyak 22,856 permohonan;
- b) Negeri Sabah sebanyak 22,044 permohonan; dan
- c) Negeri Johor sebanyak 13,018 permohonan.

Manakala, perincian permohonan kewarganegaraan yang diterima mengikut kategori permohonan adalah seperti berikut:-

- a) Perkara 15(1), Perlembagaan Persekutuan: 19,671 permohonan;
- b) Perkara 15(2), Perlembagaan Persekutuan: 9,699 permohonan;
- c) Perkara 15A, Perlembagaan Persekutuan: 41,700 permohonan;
- d) Perkara 16, Perlembagaan Persekutuan: 27,426 permohonan; dan
- e) Perkara 19, Perlembagaan Persekutuan: 3,423 permohonan.

SOALAN : 30

Untuk makluman Ahli Yang Berhormat, setiap keputusan ke atas permohonan kewarganegaraan adalah di bawah bidang kuasa YB Menteri Dalam Negeri selaras dengan ketetapan dalam Jadual Kedua, Bahagian III, Perlembagaan Persekutuan. Bagi permohonan kewarganegaraan yang telah siap diproses dan mendapat keputusan tolak, Kementerian sedang dalam peringkat akhir pengemaskinian *Standard Operating Procedure (SOP)* Permohonan Kewarganegaraan yang mana SOP tersebut turut mengandungi mekanisme pemakluman kepada pemohon berkaitan sebab-sebab sesuatu permohonan kewarganegaraan itu ditolak.

**PEMBERITAHUAN PERTANYAAN DEWAN RAKYAT
MESYUARAT PERTAMA, PENGGAL KEDUA
PARLIMEN KEEMPAT BELAS**

PERTANYAAN : JAWAB LISAN

**DARIPADA : DATUK SERI PANGLIMA MADIUS
TANGAU
[TUARAN]**

TARIKH : 01 APRIL 2019 (ISNIN)

SOALAN NO. 31

Minta **MENTERI PENGANGKUTAN** menyatakan:-

- (a) status terkini penaiktarafan *Sepanggar Bay Container Port* yang sudah pun diluluskan oleh Kerajaan lalu berjumlah lebih RM1 bilion; dan

- (b) apakah usaha Kerajaan untuk merancakkan lagi aktiviti perniagaan menggunakan pelabuhan yang ada di Sabah.

JAWAPAN

Yang di-Pertua,

1. Pelabuhan Sapanggar merupakan pelabuhan di bawah tanggungjawab dan pengawalseliaan Kerajaan Negeri Sabah. Berdasarkan maklumat yang dilaporkan kepada Kementerian Pengangkutan, projek naik taraf Pelabuhan Kontena Teluk Sapanggar merupakan projek yang telah diluluskan oleh Kerajaan Persekutuan dengan anggaran kos sebanyak RM1.027 bilion. Pelaksanaan projek ini sejajar dengan hasil Kajian Pelan Induk Pelabuhan Kontena Teluk Sapanggar dan Pelan Peniagaan (*Sapanggar Bay Port Master Plan and Business Sudy*) pada tahun 2017. Projek ini adalah sebahagian dari projek-projek seliaan *Sabah Development Corridor* (SDC) di bawah pengurusan *Sabah Economic Development and Investment Authority* (SEDA).
2. Pada masa ini, pihak SEDA dalam peringkat untuk mendapatkan pertimbangan dan kelulusan daripada Kementerian Kewangan bagi kerja-kerja *detailed engineering design* (DED). Selepas mendapat kelulusan Kementerian Kewangan, pihak SEDA akan membuat pelantikan syarikat melalui tender terbuka yang mana dijangka akan diiklankan pada penghujung bulan Mac 2019.
3. Manakala, kajian-kajian berkaitan tanah (*soil investigation*), kerja ukur tanah (*topographical survey*, *hydrological survey* dan *utility mapping*), *traffic impact assessment*, *marine traffic risk assessment* dan kajian Impak Alam Sekitar (*Environmental Impact Assessment* - EIA) telah dimuktamadkan.

4. Pertumbuhan sesuatu pelabuhan adalah amat bergantung kepada pertumbuhan ekonomi dan sektor industri yang dapat menjana kargo-kargo untuk tujuan import dan eksport. Kementerian Pengangkutan dimaklumkan bahawa, agensi-agensi Kerajaan Persekutuan bersama agensi-agensi Kerajaan Negeri sedang merangka pelbagai program ekonomi untuk Kerajaan Negeri Sabah dalam usaha membangunkan kawasan-kawasan industri.
5. Pada masa yang sama, Pelabuhan Sapanggar perlu menggunakan pertumbuhan ekonomi serantau khususnya di bawah blok kerjasama di bawah BIMP-EAGA dalam usaha mempromosikan Pelabuhan Sapanggar sebagai hab pelabuhan di rantau BIMP-EAGA.
6. Selain itu, Kerajaan Persekutuan juga telah meliberalisasikan dasar kabotaj di Malaysia Timur bagi membolehkan kapal-kapal perdagangan antarabangsa berpendaftaran asing dapat membuat persinggahan terus di pelabuhan-pelabuhan di Malaysia Timur. Usaha ini dijangka memberi impak positif dalam meningkatkan aktiviti-aktiviti perdagangan di Pelabuhan Sabah.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : DATO' SRI DR. SANTHARA
[SEGAMAT]**

TARIKH SOALAN : 1 APRIL 2019 (ISNIN)

SOALAN NO. 32

Minta **MENTERI PEMBANGUNAN USAHAWAN** menyatakan apakah inisiatif-inisiatif yang telah diambil oleh Kerajaan Pakatan Harapan untuk membantu pengusaha Industri Trak Penunda (Tow Truck).

JAWAPAN

Tuan Yang Dipertua,

1. Pada masa ini, Kementerian Pembangunan Usahawan (MED) tidak mempunyai inisiatif dan peruntukan khusus bagi membantu usahawan dalam industri Trak Penunda (*Tow Truck*). Walau bagaimanapun, Kementerian tetap komited untuk memudah cara dan menyediakan ekosistem keusahawanan yang kondusif dan inklusif kepada semua usahawan termasuk pengusaha Industri Trak Penunda ini.
2. Antara bantuan pembiayaan yang boleh dimanfaatkan oleh pengusaha Industri Trak Penunda adalah:
 - (i) **Pembiayaan Teman TEKUN oleh TEKUN Nasional**
Selain dana, kemudahan yang disediakan di bawah TEKUN termasuk khidmat nasihat dan sokongan; pembangunan komuniti keusahawanan yang berdaya saing; inovatif dan berdaya maju; pembudayaan keusahawanan dan penyediaan kemudahan pembiayaan mikro kepada usahawan Bumiputera.
 - (ii) **Program Peningkatan Enterpris Bumiputera (BEEP) oleh SME Corp. Malaysia**
Program ini menyediakan bimbingan mengenai pengukuhan teras perniagaan, pembinaan kapasiti dan keupayaan, peningkatan produktiviti dan akses pembiayaan kepada usahawan.
 - (iii) **Open Cash Line-i/Tawarruq Trade Financing/Working Capital Finanacing-i/Term Financing-i oleh Bank Rakyat**
Program ini menyediakan kemudahan pembiayaan terbuka kepada semua jenis perniagaan dengan keutamaan kepada industri pemprosesan dan servis yang patuh Syariah.
 - (iv) **Pembiayaan Perniagaan-I oleh Bank Rakyat**
Program ini menyediakan insentif pembiayaan menepati prinsip Syariah yang membolehkan syarikat meningkatkan kemudahan pengangkutan komersial.
 - (v) **i-Pembiayaan Premis Perniagaan oleh SME Bank**
Program ini menyediakan kemudahan pembiayaan untuk usahawan memiliki atau membiayai semula premis perniagaan bagi mendapatkan modal kerja untuk membangun dan mengembangkan perniagaan.
3. Pada masa yang sama, agensi-agensi di bawah MED seperti INSKEN, MaGiC dan Institut Koperasi Malaysia turut menyediakan pelbagai latihan keusahawanan dan khidmat nasihat untuk meningkatkan kapasiti serta pengetahuan bagi usahawan termasuk pengusaha Tow Truck. Antaranya adalah seperti INSKEN *Business*

NO. SOALAN: 32

Coaching (IBC), FB Ads: Pemasaran Media Sosial dan Tips Pengurusan Aliran Kewangan (Cash Flow Management) oleh INSKEN.

4. Penubuhan Koperasi di kalangan Pengusaha Trak Penunda juga merupakan salah satu alternatif yang boleh dimanfaatkan oleh pengusaha Trak Penunda bertujuan mengukuhkan saluran pembiayaan. MED turut menyediakan bantuan kewangan berbentuk geran/ geran sepadan kepada koperasi yang berpotensi untuk melaksana dan memantapkan aktiviti/perniagaan yang sedang dijalankan bertujuan untuk menggiat dan meningkatkan penglibatan koperasi dalam bidang yang berpotensi.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL PERTAMA
PARLIMEN KEEMPAT BELAS**

PERTANYAAN : JAWAB LISAN

**DARIPADA : TUAN ABDUL LATIFF BIN ABDUL
RAHMAN [KUALA KRAI]**

TARIKH : 1 APRIL 2019 (ISNIN)

SOALAN NO. 33

Minta **MENTERI PENGANGKUTAN** menyatakan apakah langkah yang diambil oleh pihak Kementerian untuk menaik taraf sistem imbasan di lapangan terbang dan pintu masuk ke negara untuk menangani masalah penyeludupan dadah.

JAWAPAN

Yang Di Pertua,

1. Untuk makluman Yang Berhormat sistem imbasan di lapangan terbang disediakan sejajar dengan piawaian antarabangsa bagi tujuan untuk mengesan logam dan senjata tajam. Peralatan-peralatan keselamatan tersebut seperti mesin x-ray dan alat-alat pengesan logam disahkan memenuhi piawaian yang ditetapkan oleh European Civil Aviation Council (ECAC) dan juga Federal Aviation Administration (FAA).
2. Kementerian Pengangkutan melalui MAHB mempunyai perancangan untuk memperolehi mesin pengimbas (*full body scanner*) secara berperingkat bermula dengan KLIA dan klia2. Bagi perancangan jangka masa pendek, pihak MAHB telah memulakan proses perolehan di mana sebanyak 10 mesin masing-masing 5 unit akan ditempatkan dan beroperasi di KLIA dan klia2 mulai penggal keempat tahun 2019.
3. Bagi perancangan jangka masa panjang pula, MAHB akan membuat perolehan mesin-mesin tersebut secara berperingkat di antara tahun 2020 hingga 2023 bagi menggantikan peralatan pengesan logam sedia ada (*walkthru metal detector*). Adalah dimaklumkan bahawa mesin pengimbas ini tidak boleh mengenal pasti dadah secara spesifik sebaliknya hanya dapat mengenal pasti barang yang disembunyikan di tubuh penumpang.

Sekian, terima kasih.

PEMBERITAHUAN PERTANYAAN BAGI JAWAPAN LISAN MESYUARAT PERTAMA,
PENG GAL KEDUA
PARLIMEN KEEMPAT BELAS
MAJLIS MESYUARAT DEWAN RAKYAT
11 MAC HINGGA 11 APRIL 2019

PERTANYAAN : LISAN

**DARIPADA : TUAN AHMAD FAHMI BIN MOHAMED FADZIL
[LEMBAH PANTAI]**

TARIKH : 1 APRIL 2019 (ISNIN)

SOALAN :

Tuan Ahmad Fahmi bin Mohamed Fadzil [Lembah Pantai] minta **MENTERI INDUSTRI UTAMA** menyatakan masalah-masalah utama yang dihadapi industri minyak sawit serta strategi Kerajaan Persekutuan untuk mengatasi masalah-masalah ini pada jangka masa pendek, sederhana dan panjang.

JAWAPAN:

Tuan Yang Di-Pertua,

Antara masalah utama yang dihadapi oleh industri sawit pada hari ini adalah ketidakstabilan harga dan lebihan paras stok minyak sawit tempatan yang memberikan impak secara tidak langsung kepada pendapatan pekebun kecil. Sehubungan itu, antara usaha Kerajaan untuk membantu pekebun kecil sawit adalah seperti berikut:

- (a) memberikan bantuan melalui Skim Tanam Baharu Sawit untuk pekebun kecil sebanyak RM7,500 sehektar bagi Semenanjung Malaysia dan RM9,000 sehektar di Sabah dan Sarawak;
- (b) memberikan diskaun sehingga 20% melalui Skim Insentif Mekanisasi Ladang Sawit (OPIMIS) kepada pengusaha ladang; dan
- (c) memperuntukkan dana antara RM3,000 hingga RM11,000 untuk pelaksanaan program integrasi tanaman dan integrasi ternakan dengan sawit.

Selain itu, antara langkah-langkah yang diambil oleh pihak kementerian bagi meningkatkan dan menstabilkan harga komoditi sawit adalah seperti berikut:

- (a) mengadakan kempen “Sayangi Sawitku” sepanjang tahun 2019. Majlis pelancaran rasmi kempen ini telah diadakan pada 24 Mac 2019 di Ladang East Sime Darby Plantation, Pulau Carey dan telah dirasmikan oleh YAB Perdana Menteri. Pelbagai program dan aktiviti telah diatur sepanjang tahun ini bagi menjayakan kempen “Sayangi Sawitku”;
- (b) meningkatkan adunan biobahan api sawit dengan diesel petroleum melalui Program Biodiesel B10 (adunan 10% biodiesel sawit dan 90% diesel petroleum) yang telah dilaksanakan secara mandatori pada 1 Februari 2019 bagi sektor pengangkutan dan Program Biodiesel B7 (adunan 7% biodiesel sawit dan 93% diesel petroleum) mulai 1 Julai 2019 bagi sektor industri. Implementasi program ini membantu meningkatkan penggunaan minyak sawit domestik dalam negara dengan anggaran peningkatan sebanyak 761,000 tan setahun;
- (c) menjalankan misi-misi ekonomi dan lawatan teknikal bagi mengukuhkan hubungan dengan negara-negara pengimpor utama produk-produk sawit. Melalui usaha ini, prestasi eksport minyak sawit Malaysia telah meningkat sebanyak 10.5% daripada 2.72 juta tan bagi dua bulan pertama 2018, kepada 3.00 juta tan bagi tempoh yang sama bagi tahun 2019. Dalam tempoh masa tersebut, eksport minyak sawit Malaysia ke negara pengimpor utama minyak sawit Malaysia iaitu India telah meningkat sebanyak 65.6%, manakala China 62.0% dan Amerika Syarikat 20.3%. Peningkatan juga dilihat berlaku di pasaran Kesatuan Eropah sebanyak 1.5%. Antara negara yang mencatatkan peningkatan yang ketara adalah Itali 88.8% dan Sepanyol 23.4%; dan
- (d) menandatangani perjanjian persefahaman (MoU) antara beberapa buah Syarikat Malaysia bersama Syarikat China bersempena Forum Perniagaan Minyak Sawit Malaysia-China di Hotel Shangri La, Kuala Lumpur pada 4 Mac 2019. Terdapat 4 buah syarikat Malaysia dan 3 buah syarikat China terlibat dalam menandatangani MoU ini. Forum yang dianjurkan ini bertujuan untuk merealisasikan persetujuan yang telah dicapai semasa Mesyuarat Delegasi antara Malaysia dan China yang diadakan di Beijing, China pada 20 Ogos 2018. Hasil perjanjian ini akan meningkatkan jumlah pengambilan minyak sawit Malaysia ke China iaitu sebanyak 1,074,000 tan metrik. Kementerian menjangkakan China akan terus mendapatkan lebih banyak minyak sawit dari Malaysia untuk memenuhi permintaan yang semakin meningkat dan syarikat-syarikat sawit di Malaysia akan sentiasa berusaha untuk meningkatkan eksport minyak sawit Malaysia ke China untuk memenuhi keperluan negara tersebut.

Sekian terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : TUAN RAMLI BIN MOHD NOR
[CAMERON HIGHLANDS]**

TARIKH : 1 APRIL 2019 (ISNIN)

SOALAN NO. 35

Minta **MENTERI PERTANIAN DAN INDUSTRI ASAS TANI** menyatakan bantuan-bantuan yang diberikan oleh Kementerian kepada golongan petani bagi membantu serta memajukan lagi sektor pertanian di Cameron Highlands.

JAWAPAN

Tuan Yang di-Pertua,

Untuk makluman Ahli Yang Berhormat, Kementerian Pertanian dan Industri Asas Tani (MOA) melalui Jabatan Pertanian telah memberikan pelbagai jenis bantuan kepada golongan petani bagi membantu serta memajukan lagi sektor pertanian di Cameron Highlands. Secara umumnya, skop bantuan dikategorikan kepada dua iaitu dalam bentuk servis perkhidmatan dan pemberian input pertanian bagi menggalakkan pengusaha dalam aktiviti mereka. Bagi bantuan melalui perkhidmatan, pengusaha di Cameron Highlands menjalankan khidmat pengembangan pertanian bagi memastikan pengeluaran makanan yang mencukupi, berkualiti dan selamat dimakan. Bagi tujuan itu, MOA membantu pengusaha dalam mendapatkan info teknologi berkaitan pertanian, menganalisa sampel tanah, menganalisa sampel tanaman makanan secara percuma, mengeluarkan sijil fitosanitasi ladang bagi proses eksport tanaman ke luar negara dan juga siasatan ladang bagi pengusaha yang memerlukan tenaga buruh.

Pada tahun 2018, MOA telah membantu pengusaha di Cameron Highlands menganalisa sebanyak 190 sampel tanaman dan sasaran ditingkatkan kepada 200 sampel tanaman pada tahun 2019 ini. Selain itu, MOA juga membantu pengusaha dalam mendapatkan sijil kualiti yang diperkenalkan oleh Jabatan Pertanian seperti myGAP dan myOrganic dimana pemegang sijil berkenaan berpeluang memperolehi harga yang lebih baik berbanding pengusaha biasa.

Manakala bagi bantuan input pula, untuk menggalakkan pengusaha dalam aktiviti pertanian di Daerah ini, terdapat pelbagai program seperti Program Peningkatan Hasil Sayur-sayuran, Pembangunan Kluster Bunga dan Tanaman Hiasan, Pembangunan Cendawan, Projek-projek dalam menggalakkan Amalan Pertanian yang baik dan juga Projek Pembangunan Ladang Organik.

SOALAN NO : 35

Pada tahun 2018, MOA telah menyalurkan sejumlah RM 129,330.00 bagi pembangunan pertanian di Daerah Cameron Highlands yang meliputi projek-projek dalam mengalakkan Amalan Pertanian Baik - RM61,830.00, Pembangunan Kluster Bunga dan Tanaman Hiasan - RM33,000.00 dan Projek Pengeluaran Cendawan - RM34,500.00.

Manakala pada tahun 2019 pula, MOA telah meluluskan - RM230,000.00 untuk membangunkan Industri Florikultur bagi projek-projek yang telah dikenalpasti. Selain itu, hampir - RM20,000.00 diperuntukkan bagi meningkatkan hasil sayur-sayuran yang meliputi penyediaan infrastruktur ladang, peralatan dan input-input di ladang. Sebanyak RM23,000.00 diperuntukkan bagi membina atau naiktaraf rumah cendawan, perolehan kelengkapan dan peralatan serta perolehan bahan input dalam mengalakkan pengeluaran cendawan di Daerah Cameron Highlands.

Sekian, terima kasih.

NO. SOALAN : 36

**PEMBERITAHUAN PERTANYAAN LISAN DEWAN RAKYAT MESYUARAT
PERTAMA, PENGGAL KEDUA,
PARLIMEN KEEMPAT BELAS**

PERTANYAAN : **LISAN**
DARIPADA : **DATO' SERI MUKHRIZ BIN
TUN DR. MAHATHIR [JERLUN]**
TARIKH : **1 APRIL 2019 (ISNIN)**

SOALAN NO. 36

Minta **MENTERI TENAGA, SAINS, TEKNOLOGI, ALAM SEKITAR DAN PERUBAHAN IKLIM** menyatakan bentuk bantuan atau insentif untuk Kerajaan Negeri dalam menggalakkan penglibatan dalam pengeluaran tenaga boleh diperbaharui (*renewable energy*), termasuk tenaga solar.

JAWAPAN

Tuan Yang di-Pertua,

Untuk makluman Ahli Yang Berhormat,

1. Kerajaan tidak menyediakan bantuan atau insentif khas bagi pembangunan tenaga boleh baharu (TBB) secara khusus kepada kerajaan negeri. Ini kerana pembangunan TBB di negara ini adalah secara “*business driven*”, dan sebarang insentif disalurkan secara terus kepada penggiat industri TBB.

2. Antara insentif yang disediakan oleh Kerajaan dalam menggalakkan penglibatan sektor swasta dalam industri TBB adalah:
 - i) pembelian elektrik pada kadar tarif premium oleh utiliti melalui mekanisme *Feed in Tariff* (FiT) bagi TBB yang dijana dan dieksport ke grid nasional;
 - ii) pelaksanaan program *Net Energy Metering* (NEM) yang membolehkan pihak industri mendapat penjimatan bil elektrik dengan menjana tenaga elektrik sendiri melalui pemasangan solar PV di premis perniagaan. Lebihan tenaga elektrik yang dihasilkan boleh dieksport balik ke grid, seterusnya dikreditkan dalam bentuk kredit tenaga dalam bil pengguna berdasarkan kadar tarif semasa;
 - iii) pemberian insentif *Green Investment Tax Allowance* (GITA) serta *Green Income Tax Exemption* (GITE) pada tahun 2016 dan diteruskan sehingga tahun 2020; dan
 - iv) pelaksanaan insentif pembiayaan *Green Technology Financing Scheme* (GTFS) bawah Bajet 2019 di mana Kerajaan memperuntukkan sebanyak RM2.0 billion bagi menampung 2% daripada kadar faedah pinjaman untuk lima tahun pertama pelaksanaan projek TBB.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT PERTAMA, PENGGAL KEDUA
PARLIMEN KEEMPAT BELAS**

PERTANYAAN : LISAN
DARIPADA : TUAN KHAIRY JAMALUDDIN
[REMBAU]
TARIKH : 1 APRIL 2019 (ISNIN)

SOALAN NO. 37

Minta **MENTERI KESIHATAN** menyatakan sejauh manakah keadaan terkini “herd immunity” dalam kalangan masyarakat di Malaysia dan adakah pihak Kementerian mempunyai cadangan untuk memperkenalkan undang-undang berkaitan keperluan vaksin dalam kalangan masyarakat pada masa hadapan.

JAWAPAN

Yang di-Pertua,

Kementerian Kesihatan Malaysia (KKM) menyedari wujudnya kelompok ibu bapa yang menolak vaksin untuk diberi kepada bayi dan anak-anak mereka dengan alasan-alasan tertentu. Penyebaran pendirian dan dakyah golongan yang menolak vaksin dengan mengaitkan fakta-fakta yang salah berkaitan vaksin dan program imunisasi adalah satu fenomena yang tidak sihat kerana ia menurunkan peratus penerimaan imunisasi seterusnya mendedahkan kepada penularan penyakit cegahan vaksin.

Antara usaha-usaha Kementerian Kesihatan Malaysia bagi meningkatkan kesedaran kebaikan vaksin di kalangan ibu bapa serta menghapuskan stigma negatif terhadap vaksin dengan menggunakan pendekatan pelbagai kaedah, seperti:

- i. Bekerjasama dengan JAKIM dan Pejabat Mufti untuk membetulkan pandangan masyarakat terutama tentang hukum dan fatwa berkaitan imunisasi; dan
- ii. Mengadakan aktiviti-aktiviti publisiti dan pendidikan kesihatan seperti:

Yang di-Pertua,

Merujuk kepada pertanyaan **YB Rembau** mengenai sejauh manakah keadaan terkini "herd immunity" dalam kalangan masyarakat di Malaysia, *Herd Immunity* atau imuniti kelompok merujuk kepada perlindungan imuniti yang terhasil apabila sebahagian besar masyarakat mendapat vaksin dan dapat memberi perlindungan secara tidak langsung kepada individu yang tidak dapat mengambil vaksin atas sebab-sebab tertentu. Imuniti kelompok dicapai apabila peratus kanak-kanak yang menerima vaksin dalam sesebuah kelompok masyarakat adalah tinggi iaitu sekurang-kurangnya 95% di mana ia dapat mengurangkan penyebaran wabak penyakit.

Pada tahun 2017, liputan imunisasi bagi kebanyakan vaksin yang diberikan melalui Program Imunisasi Kanak-Kanak Kebangsaan adalah melebihi 95%. Namun, bagi vaksin MMR yang diberikan pada umur 12 bulan, liputan hanya 88.8%, maka imuniti kelompok masih tidak dicapai bagi mencegah penyakit measles (demam campak), mumps (beguk) dan rubella. Maka, saya menyeru kepada masyarakat agar ambil peduli tentang kepentingan imuniti kelompok ini.

Kementerian Kesihatan telah menubuhkan satu *Task Force* bagi meneliti cadangan pelaksanaan tindakan mewajibkan imunisasi termasuk menggunakan peruntukan undang-undang berkaitan perkara ini. Cadangan tersebut akan dibentangkan dalam Mesyuarat Jemaah Menteri dalam tempoh terdekat.

Sekian, terima kasih.

PEMBERITAHUAN PERTANYAAN LISAN DEWAN RAKYAT
MESYUARAT PERTAMA PENGGAL KEDUA,
PARLIMEN KEEMPAT BELAS

PERTANYAAN : LISAN

DARIPADA : YB TUAN STEVEN CHOONG SHIAU YOON

TARIKH : 01 APRIL 2019 (ISNIN)

SOALAN NO. 38

Minta **MENTERI SUMBER MANUSIA** menyatakan mengapa levi yang dikenakan ke atas pekerja asing perlu habis bayar sebelum mereka mula berkerja dan tidak boleh dibuat pemotongan melalui gaji bulanan seperti Pembayaran Cukai Berjadual (PCB) yang telah dilaksanakan oleh Lembaga Hasil Dalam Negeri.

PN-1412- L04273

JAWAPAN

Tuan Yang Di-Pertua,

1. Untuk makluman Ahli Yang Berhormat,pada 25 Mac 2016, mesyuarat Jemaah Menteri telah bersetuju supaya bayaran levi pekerja asing ditanggung oleh majikan berkuatkuasa 1 Januari 2018.
2. Dasar semasa menetapkan bahawa jumlah levi yang dikenakan ke atas setiap pekerja asing perlu dibayar sepenuhnya oleh majikan sebelum pekerja asing mula bekerja. Ini adalah untuk memastikan penggajian pekerja asing dari mana-mana Negara sumber hendaklah berdasarkan kepada keperluan sebenar industri dan sektor-sektor yang dibenarkan sahaja. Kementerian mengambil maklum akan cadangan supaya levi dibayar secara bulanan dan sedang membincangkan cadangan ini dengan Kementerian Dalam Negeri serta Jabatan Imigresen Malaysia yang melaksanakan kutipan levi tersebut.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

DARIPADA : TUAN ANYI NGAU [BARAM]

TARIKH : 1 APRIL 2019 (ISNIN)

SOALAN NO. 39

Minta **MENTERI PERTANIAN DAN INDUSTRI ASAS TANI** menyatakan program dan aktiviti pertanian serta jumlah peruntukan yang diagihkan untuk kepentingan golongan petani di kawasan luar bandar terutamanya di Sarawak dalam tahun 2019 ini.

JAWAPAN

Tuan Yang di-Pertua,

Adalah menjadi hasrat Kerajaan untuk meningkatkan taraf hidup penduduk luar bandar. Justeru bagi tahun 2019, Kementerian Perindustrian dan Industri Asas Tani (MOA) telah memperuntukkan sejumlah **RM113.4 juta** melalui pelbagai agensi dan jabatan di bawahnya seperti Jabatan Pertanian Sarawak (DOA Sarawak), Jabatan Perikanan Sarawak (DOF Sarawak), Jabatan Perkhidmatan Veterinar (DVS Sarawak), Lembaga Kemajuan Ikan Malaysia (LKIM), Lembaga Perindustrian Nanas Malaysia (LPNM), Kawasan Pembangunan Pertanian Bersepadu (IADA) Batang Lutar, IADA Kalaka Saribas dan IADA Samarahan.

1. Program dan inisiatif pertama yang dilaksanakan adalah **Program Pembangunan Tanaman Sayuran dan Kontan** yang melibatkan sebanyak **RM3 juta** bagi tahun 2019. Program ini memberi bantuan kepada para petani yang berminat untuk mengusahakan tanaman sayur sistem jejaring, tanaman sayur sistem fertigasi, tanaman sayur sistem *hydroponic*, tanaman sayur sistem terbuka dan tanaman kontan.
2. Program kedua yang dilaksanakan adalah **Program Pembangunan Industri Kelapa**. Program ini merangkumi Skim Tanaman Semula dan Baru Kelapa Berhasil Tinggi Selingan dengan Tanaman Jangka Pendek. Sejumlah **RM3juta** telah disalurkan untuk program ini.
3. Seterusnya adalah **Program Pembangunan Industri Buah-Buahan**. Program ini merangkumi Skim Penanaman Baru Buah-Buahan Bermusim dan Skim Penanaman Baru Buah-Buahan Tidak Bermusim (jangka panjang) dan sejumlah **RM1 juta** telah disalurkan bagi program tersebut untuk tahun ini.
4. Di bawah **Program Taman Kekal Pengeluaran Makanan (TKPM)** pula, Kerajaan Persekutuan telah memperuntukkan sebanyak **RM5 juta** bagi pembangunan infrastruktur ladang seperti jalan (jalan masuk dan jalan

SOALAN NO: 39

ladang), sistem perparitan dan saliran, sistem pengairan utama, pusat pengumpulan hasil, stor, bekalan elektrik dan bekalan air.

Tuan Yang di-Pertua;

5. Program selanjutnya adalah, **Program Pembangunan Pertanian di Kawasan Tanah Tinggi**. Program ini diperkenalkan adalah bertujuan untuk membangunkan kawasan tanah tinggi di Ulu Baram di mana projek pertanian yang berpotensi untuk dilaksanakan adalah seperti tanaman kopi, nanas, dan ternakan kelulut. Bagi tahun 2019, sebanyak **RM2 juta** telah disalurkan untuk menjayakan program ini.
6. Manakala **Program Pembangunan Zon Industri Akuakultur (ZIA)** di Empangan Batang Ai, Lubok Antu, Sri Aman dan Sundar Awat-Awat, Lawas telah diperuntukan sebanyak **RM1 juta**. Peruntukan yang disalurkan ini meliputi pembekalan dan pemasangan sangkar ikan, makanan ikan, benih ikan dan peralatan bantuan kepada peserta untuk meningkatkan hasil pengeluaran ikan dan pendapatan peserta.
7. Bagi **Program Pembinaan dan Penambahbaikan Jalan Ladang** sejumlah **RM1 juta** telah diperuntukkan bagi tahun 2019. Program ini memberi tumpuan kepada kawasan penanaman sayur-sayuran, buah-buahan dan kelapa bagi membantu para petani untuk membawa keluar hasil mereka.
8. Seterusnya adalah **Projek Kluster Pengeluaran Tanaman Nanas**. Program ini memberi penumpuan kepada pembangunan tanaman nanas varieti tempatan yang terbahagi kepada dua (2) program insentif tanaman iaitu Program Tanam Baru (PTB) dan Program Tanam Semula (PTS). Bagi tahun 2019 peruntukan sebanyak **RM6 juta** telah disalurkan untuk program ini.

Sekian, terima kasih.

**PEMBERITAHUAN PERTANYAAN JAWAB LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPATBELAS**

PERTANYAAN : JAWAB LISAN

DARIPADA : TUAN TAN KOK WAI [CHERAS]

TARIKH : 1 APRIL 2019

SOALAN : 40

Tuan Tan Kok Wai [Cheras] minta **MENTERI DALAM NEGERI** menyatakan negara-negara yang warganegara atau pemegang pasport mereka dikehendaki memohon visa untuk masuk Malaysia dan sebab-sebab mereka tidak diberikan pengecualian syarat bebas visa.

JAWAPAN:

Tuan Yang di-Pertua,

Untuk makluman Ahli Yang Berhormat, negara-negara yang memerlukan visa untuk memasuki Malaysia adalah seperti di Jadual 1 yang berikut:

Negara-negara Komanwel	Lain-lain Negara	
Bangladesh	Angola	India
Cameroon	Afghanistan (Memerlukan Visa Dengan Rujukan)	Ivory Coast
Ghana	Bhutan	Israel (Kelulusan KDN)
Mozambique	Burkina Faso	Korea Utara (Kelulusan KDN)
Nigeria	Burundi	Liberia
Pakistan	Colombia	Mali
Rwanda	Central African Republic	Montenegro
	Congo Democratic Republic	Niger
	Congo Republic	Nepal
	Djibouti Equatorial	Serbia

SOALAN : 40

	Ethiopia	Sri Lanka
	Guine Eritrea	United Nation (Laisser Passer)
	Guinea-Bissau	Western Sahara

**Jadual 1 : Senarai Negara Yang Memerlukan Visa Untuk Memasuki
Malaysia**

Merujuk kepada pertanyaan Ahli Yang Berhormat mengenai sebab-sebab negara-negara yang dinyatakan tersebut tidak diberikan pengecualian visa adalah atas faktor sejarah antara kedua-dua negara, elemen keselamatan negara dari semasa ke semasa dan sekiranya terdapat sebarang perjanjian penghapusan / pengecualian visa antara kedua-dua negara.

No. Soalan: 41
PR-1421-L03917

PEMBERITAHUAN PERTANYAAN BAGI JAWAB LISAN

DEWAN RAKYAT MALAYSIA

PERTANYAAN : **JAWAB LISAN**

DARIPADA : **DATO' SERI HAJI ABDUL HADI BIN AWANG**
[MARANG]

TARIKH : **1 APRIL 2019**

SOALAN : **Dato' Seri Haji Abdul Hadi bin Awang**
[Marang] minta **MENTERI LUAR NEGERI** menyatakan apakah perkembangan rundingan damai di selatan Thailand, antara Kerajaan Thailand dan Majlis Syura Patani (Mara Patani) dan setakat manakah penglibatan Malaysia dalam menyelesaikan konflik ini mencapai kenyataan.

JAWAPAN

Tuan Yang di Pertua,

Saya ingin mengucapkan terima kasih kepada Ahli Yang Berhormat Marang di atas soalan tersebut dan keprihatinan terhadap usaha Kerajaan dalam menyumbang ke arah keamanan, kestabilan dan kemakmuran serantau terutamanya bagi keadilan umat Islam di Selatan Thailand.

2. Seperti Dewan yang mulia ini sedia maklum, Malaysia tidak akan mencampuri urusan dalaman dan menghormati kedaulatan sesebuah negara. Malaysia juga sentiasa komited dalam usaha mencari jalan penyelesaian bagi mewujudkan keamanan yang berpanjangan di rantau ini termasuklah di Selatan Thailand. Sebagai sebuah Negara Islam, Malaysia juga amat prihatin mengenai keadilan dan kesejahteraan umat Islam di negara berkenaan.

Tuan Yang di-Pertua,

3. Konflik di Selatan Thailand telah meragut ribuan nyawa, menyebabkan kecederaan kepada ribuan yang lain, serta menghalang perkembangan ekonomi dan sosial. Oleh yang demikian, keperluan untuk mencari penyelesaian yang berkekalan terhadap konflik ini amatlah penting bagi keselamatan dan kesejahteraan penduduk-penduduk di Selatan Thailand secara khususnya, dan bagi Thailand dan Malaysia secara amnya.

4. Malaysia memainkan peranan penting dalam proses dialog damai ini dengan menjadi pengantara untuk kedua-dua pihak yang terlibat iaitu Kerajaan Thailand dengan wakil-wakil komuniti di Selatan Thailand yang dikenali sebagai MARA Patani.

5. Dalam hal ini, Malaysia amat berbesar hati kerana telah diberi kepercayaan yang tinggi oleh Kerajaan Thailand yang meminta agar Malaysia memainkan

peranan sebagai Fasilitator dalam Proses Dialog Damai di Selatan Thailand sejak 2013.

6. Malah, keterlibatan Kerajaan Malaysia dalam membantu umat Islam khususnya di Selatan Thailand telah diperakui oleh Jeneral Prayut Chan-o-cha, Perdana Menteri Thailand, di mana beliau menyatakan bahawa Malaysia adalah satu-satunya negara yang mampu menakhodai proses damai tersebut.

Tuan Yang di-Pertua,

7. Untuk makluman, beberapa tindakan di pelbagai peringkat telah diambil oleh Kerajaan, terutamanya melalui Kementerian Luar Negeri, dalam membantu Kerajaan Thailand dan MARA Patani meneruskan proses dialog damai, antaranya:

- (i) membincangkan serta bertukar pandangan mengenai cara terbaik untuk menyelesaikan isu ini di peringkat tertinggi kepimpinan kedua-dua negara, iaitu antara Perdana Menteri Malaysia dan Thailand, serta antara Timbalan Perdana Menteri Malaysia dan Thailand. Isu proses dialog damai ini telahpun dibincangkan semasa Lawatan Rasmi YAB Perdana Menteri ke Thailand pada 24 dan 25 Oktober 2018, dan semasa Lawatan Rasmi YAB Timbalan Perdana Menteri ke Thailand pada 24 dan 25 Januari lalu;
- (ii) mengadakan pertemuan dan perbincangan di peringkat Menteri Luar Negeri Malaysia dan Thailand, bagi mencari cara yang terbaik untuk membawa kedua-dua pihak ke meja rundingan. Ini telah dilakukan semasa Lawatan Rasmi YB Menteri Luar Negeri ke Thailand pada 19 Januari 2019, dan semasa Lawatan Kerja Menteri Luar Negeri Thailand ke Malaysia, pada 13 Februari yang lalu; dan
- (iii) mengadakan perbincangan dan perundingan lanjut di peringkat pegawai-pegawai kanan dari Kementerian Luar Negeri kedua-dua negara.

8. Selain itu, Kerajaan Malaysia juga membantu dalam program bina upaya untuk masyarakat Islam di Selatan Thailand dalam bidang pendidikan, latihan vokasional dan keusahawanan melalui *Malaysian Technical Cooperation Program* (MTCP) dan inisiatif 3E (*Education, Entrepreneurship* dan *Employment*) di bawah rangka Jawatankuasa *Joint Development Strategy for Border Areas* (JDS).

Tuan Yang di-Pertua,

9. Kerajaan percaya bahawa asas yang penting kepada proses damai di Selatan Thailand ini adalah dengan membina kepercayaan dan mendapatkan keyakinan kedua-dua pihak melalui komitmen yang jitu dan berterusan oleh Malaysia.

10. Akhir kata, suka saya menegaskan bahawa Malaysia akan berusaha untuk memastikan agar keamanan, kesejahteraan dan kestabilan di Selatan Thailand dapat dicapai demi manfaat bersama kesemua pihak yang terlibat.

Sekian, terima kasih.

**PEMBERITAHUAN PERTANYAAN LISAN DEWAN RAKYAT MESYUARAT
PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : DATO' SRI IKMAL HISHAM BIN ABDUL AZIZ
[TANAH MERAH]**

TARIKH : 1.4.2019 (ISNIN)

SOALAN NO. 42

Dato' Sri Ikmal Hisham bin Abdul Aziz [Tanah Merah] minta **MENTERI PENDIDIKAN** menyatakan statistik bantuan dan peruntukan yang telah diberikan kepada sekolah persendirian Cina dan sekolah agama di seluruh negara setakat ini.

JAWAPAN

Tuan Yang di-Pertua,

Kerajaan telah menunjukkan komitmen untuk memastikan infrastruktur sekolah berada dalam keadaan kondusif untuk Pengajaran dan Pembelajaran tanpa mengambil kira status atau jenis sekolah terbabit.

Penyediaan peruntukan bagi penyelenggaraan Sekolah Menengah Persendirian Cina (SMPC), pertama kalinya telah diluluskan pada tahun 2019 dengan jumlah peruntukan sebanyak RM12juta. Bantuan ini disalurkan terus oleh Kementerian Kewangan kepada SMPC. Kementerian Kewangan juga meluluskan peruntukan tambahan sebanyak RM25juta bagi menaik taraf dan menyelenggara Sekolah Agama Rakyat dan Sekolah Agama Persendirian bagi tahun 2019. Bagi Sekolah Agama Bantuan Kerajaan, sebanyak RM50 juta telah disalurkan di bawah peruntukan Tabung Penyelenggaraan tahun 2019.

Sekian, terima kasih.

RJM 101

**PEMBERITAHUAN PERTANYAAN LISAN DEWAN RAKYAT MESYUARAT
PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

DARIPADA : TUAN CHE ALIAS BIN HAMID [KEMAMAN]

TARIKH : 1 APRIL 2019 (ISNIN)

SOALAN NO. 43

Tuan Che Alias bin Hamid [Kemaman] minta **MENTERI PENDIDIKAN** menyatakan langkah menghapuskan sindiket pemalsuan sijil akademik yang semakin berleluasa hari ini.

JAWAPAN

Tuan Yang Di-Pertua,

Untuk makluman Ahli Yang Berhormat, kes sendiket penghasilan sijil palsu semakin berleluasa dan menjadi punca kepada masalah integriti. Dalam konteks pengurusan pendidikan tinggi swasta, pihak Kementerian sentiasa menjalankan pemantauan dan penguatkuasaan ke atas institusi pendidikan tinggi swasta (IPTS) bagi memastikan IPTS sentiasa mematuhi akta dan peraturan di bawah Akta 555 (Akta IPTS 1996).

Mengikut rekod, sebanyak 16 kes pemalsuan dokumen akademik melibatkan IPTS dan institusi-institusi swasta lain diterima kementerian dari tahun 2016 hingga kini. Majoriti aduan-aduan ini sedang disiasat oleh pihak Polis DiRaja Malaysia (PDRM) di bawah Seksyen 465, Kanun Keseksaan. Terdapat juga antara aduan tersebut yang melibatkan institusi yang berdaftar dengan kementerian lain selain daripada Kementerian Pendidikan Malaysia.

Bagi mengekang penularan kes-kes kelulusan akademik palsu yang semakin menjadi-jadi ketika ini, Kementerian telah mengambil pelbagai inisiatif yang mencakupi langkah-langkah pemantauan dan pencegahan serta tindakan bersifat punitif sekiranya mempunyai keterlibatan IPTS antaranya dengan bekerjasama dengan Suruhanjaya Komunikasi dan Multimedia Malaysia (SKMM) bagi menyekat akses ke laman-laman sesawang yang disyak menawarkan atau menjual sijil palsu,

No. Soalan: 43

perkongsian maklumat dan risikan dengan agensi penguatkuasaan lain, memberi penerangan dari semasa ke semasa kepada masyarakat untuk meningkatkan kesedaran, semakan status program melalui *Malaysia Qualification Agensi* (MQA) atau menggalakkan penggunaan teknologi dan ciri keselamatan terkini bagi menjamin ketulenan sijil dan lain-lain lagi.

Sekian, terima kasih

RJM 102

**PEMBERITAHUAN PERTANYAAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS (2019)**

PERTANYAAN : LISAN

**DARIPADA : YB TUAN AHMAD BIN HASSAN
[PAPAR]**

TARIKH : 1 APRIL 2019

SOALAN :

Minta **MENTERI PELANCONGAN, SENI DAN BUDAYA** menyatakan

- a) apakah hala tuju Kementerian bagi tahun 2019 dalam memperkasakan industri pelancongan khususnya dalam menonjolkan ekopelancongan dan kepelbagaian kaum serta budaya di Sabah; dan

- b) apakah pencapaian Kementerian Pelancongan, Seni dan Budaya yang dapat dibanggakan setakat ini.

JAWAPAN :

(a)

Tuan Yang di-Pertua,

Kementerian Pelancongan, Seni dan Budaya sentiasa mengambil langkah-langkah proaktif dalam menerapkan elemen seni, budaya dan warisan bagi menggalakkan pertumbuhan sektor pelancongan. Dalam usaha menarik lebih ramai pelancong asing menikmati kepelbagaian budaya masyarakat Malaysia yang unik dan menarik, pelbagai perancangan program telah dan sedang dilaksanakan oleh Kementerian untuk memastikan pelancongan budaya di Malaysia sentiasa diangkat sebagai satu jenama yang menyumbang kepada peningkatan jumlah kedatangan pelancong asing ke Malaysia.

Di bawah Pelan Ekopelancongan Kebangsaan (NEP) 2016-2025, Kementerian memfokuskan kepada produk ekopelancongan di samping menonjolkan kepelbagaian budaya dan adat warisan masyarakat tempatan. Bagi tujuan tersebut, 8 kluster ekopelancongan yang berpotensi untuk dibangunkan di Sabah telah dikenalpasti seperti berikut:

1. Kota Kinabalu-Papar-Beaufort-Klias-Kuala Penyu;
2. Sandakan-Kinabatangan;
3. Kota Kinabalu-Kota Belud-Kota Marudu-Kudat;
4. Kota Kinabalu-Tambunan-Crocker Range Park Keningau-Tenom;
5. Kota Kinabalu-Tamparuli-Kundasang-Ranau;
6. Maliau Basin-Imbak Canyon;
7. Danum Valley-Tabin (Lahad Datu); dan

8. Tawau-Semporna-Mabul-Sipadan-Kunak

Antara produk-produk utama di bawah kluster-kluster ini yang telah dan sedang dipromosikan oleh Kementerian bersama-sama Sabah Tourism Board adalah seperti *Monsopiad Cultural Village*, *Mari-Mari Cultural Village* dan *Kinabalu Park* di Kota Kinabalu; *Orang Utan Rehabilitation Centre*, *Bornean Sun Bear Conservation Centre* dan Maliau Basin di Sandakan; *Rafflesia Information Centre* di Tambunan; dan *Danum Valley* di Lahad Datu. Kementerian mengenalpasti perancangan dan beberapa faktor yang dapat menarik minat pelancong asing antaranya:

- (1) Membangun dan mempromosi secara meluas lokasi atau tempat pelancongan budaya yang menarik di Malaysia. Kementerian telah memperuntukkan sebanyak RM50 juta bagi projek-projek pembangunan di negeri Sabah di bawah Rancangan Malaysia KeSebelas (RMKe-11). Selain itu, aktiviti *Community-Based Tourism* dapat dikembangkan dan dipromosikan secara lebih holistik terutamanya program *homestay*.

Untuk makluman Ahli Yang Berhormat, di Sabah, terdapat sebanyak 29 kluster homestay yang terdiri daripada 50 kampung telah berdaftar di bawah Program Pengalaman Homestay Malaysia. Kluster-kluster ini melibatkan 394 pengusaha yang menawarkan 687 buah bilik. Pada tahun 2018, jumlah pelawat yang mengunjungi ke homestay di Sabah telah meningkat sebanyak 122% kepada 105,083 orang berbanding tahun sebelumnya dan telah menjana pendapatan sebanyak RM6.2 juta iaitu peningkatan sebanyak 64% berbanding tahun 2017.

Kementerian melalui Kraftangan Malaysia juga melaksanakan pemerkasaan komuniti kraf di negeri Sabah bertujuan untuk meningkatkan penglibatan komuniti dan penggiat kraf di dalam industri kraf tempatan secara holistik menerusi Projek Kraf Komuniti Ku (KKK). Sehingga kini sebanyak 2 projek KKK iaitu di Keningau dan Lahad Datu telah dilaksanakan. Projek KKK ini akan diteruskan di Kota Belud, Kudat dan Semporna pada tahun ini.

- (2) Penjenamaan produk-produk budaya contohnya produk-produk Kraf Malaysia dipromosi dan dijual secara meluas di serata negara dengan mengekalkan kualiti dan identitinya serta pempakejan yang menarik. Antara program yang akan diadakan di Sabah adalah Festival Kraf Tekstil Borneo pada 12 hingga 21 April 2019 di Suria Sabah Shopping Mall, Kota Kinabalu dan Festival Kraf Borneo pada penghujung tahun 2019.
- (3) Pengisian program-program menarik yang memaparkan warisan dan budaya negara kita. Contohnya seperti program *Crocker Range Festival* 2018 yang telah diadakan dari 22 hingga 25 November 2018 di Padang Bandaran Keningau dan 4th Kiulu Adventure Challenge pada 2 Disember 2018 di Kiulu, Sabah. Program yang akan diadakan pada tahun ini adalah Festival Sayangi Lahad Datu yang akan diadakan pada 2 hingga 4 Ogos 2019 bertempat di Kompleks Sukan Lahad Datu, Sabah.

(b)

Tuan Yang di-Pertua,

Pencapaian Kementerian Pelancongan, Seni dan Budaya yang paling membanggakan adalah dalam melonjakkan sumbangan industri kepada ekonomi negara pada tahap yang lebih signifikan daripada tahap dunia. Pada tahun 2017, industri ini merekodkan sumbangan sebanyak 14.9% kepada pertumbuhan ekonomi negara berbanding 10% sumbangan kepada ekonomi dunia. Di samping itu, guna tenaga industri pelancongan juga telah mewujudkan sebanyak 3.4 juta pekerjaan atau 1 bagi setiap 4 pekerjaan yang mewakili 23.2% daripada jumlah guna tenaga keseluruhan di Malaysia berbanding 1 bagi setiap 10 pekerjaan di peringkat dunia.

Berdasarkan statistik yang dikeluarkan oleh Pertubuhan Bangsa-Bangsa Bersatu Pelancongan Dunia (UNWTO), Malaysia masih kekal antara destinasi pilihan dunia iaitu pada kedudukan ke-15 dunia. Pada masa yang sama, Malaysia juga menerima pelbagai pengiktirafan oleh badan-badan dunia antaranya:

- (1) Pengiktirafan sebagai Tapak Warisan Dunia UNESCO
 - (i) Taman Negara Kinabalu (2000)
 - (ii) Taman Negara Mulu (2000)
 - (iii) Melaka dan George Town, Bandaraya Bersejarah Selat Melaka (2008); dan
 - (iv) Lembah Lenggong (2012)
- (2) Pengiktirafan Warisan Tidak Ketara oleh UNESCO
 - (i) Mak Yong (2005); dan
 - (ii) Dondang Sayang (2018).

- (3) Pengiktirafan *Memory of the World International Register/Asia Pacific*
- (i) Surat-Menyurat Sultan Abdul Hamid 1882-1943 (2001)
 - (ii) Hikayat Hang Tuah (2001)
 - (iii) Sejarah Melayu (2001)
 - (iv) Batu Bersurat Terengganu (2009); dan
 - (v) Kitab Ilmu Bedil (2016).
- (4) Pengiktirafan oleh badan-badan bebas
- (i) *Malaysia - No.1 Destination in The Global Muslim Travellers Index pada tahun 2017 oleh Crescentrating & Mastercard;*
 - (ii) *Kuala Lumpur - Ranked as 10th City in terms of international tourist arrivals by Top 100 City Destinations Ranking 2017 Edition oleh Euromonitor International;*
 - (iii) *Malaysia - No.6 among World 10 Best Places To Retire 2017 oleh Internationalliving.com; dan*
 - (iv) *River of Life, Kuala Lumpur – World's Best Waterfront Districts oleh The Independent*

Untuk makluman Ahli Yang Berhormat, Kementerian melalui Jabatan Kebudayaan dan Kesenian Negara (JKKN) telah berjaya membida penganjuran Sidang Kemuncak Dunia Mengenai Seni dan Budaya ke-8 bagi tahun 2019 (*8th World Summit on Arts and Culture*) yang akan diadakan pada 11 hingga 14 Mac 2019 di Kuala Lumpur dengan kerjasama IFACCA (*International Federation of Arts Councils and Culture Agencies*). IFACCA merupakan rangkaian global yang dianggotai oleh majlis seni (*arts councils*) dan kementerian budaya serta

NO. SOALAN: 44

anggota daripada organisasi seni dan budaya daripada lebih dari 63 negara anggota dan 52 ahli bersekutu. Sidang Kemuncak ini merupakan platform bagi penggubal dasar, penyelidik, pengurus dan pengamal terkemuka dari sektor seni dan kebudayaan dari seluruh dunia membincangkan mengenai isu-isu mengenai sokongan masyarakat terhadap kesenian, kebudayaan dan kreativiti.

Sekian, terima kasih.

**MESYUARAT PERTAMA, PENGGAL KEDUA,
PARLIMEN KEEMPAT BELAS
PEMBERITAHUAN PERTANYAAN
DEWAN RAKYAT MALAYSIA**

PERTANYAAN	:	JAWAB LISAN
DARIPADA	:	DATO' SRI ISMAIL SABRI BIN YAAKOB [BERA]
TARIKH	:	1.4.2019 (ISNIN)
SOALAN	:	45

minta **MENTERI PEMBANGUNAN LUAR BANDAR** menyatakan apakah strategi Kementerian untuk menyelesaikan isu kekurangan rumah dikalangan belia luar bandar serta perkampungan tradisional apabila projek Rumah Bina Negara dibatalkan.

JAWAPAN :

Tuan Yang di-Pertua,

Untuk makluman Yang Berhormat, Program Rumah Bina Negara di luar bandar masih terus dilaksanakan oleh pihak FELCRA dan RISDA mengikut perancangan dan baki peruntukan yang ada pada agensi pelaksana yang kini di bawah seliaan Kementerian Hal Ehwal Ekonomi. Walau bagaimanapun, mulai tahun ini juga, program rumah mampu milik termasuk kepada belia luar bandar akan diselaraskan oleh Jabatan Perumahan Negara di bawah Kementerian Perumahan dan Kerajaan Tempatan.

Untuk makluman Yang Berhormat juga, Kementerian merupakan ahli Majlis Perumahan Mampu Milik Negara di bawah Kementerian Perumahan dan Kerajaan Tempatan yang dipengerusikan oleh YAB Perdana Menteri yang berperanan untuk meneliti, membincang dan mengesyorkan sebarang perkara berkaitan dengan sektor perumahan.

Majlis Perumahan Mampu Milik Negara ini turut melibatkan beberapa Kementerian yang terlibat dengan pembinaan perumahan mampu milik di seluruh Negara yang telah menetapkan sasaran 1 Juta Rumah Mampu Milik menjelang tahun 2028. Kementerian melalui agensi seperti PERDA, KESEDAR dan KEJORA turut terlibat didalam pelaksanaan sasaran 1 Juta Rumah Mampu Milik tersebut yang juga menyasarkan belia di luar bandar.

PEMBERITAHUAN PERTANYAAN LISAN DEWAN RAKYAT
MESYUARAT PERTAMA PENGGAL KEDUA,
PARLIMEN KEEMPAT BELAS

PERTANYAAN : LISAN

DARIPADA : YB DATO' HAJI MOHD FASIAH BIN HAJI
MOHD FAKEH
(SABAK BERNAM)

TARIKH : 01 APRIL 2019 (ISNIN)

SOALAN NO. 46

Minta **MENTERI SUMBER MANUSIA** menyatakan setakat manakah perlaksanaan gaji atau upah minimum RM1,100 sebulan untuk semua pekerja dan adakah Kerajaan bercadang mengkaji semula kadar ini supaya lebih sesuai khususnya kepada syarikat perniagaan yang bersaiz kecil.

PN-1412- L02873

JAWAPAN

Tuan Yang di-Pertua,

1. Kementerian Sumber Manusia melalui Jabatan Tenaga Kerja (JTK) Semenanjung Malaysia, JTK Sabah dan JTK Sarawak sentiasa menjalankan penguatkuasaan secara berterusan dan pemeriksaan berkanun secara berkala ke atas semua majikan tanpa mengira sektor dalam usaha memastikan gaji minimum dilaksanakan sepenuhnya. JTK juga akan bertindak atas aduan yang diterima daripada mana-mana pekerja yang melaporkan sebarang ketidakpatuhan gaji minimum. Melalui langkah ini diharap pematuhan oleh majikan dapat dipantau dalam memastikan pelaksanaan Perintah Gaji Minimum 2018 berjalan lancar.

2. Dalam memastikan kepatuhan terhadap gaji minimum, JTK telah menjalankan pemeriksaan berkanun secara rutin iaitu lawatan ke tempat pekerjaan oleh pegawai-pegawai JTK bagi memeriksa aspek pematuhan undang-undang buruh oleh majikan. Bagi tempoh 1 Januari 2019 hingga 28 Februari 2019, pihak JTK telah menjalankan 7,695 pemeriksaan berkanun. Didapati sebanyak 98% majikan telah mematuhi Perintah Gaji Minimum 2018 yang memperuntukkan kadar gaji minimum sebanyak RM1,100 sebulan bagi seluruh negara.

3. JTK juga mengendalikan tuntutan kes buruh yang difaiklan berhubung kegagalan majikan membayar gaji minimum. Dari 1 Januari 2019 hingga 28 Februari 2019, sebanyak 95 tuntutan kes buruh difaiklan oleh pekerja-pekerja yang mana 66 kes (69%) telah diselesaikan manakala 29 kes (31%) masih dalam tindakan JTK. Selain itu, aduan kegagalan majikan membayar gaji minimum yang difaiklan oleh pekerja di JTK mulai 1 Januari 2019 hingga 28 Februari 2019 ialah sebanyak 78 aduan diterima dan sebanyak 61 aduan (78%) telah diselesaikan serta baki 17 kes (22%) masih dalam tindakan JTK.

4. Manakala, Jabatan Perhubungan Perusahaan Malaysia (JPPM) pula mengendalikan kes-kes pertikaian perusahaan berkaitan gaji minimum yang antaranya melibatkan isu Perjanjian Kolektif berkaitan gaji minimum. Bagi tempoh masa 1 Januari 2019 hingga 28 Februari 2019, sebanyak 4 kes direkodkan yang masih dalam tindakan JPPM.

Tuan Yang di-Pertua,

5. Kerajaan akan menjalankan kajian secara berterusan melalui Jawatankuasa Teknikal Perundingan Gaji Negara (JTPGN) iaitu jawatankuasa yang ditubuhkan di bawah Majlis Perundingan Gaji Negara (MPGN) untuk melihat impak pelaksanaan gaji minimum dari semasa ke semasa. Ini juga adalah selaras dengan seksyen 25(3), Akta Majlis Perundingan Gaji Negara 2011 [Akta 732] yang

SOALAN NO: 46

memperuntukkan kajian semula perlu dijalankan termasuk menilai keberkesanan perintah gaji minimum dan implikasinya ke atas pembangunan sosial dan ekonomi negara termasuklah kesesuaian kepada syarikat perniagaan yang bersaiz kecil. Dapatkan kajian yang dijalankan menjadi input penting bagi MPGN semasa mengemukakan syor gaji minimum baharu kepada Kerajaan dalam memastikan objektif dasar gaji minimum dipenuhi.

6. Kesimpulannya Kerajaan komited dalam memastikan pelaksanaan dasar ini dapat memberikan manfaat kepada semua pihak. Oleh yang demikian, adalah wajar sebelum sebarang hala tuju dasar ditentukan pelbagai perkara perlu diteliti agar ia dapat memberikan asas yang kukuh kepada Kerajaan dalam membuat keputusan. Oleh yang demikian, Kerajaan akan memantau pelaksanaan dasar ini agar ia dapat memberikan impak positif kepada ekonomi negara dan seterusnya memastikan hak rakyat terutama golongan pekerja sentiasa dipelihara.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN
DARIPADA : Y.B. TUAN AHMAD JOHNIE BIN ZAWAWI
[IGAN]
TARIKH : 1 APRIL 2019 (ISNIN)

SOALAN NO. 47

Y.B. TUAN AHMAD JOHNIE BIN ZAWAWI [IGAN] minta **MENTERI KEWANGAN** menyatakan berapakah jumlah pungutan cukai di negeri Sarawak selepas pelaksanaan SST setakat ini, berapakah perbezaan daripada segi jumlah pungutan cukai berbanding GST sebelum ini bagi tempoh yang sama.

JAWAPAN

Tuan Yang di-Pertua,

Untuk makluman Ahli Yang Berhormat, jumlah kutipan cukai jualan (CJ) dan cukai perkhidmatan (CP) di Negeri Sarawak dari tempoh 1 September 2018 sehingga 28 Februari 2019 adalah sebanyak **RM196,663,790**. Bagi tempoh 1 September 2017 sehingga 28 Februari 2018 pula, jumlah kutipan bersih GST di Sarawak adalah sebanyak **RM979,731,930**. Namun, perlu diambil maklum bahawa kutipan CJ/CP atau GST di sesebuah negeri tidak semestinya menggambarkan hasil dari negeri tersebut memandangkan CJ/CP dan GST adalah cukai di peringkat Kerajaan Persekutuan, maka ia dikutip secara keseluruhannya tanpa mengambil kira lokasi pendaftaran dibuat dan perniagaan dijalankan di sesuatu negeri atau daerah. Dalam konteks ini, kutipan CJ/CP atau GST di mana-mana negeri atau daerah tidak semestinya menggambarkan bahawa hasil tersebut berkaitan secara langsung dengan aktiviti ekonomi di tempat berkenaan semata-mata. Selain itu, aman GST yang dilaporkan adalah berdasarkan kutipan pada ketika itu dan belum mengambil kira sebarang pelarasan terakhir kerana cukai ini telah dimansuhkan mulai 1 September 2018.

PEMBERITAHUAN PERTANYAAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS

PERTANYAAN : LISAN

DARIPADA : **TUAN RAMKARPAL SINGH A/L**
KARPAL SINGH
[BUKIT GELUGOR - DAP]

TARIKH : **1 APRIL 2019 (ISNIN)**

SOALAN NO. 48

Minta **MENTERI BELIA DAN SUKAN** menyatakan sama ada suatu audit telah dilakukan bagi segala peruntukan dan perbelanjaan yang telah di khaskan untuk Program Pembangunan Bola Sepak Negara dan sekiranya ya, apakah hasil keputusan audit tersebut dan sama ada terdapat apa-apa unsur rasuah yang telah dikenalpasti.

JAWAPAN

Tuan Yang di-Pertua,

1. Untuk makluman Ahli Yang Berhormat, Program Pembangunan Bola Sepak Negara (PPBN) telah menggunakan peruntukan yang disalurkan oleh Kementerian melalui Majlis Sukan Negara (MSN). Segala perbelanjaan yang dilakukan oleh MSN adalah tertakluk kepada pengauditan kewangan yang dijalankan oleh Jabatan Audit Negara (JAN).

2. Walau bagaimanapun, ekoran daripada pendedahan mengenai kecacatan yang berlaku selepas Akademi Mokhtar Dahari (AMD) disiapkan, maka JAN telah melakukan pengauditan prestasi bagi projek pembangunan tersebut. Lawatan

mengejut telah dijalankan oleh JAN pada 2018 dan proses pengauditan ini masih belum selesai.

3. Untuk makluman Ahli Yang Berhormat, projek AMD disiapkan pada 30 Mac 2018 dan projek tersebut masih dalam tempoh kecacatan (*Defect Liability Period* - DLP) sehingga 29 Mac 2020 (dua tahun). Kontraktor yang dipertanggungjawabkan kini dalam proses memperbaiki semua kecacatan yang dikenal pasti.

Sekian, terima kasih.

**DEWAN RAKYAT
PEMBERITAHUAN PERTANYAAN
MESYUARAT PERTAMA, PENGGAL KEDUA
PARLIMEN KEEMPAT BELAS (2019)**

PERTANYAAN : LISAN

TARIKH : 1 APRIL 2019 (ISNIN)

**DARIPADA : DATO' SRI HAJAH ROHANI BINTI HAJI
ABDUL KARIM**

SOALAN : 49

Dato' Sri Hajah Rohani binti Haji Abdul Karim [Batang Luper] minta PERDANA MENTERI menyatakan langkah-langkah yang sedang, telah dan akan diambil oleh Kerajaan Pakatan Harapan untuk meningkatkan integriti dalam negara semenjak mengambil alih tumpuk kepimpinan.

JAWAPAN: **YB TUAN MOHAMED HANIPA BIN MAIDIN**
TIMBALAN MENTERI DI
JABATAN PERDANA MENTERI

Tuan Yang di-Pertua,

1. Usai PRU ke-14, Kerajaan telah mengambil pelbagai langkah dan dasar yang unik dan inovatif untuk meningkatkan nilai integriti dalam negara mencakupi pelbagai aspek. Dimulai dengan inisiatif Kerajaan menubuhkan Pusat Governans, Integriti dan Anti-Rasuah (GIACC) merangkup Sekretariat Jawatankuasa Khas Kabinet Mengenai Anti-Rasuah (JKKMAR) yang dipengerusikan oleh YAB Perdana Menteri bagi menyelaras pelaksanaan, memantau dan menilai keberkesanan semua inisiatif berkaitan governans, integriti dan antirasuah di semua sektor sama ada Kerajaan mahupun swasta melalui Jawatankuasa Khas Kabinet Mengenai Anti-Rasuah (JKKMAR).
2. Manakala Jawatankuasa Anti-Rasuah (JAR) juga telah ditubuhkan bagi memastikan dasar yang dibuat tidak berkompromi kepada sebarang tindakan rasuah di setiap peringkat seperti berikut:
 - a) JAR Peringkat Kebangsaan (dipengerusikan oleh KSN);
 - b) JAR Peringkat Kementerian/Jabatan/Agensi Persekutuan; dan
 - c) JAR Peringkat Kerajaan Negeri
3. Sejak penubuhan GIACC pada 8 Jun 2018, Mesyuarat JKKMAR telah bersidang sebanyak 7 kali dan telah membuat banyak keputusan berkaitan governans, integriti dan antirasuah untuk dilaksanakan.

Dalam tempoh 10 bulan penubuhannya, kesemua keputusan tersebut sedang dilaksanakan dalam fasa pelaksanaan yang berbeza-beza.

4. Pada tahun 2019, GIACC akan terus memantau semua inisiatif dibawah JKCMAR dan NACP bagi memastikan pelaksanaannya membawa impak yang positif kepada negara. GIACC juga akan terus mengadakan sesi pertemuan bersemuka dengan mana-mana agensi Kerajaan bagi khidmat nasihat dan membincangkan perkara berkaitan governans, integriti dan antirasuah dari semasa ke semasa agar Malaysia kelak dikenali kerana integriti, bukannya kerana rasuah.

Sekian, terima kasih.

SOALAN NO.: 50

PEMBERITAHUAN PERTANYAAN BAGI JAWAPAN LISAN MESYUARAT KEDUA,
PENGGAL KEDUA
PARLIMEN KEEMPAT BELAS
MAJLIS MESYUARAT DEWAN RAKYAT
11 MAC HINGGA 11 APRIL 2019

PERTANYAAN : LISAN

DARIPADA : Tuan Larry Soon @ Larry Sng Wei Shien [Julau]

TARIKH : 1 APRIL 2019

SOALAN :

Tuan Larry Soon @ Larry Sng Wei Shien [Julau] minta **MENTERI INDUSTRI UTAMA** menyatakan apakah komoditi jenis hasil yang tinggi yang akan digalakkan oleh Kementerian untuk ditanam oleh para petani, berikutan penurunan harga lada hitam, getah dan kelapa sawit.

JAWAPAN :

Tuan Yang Di-Pertua,

Bagi mengurangkan tahap kebergantungan sepenuhnya kepada hasil sawit, terutama apabila harganya menurun, pilihan terbaik bagi pekebun kecil adalah dengan melaksanakan integrasi tanaman atau ternakan. Pelbagai jenis tanaman bernilai dan mempunyai permintaan tinggi di pasaran tempatan telah dikenal pasti seperti pisang berangan, pisang tanduk, kacang tanah, nenas, tebu kuning, keledek, padi huma, tembikai, jagung manis, betik, sayur-sayuran dan lain-lain. Tanaman selingan yang boleh membawa hasil dalam masa yang singkat adalah sesuai untuk ditanam di ruang-ruang yang kosong antara barisan sawit muda yang berusia 1 hingga 3 tahun. Strategi penggunaan tanah secara maksimum ini dapat menjana pendapatan awal yang lumayan kepada pekebun kecil jika dilaksanakan secara sistematik.

Lembaga Minyak Sawit Malaysia (MPOB) juga telah membangunkan sistem tanaman sawit baharu yang dikenali sebagai sistem tanaman sawit dua baris kembar yang dapat meningkatkan penembusan cahaya matahari dan ruang untuk pelaksanaan integrasi tanaman dengan sawit. Menggunakan sistem ini, integrasi tanaman boleh dilaksanakan untuk jangka masa pendek dan panjang tanpa mengikut usia tanaman sawit.

Tuan Yang Di-Pertua,

Tanaman getah pula boleh diintegrasikan dengan pelbagai jenis tanaman sama ada jangka pendek, sederhana dan panjang bergantung kepada sistem tanaman yang digunakan sama ada tanaman getah konvensional, tanaman pepagar (*hedge planting*) atau tanaman perimeter.

Bagi jangka pendek, tanpa melihat kepada sistem penanaman, antara tanaman integrasi yang digalakkan adalah pisang, betik dan nenas. Tanaman pokok salak pula lebih sesuai untuk tanaman jangka sederhana. Bagi sistem tanaman getah pepagar pula, integrasi tanaman seperti durian, belimbing besi, durian belanda dan cempedak boleh dilaksanakan. Selain itu, integrasi ternakan seperti lebah dan kelulut juga berpotensi untuk diusahakan.

Sistem tanaman perimeter adalah kaedah penanaman pokok getah di perimeter sempadan tanah kebun. Kaedah ini akan memberikan keluasan kawasan kosong antara 60 hingga 80 peratus daripada pokok getah dan akan berkurang mengikut umur tanaman getah. Kawasan kosong ini boleh digunakan untuk aktiviti ternakan dan tanaman. Buat masa ini, Lembaga Getah Malaysia (LGM) mempunyai plot contoh tanaman getah dan nenas di RRIMINIS (stesen mini) di Lakai, Jelebu, Negeri Sembilan.

Tuan Yang Di-Pertua,

Bagi komoditi lada pula, Kementerian melalui Lembaga Lada Malaysia (MPB) akan terus mempergiatkan usaha bagi membantu para pekebun supaya produktiviti penanaman lada dapat ditingkatkan. Di samping itu, pihak kerajaan juga berusaha mengenal pasti komoditi lain untuk ditanam oleh pekebun kecil lada sebagai pendapatan kedua.

Sekian terima kasih.

PEMBERITAHUAN PERTANYAAN MESYUARAT PERTAMA,
PENGGAL KEDUA, PARLIMEN KEEMPAT BELAS,
MAJLIS MESYUARAT DEWAN RAKYAT

PERTANYAAN : LISAN

**DARIPADA : DATO' SERI HISHAMMUDDIN BIN
TUN HUSSEIN
(SEMBRONG)**

**TARIKH : 1 APRIL 2019
(ISNIN)**

SOALAN:

Minta **MENTERI PERTAHANAN** menyatakan adakah Kementerian akan meneruskan IKRAR untuk membina lima Poliklinik ATM Baharu bagi membolehkan 60,000 anggota tentera dan veteran menikmati kemudahan rawatan asas, rawatan pergigian, wad observasi, rawatan hemodialisis, rawatan pakar, pembedahan kecil serta pelbagai lagi perkhidmatan kesihatan lain yang berkualiti.

JAWAPAN:

Tuan Yang di-Pertua,

Rancangan membina lima Poliklinik ATM baharu diberi perhatian dengan komitmen melalui tindakan Pelan Transformasi Perkhidmatan Kesihatan Angkatan Tentera 2017- 2050. Ini adalah bagi meningkatkan kualiti perkhidmatan kesihatan dan perubatan kepada anggota ATM dan keluarga mereka serta veteran ATM.

Bagi mencapai hasrat ini, pembinaaan Poliklinik di Kem Penrissen, Kuching, Sarawak dengan kos sebanyak RM34.9 juta telah dimulakan dan dijangka siap pembinaan pada hujung tahun ini. Seterusnya, peruntukan kewangan telah diluluskan untuk 3 lagi Poliklinik dan pembinaan dijangka akan bermula pada Jun 2019 di Poliklinik Kem Mahkota, Kluang dengan kos sebanyak RM35 juta, Poliklinik Kem Sungai Petani dengan kos RM32.5 juta dan Poliklinik Kem Seri Pantai, Seberang Takir dengan kos RM32.5 juta. Manakala projek pembinaan Poliklinik di Kuantan telah pun didaftarkan di bawah projek baru RMK-11 *Rolling Plan* ke 4 (RP-4) tahun 2020 dan akan dilaksanakan bergantung kepada peruntukan kewangan yang diluluskan.

Poliklinik-poliklinik ini akan dilengkapi dengan kemudahan rawatan pergigian, wad observasi, rawatan hemodialisis, rawatan pakar, pembedahan kecil dan perkhidmatan berkualiti yang lain sesuai dengan keperluan warga ATM, keluarga mereka dan veteran setempat.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN
DARIPADA : Y.B. DATO' SRI MUSTAPA BIN MOHAMED
[JELI]
TARIKH : 01 APRIL 2019 (ISNIN)

SOALAN NO. 52

Y.B. DATO' SRI MUSTAPA BIN MOHAMED [JELI] minta **MENTERI KEWANGAN** menyatakan senarai dan jumlah subsidi yang diberikan kepada rakyat Malaysia pada tahun 2018 dan yang dicadangkan pada tahun 2019 serta apakah perancangan jangka masa panjang mengenai pemberian subsidi ini.

JAWAPAN

Tuan Yang di-Pertua,

1. Pemberian Kerajaan yang merangkumi Subsidi, Insentif dan Bantuan adalah berdasarkan kepada keprihatinan Kerajaan untuk membantu meringankan kesulitan kewangan dan beban rakyat dengan menampung sebahagian kos yang ditanggung oleh penerima-penerima faedah yang telah dikenal pasti. Pemberian dan pengagihan subsidi secara bersasar merupakan antara matlamat Kerajaan untuk membantu golongan yang benar-benar memerlukan serta mengurangkan ketirisan yang berlaku.

2. Jumlah peruntukan subsidi/insentif/bantuan telah dilaporkan di dalam Laporan Tinjauan Fiskal 2019 iaitu RM28,128 juta pada tahun 2018 dan RM22,269 juta pada tahun 2019. Pengurangan ini bukan disebabkan pemansuhan subsidi/insentif/bantuan semata-mata tetapi pelaksanaan dasar baharu Kerajaan Pakatan Harapan dalam memastikan pemberian subsidi/insentif/bantuan dibuat secara bersasar.

Tuan Yang di-Pertua,

3. Perbadanan Produktiviti Malaysia (MPC) telah menyiapkan Blueprint Produktiviti Malaysia dan antara teras strategik yang dikenalpasti ialah memastikan akauntabiliti industri terhadap produktiviti di bawah inisiatif merasionalisasikan subsidi dengan mengurangkan kebergantungan terhadap subsidi tidak kritikal secara berperingkat.

4. Bantuan dan insentif yang lain juga dikaji dan dirasionalisasikan dengan sewajarnya agar tujuan pemberian subsidi dapat ditujukan terus kepada golongan bersasar seperti Subsidi Bil Elektrik yang hanya diberikan kepada golongan miskin dan miskin tegar yang tersenarai dan disahkan dalam Sistem eKasih. Penambahbaikan kriteria penerima ini membolehkan Kerajaan meningkatkan pemberian subsidi bil elektrik kepada RM40 sebulan berbanding

kadar asal RM20 sebulan.

5. Bantuan dan insentif akan ditumpukan kepada yang menyumbang kepada peningkatan produktiviti. Sebagai contoh, Kerajaan telah menambah baik penetapan paras harga Insentif Pengeluaran Getah (IPG) kepada RM2.50 sekilogram berbanding RM2.20 sekilogram bermula tahun 2019.

6. Dasar pemberian subsidi minyak di Malaysia perlu distruktur semula supaya lebih fokus dan menepati kumpulan sasar. Langkah rasionalisasi subsidi akan dilaksanakan dengan mengalihkan secara berperingkat kaedah pemberian subsidi secara pukal, yang membawa banyak ketirisan, kepada subsidi yang bersasar (*well-targeted*). Di bawah dasar ini, pemberian subsidi akan diteruskan tetapi akan disasarkan hanya kepada golongan yang benar-benar memerlukan. Kerajaan prihatin dan responsif dengan kos sara hidup rakyat. Justeru Kerajaan telah bersetuju untuk mengekalkan harga paras petrol RON95 pada kadar RM2.08 seliter bermula 2 Mac 2019 walaupun kadar sebenar telah meningkat kepada RM2.13 seliter.

7. Kesimpulannya, pelaksanaan langkah rasionalisasi subsidi oleh Kerajaan bukan bermaksud untuk menghapuskan sama sekali pemberian subsidi. Rasionalisasi ini akan dikaji dan diteliti agar kualiti subsidi/insentif/bantuan yang disediakan oleh Kerajaan akan memberi lebih impak dalam membantu golongan yang memerlukan dan manangani isu kos sara hidup. Walau bagaimanapun, secara hakikatnya, Kerajaan masih lagi memperuntukkan jumlah peruntukan yang besar untuk subsidi.

SOALAN NO.: 53

PEMBERITAHUAN PERTANYAAN BAGI JAWAPAN LISAN MESYUARAT KEDUA,
PENGGAL KEDUA
PARLIMEN KEEMPAT BELAS
MAJLIS MESYUARAT DEWAN RAKYAT
11 MAC HINGGA 11 APRIL 2019

**PERTANYAAN : PERTANYAAN-PERTANYAAN JAWAB
LISAN**

DARIPADA : DATO' SERI DR. AHMAD ZAHID BIN HAMIDI [BAGAN DATUK]

TARIKH : 1 APRIL 2019

SOALAN :

Dato' Seri Dr. Ahmad Zahid bin Hamidi [Bagan Datuk] minta MENTERI INDUSTRI UTAMA menyatakan apakah hasil terkini daripada kerjasama antara Malaysia, Thailand dan Indonesia di dalam International Tripartite Rubber Council (ITRC), dan sejauh manakah kerjasama ini memberi kesan positif kepada pekebun getah di Malaysia.

JAWAPAN:

Tuan Yang Di-Pertua,

Di peringkat antarabangsa, Malaysia komited dan terus bekerjasama dengan negara pengeluar utama getah seperti Thailand dan Indonesia di bawah kerangka *International Tripartite Rubber Council (ITRC)* bagi memperkuat harga getah. Skim Kuota Pengeksportan yang Dipersetujui (*Agreed Export Tonnage Scheme - AETS*) merupakan mekanisme yang diwujudkan oleh ITRC untuk mengurangkan kesan pergolakan harga ketika mengalami tren penurunan yang mendadak. Mesyuarat Khas Peringkat Menteri ITRC 2019 telah diadakan di Bangkok, Thailand pada 22 Februari 2019 bagi membincangkan usaha ITRC untuk mengukuhkan harga getah. Ketiga-tiga negara telah

bersetuju untuk *melaksanakan Agreed Export Tonnage Scheme* (AETS) dalam masa terdekat bagi membantu menaikkan semula harga getah. Pengumuman langkah-langkah bersepada yang telah dibuat oleh ITRC pada 22 Februari 2019 telah memberikan impak positif kepada harga getah semasa. Harga getah gred SMR 20 telah mencecah **RM6.00 per kilogram** pada 14 Mac 2019 iaitu paras tertinggi sejak **Januari 2018**.

Susulan itu, Mesyuarat Peringkat Pegawai Kanan ITRC 2019 telah diadakan pada 4-5 Mac 2019 di Bangkok, Thailand bagi membincangkan secara terperinci pelaksanaan AETS. Untuk makluman Tuan Yang Di-Pertua, Thailand, Indonesia dan Malaysia akan melaksanakan AETS ke-6 selama 4 bulan mulai 1 April 2019 dan akan melibatkan pengurangan eksport sebanyak 240,000 tan metrik daripada ketiga-tiga negara.

Sekian terima kasih.

NO. SOALAN : 54

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA
PARLIMEN KEEMPAT BELAS**

PERTANYAAN : LISAN
DARIPADA : DATO' DR. HAJI NOOR AZMI BIN GHAZALI
[BAGAN SERAI]
TARIKH : 1 APRIL 2019 (ISNIN)

SOALAN NO. 54

Minta **MENTERI TENAGA, SAINS, TEKNOLOGI, ALAM SEKITAR DAN PERUBAHAN IKLIM** menyatakan adakah Kementerian memperuntukkan dana kepada NGO seperti Malaysia Nature Society yang berusia hampir 80 tahun berjuang dalam pemuliharaan alam sekitar untuk meningkatkan lagi aktiviti mereka.

JAWAPAN

Tuan Yang di-Pertua,

Untuk makluman Ahli Yang Berhormat,

1. Kementerian Tenaga, Sains, Teknologi, Alam Sekitar dan Perubahan Iklim (MESTECC) tidak mempunyai peruntukan khusus kepada Pertubuhan Bukan Kerajaan (*Non Government Organisation* – NGO) untuk melaksanakan aktiviti berkaitan pemuliharaan alam sekitar.
2. Walau bagaimanapun, Kementerian sentiasa menghargai peranan NGO dalam melaksanakan program pemuliharaan alam sekitar dan sentiasa menjalin kerjasama strategik dengan pihak NGO dalam melaksanakan pelbagai program dan aktiviti kesedaran alam sekitar termasuk dengan *Malaysia Nature Society*. Kementerian ini juga bersedia untuk membantu pihak NGO bagi mendapatkan dana pemuliharaan alam sekitar yang disediakan melalui sumbangan daripada sektor swasta dan dana antarabangsa.

Sekian, terima kasih.

No. Soalan: 55
PR-1421-L(5)00035

PEMBERITAHUAN PERTANYAAN BAGI JAWAB LISAN

DEWAN RAKYAT MALAYSIA

PERTANYAAN : JAWAB LISAN

**DARIPADA : TUAN MOHD SHAHAR BIN ABDULLAH
[PAYA BESAR]**

TARIKH : 1 APRIL 2019

**SOALAN : Tuan Mohd Shahar bin Abdullah
[Paya Besar] minta MENTERI LUAR NEGERI
menyatakan:**

- a. Apakah pendirian Kerajaan mengenai usaha membatalkan semua reservasi dalam tiga Konvensyen Hak Asasi Pertubuhan Bangsa-Bangsa Bersatu (PBB) yang telah diratifikasi oleh Malaysia; dan
- b. Adakah Kerajaan akan meratifikasi baki enam Konvensyen Hak Asasi Pertubuhan Bangsa-Bangsa Bersatu (PBB)

JAWAPAN

Tuan Yang di-Pertua,

Saya mengucapkan terima kasih kepada Yang Berhormat Paya Besar di atas pertanyaan yang dikemukakan.

2. Untuk makluman Dewan yang mulia ini, tiga Konvensyen yang dimaksudkan oleh YB Paya Besar adalah, dengan izin:
 - i) *Convention on the Elimination of Discrimination Against Women (CEDAW);*
 - ii) *Convention on the Rights of the Child (CRC); dan*
 - iii) *Convention on the Right of Persons with Disabilities (CRPD).*
3. Ketiga-tiga Konvensyen tersebut diterajui oleh Kementerian Pembangunan Wanita, Keluarga dan Masyarakat (KPWKM)
4. Kementerian Luar Negeri (KLN) difahamkan bahawa KPWKM masih mengkaji reservasi-reservasi yang terdapat di dalam CEDAW, CRC dan CRPD dan bercadang untuk mengadakan satu bengkel bagi membincangkan penarikan balik reservasi-reservasi tersebut bersama-sama Kementerian / Jabatan Kerajaan yang berkaitan.
5. Berhubung baki Konvensyen Hak Asasi Pertubuhan Bangsa Bangsa Bersatu (PBB) yang masih belum diratifikasi, kajian mengenai penyertaan Malaysia ke instrumen-instrumen berkenaan masih giat dijalankan oleh Jawatankuasa Kecil Teknikal yang diterajui oleh Kementerian atau Agensi terlibat.
6. Kerajaan komited untuk meratifikasi instrumen hak asasi manusia yang masih belum ditandatangani. Walau bagaimanapun, Kerajaan tidak akan terburu-buru dalam meratifikasi konvensyen-konvensyen ini, malah akan memastikan perbincangan berterusan secara berkala diadakan dengan semua pemegang taruh, termasuk masyarakat madani.

7. Langkah ini penting bagi memastikan peruntukan-peruntukan sedia ada dalam konvensyen antarabangsa tersebut adalah serasi dan tidak bercanggah dengan undang-undang domestik sedia ada.

Sekian, terima kasih.

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL PERTAMA
PARLIMEN KEEMPAT BELAS**

PERTANYAAN : JAWAB LISAN

**DARIPADA : TUAN PRABAKARAN A/L M
PARAMESWARAN
[BATU]**

TARIKH : 1 APRIL 2019 (ISNIN)

SOALAN NO. 56

Minta **MENTERI PENGANGKUTAN** menyatakan adakah dengan adanya Kamera AES secara statistiknya telah membuktikan bahawa peratusan kemalangan telah berjaya diturunkan. Jika ya, berapa peratuskah kadar peratusan yang telah turun disebabkan oleh AES. Apakah tiada mekanisme lain selain penambahan Kamera AES untuk mengurangkan kadar peratusan kemalangan. Adakah Kerajaan juga berhasrat untuk membatalkan pelaksanaan AES kelak? Jika ada, bilakah masa yang sesuai untuk Kerajaan membatalkannya.

JAWAPAN

Yang di-Pertua,

1. Untuk makluman Yang Berhormat, satu kajian keberkesanan sistem AwAS telah dijalankan bagi tempoh lapan (8) bulan pertama pelaksanaan AwAS mulai 23 September 2012, hasil kajian menunjukkan pengurangan kes kemalangan maut iaitu dua belas (12) kemalangan maut direkodkan di empat belas (14) lokasi kamera AES berbanding sembilan belas (19) kes bagi tempoh yang sama sebelum pelaksanaan AwAS. Ini bermakna AwAS telah berjaya mengurangkan sebanyak tujuh (7) kes kemalangan maut atau 36.84 % berdasarkan statistik yang diperolehi daripada Polis DiRaja Malaysia (PDRM).
2. Selain itu, analisis pada tahun 2017 yang dijalankan oleh Institut Penyelidikan Keselamatan Jalan Raya (MIROS) semasa Operasi Tahun Baru Cina 2017 (OPS TBC 2017) di tujuh (7) lokasi baharu AwAS menunjukkan tiada kematian yang direkodkan bagi tempoh OPS TBC 2017 berbanding dua (2) kematian yang dicatatkan pada tahun 2016 bagi tempoh yang sama. Bilangan kemalangan juga telah menurun sebanyak 18 kes (90%) kemalangan iaitu daripada dua puluh (20) kes pada tahun 2016 kepada dua (2) kes pada tahun 2017.
3. Analisis pihak MIROS menggunakan data kemalangan dari PDRM dan Lembaga Lebuh raya Malaysia menunjukkan terdapat pengurangan 25% kes kemalangan di 21 lokasi kamera had laju AES di lebuhraya pada tahun 2018 berbanding tahun 2017. Selain dari itu kajian pihak MIROS juga menunjukkan impak pelaksanaan AES di enam lokasi rintis telah menunjukkan secara puratanya kadar kepatuhan yang tinggi bagi had laju iaitu 95% berbanding sebelumnya 63%. Bagi empat lokasi rintis lampu isyarat yang di pasang kamera AWaS pula, kadar pematuhan lampu isyarat juga telah meningkat dari 96% kepada 98%.

NO. SOALAN: 56

4. Melalui statistik-statistik tersebut, adalah dapat dibuktikan keberkesanannya pelaksanaan AwAS dalam meningkatkan tahap keselamatan jalan raya melalui penurunan angka kemalangan maut dan kes kematian seperti yang telah dinyatakan.
5. Sememangnya terdapat pelbagai kaedah untuk menangani isu kemalangan jalan raya selain penguatkuasaan AwAS seperti intervensi kejuruteraan, pendidikan dan persekitaran jalan raya. Walau bagaimanapun, pelaksanaan sistem AwAS yang berterusan sepanjang masa dapat meningkatkan Perception of Being Caught dan kadar pematuhan peraturan lalu lintas di kalangan pengguna jalan raya yang sekali gus menyumbang kepada penurunan kadar kemalangan jalan raya. Penguatkuasaan sistem ini juga adalah mengambil kira keberkesanannya dan benchmarking terhadap pelaksanaan kaedah yang sama di negara-negara luar.
6. Mengambil kira keberkesanannya pelaksanaan sistem AwAS dan komitmen Kerajaan untuk menangani isu keselamatan jalan raya sepertimana yang digariskan di bawah Pelan Keselamatan Jalan Raya 2014-2020, maka Kerajaan pada masa ini tidak bercadang untuk membatalkan pelaksanaan sistem AwAS.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN
DARIPADA : DATO' SRI DR. HAJI WAN JUNAIDI BIN TUANKU
JAAAFAR [SANTUBONG]
TARIKH : 1 APRIL 2019 (ISNIN)

SOALAN NO. 57

Dato' Sri Dr. Haji Wan Junaidi bin Tuanku Jaafar [Santubong]
minta **MENTERI AIR, TANAH DAN SUMBER ASLI** menyatakan bila perincian cadangan pindaan kepada Kanun Tanah Negara dan Akta Strata Titles siap dan bila akan dibawa ke Dewan Rakyat, kalau tidak kenapa

SOALAN NO. 57

JAWAPAN

Tuan Yang di-Pertua,

Pindaan Kanun Tanah Negara 1965 (KTN) masih di peringkat rundingan dengan Kerajaan Negeri dan pihak-pihak yang berkepentingan.

Bagi pindaan Akta Hakmilik Strata 1985 (AHS) pula, Kementerian masih di peringkat kajian untuk meminda AHS bagi memudah cara pembangunan semula skim strata, serta menambah baik prosedur permohonan hakmilik strata sedia ada. Proses ini akan mengambil masa kerana melibatkan *engagement* yang menyeluruh dengan *stakeholders* termasuklah rundingan dengan Kerajaan-Kerajaan Negeri.

Kedua-dua Rang Undang-undang (Pindaan) berkaitan dijangka boleh dibentangkan di Parlimen pada tahun 2020.

Sekian, terima kasih.

SOALAN NO: 58

PEMBERITAHUAN PERTANYAAN LISAN DEWAN RAKYAT
MESYUARAT PERTAMA PENGGAL KEDUA,
PARLIMEN KEEMPAT BELAS

PERTANYAAN : LISAN

DARIPADA : YB PUAN NURUL IZZAH BINTI ANWAR

TARIKH : 01 APRIL 2019 (ISNIN)

SOALAN NO. 58

Minta **MENTERI SUMBER MANUSIA** menyatakan adakah Kerajaan akan meminda Akta Keselamatan Sosial Pekerja 1969 untuk memudahkan penerimaan tuntutan PERKESO bagi mereka yang menghidapi penyakit kanser (tanpa mengira tahap), memandangkan penerima kini hanya boleh membuat tuntutan untuk rawatan kanser tahap 4 atau terminal.

PN-1412- L03498

SOALAN NO: 58

JAWAPAN

Tuan Yang Di-Pertua,

1. Berhubung persoalan YB Permatang Pauh, tuntutan PERKESO bagi mereka yang menghidapi penyakit kanser tanpa mengira tahap boleh dibuat di bawah Skim Keilatan. PERKESO akan merujuk setiap permohonan Pencen Ilat Orang Berinsurans kepada Jemaah Doktor/Jemaah Doktor Rayuan untuk pengesahan keilatan.

2. Untuk makluman Dewan Yang Mulia, di bawah Akta Keselamatan Sosial Pekerja 1969, Skim Keilatan memberi perlindungan 24 jam kepada pekerja dari keilatan atau kematian akibat dari sebarang sebab yang tidak berkaitan dengan pekerjaannya. Orang Berinsurans dianggap sebagai mengidap keilatan apabila mengalami suatu keuzuran yang berkekalan sama ada tidak boleh diubati atau tidak mungkin sembuh serta tidak berupaya mencari nafkah dengan kerja yang berpadanan dengan kekuatan dan tenaganya, sekurang-kurangnya satu pertiga (1/3) daripada keupayaan pekerja yang normal. Permohonan faedah Pencen Ilat boleh dibuat oleh pekerja yang layak sebelum mencapai umur 60 tahun tertakluk kepada syarat kelayakan caruman yang mencukupi.

SOALAN NO: 58

3. Kementerian mengambil maklum dan akan membuat penelitian lanjut dan terperinci seperti saranan YB Permatang Pauh. Pada masa ini Kementerian menerusi PERKESO sedang membuat kajian menyeluruh untuk membuat penambahbaikan terhadap Akta 4 sedia ada termasuk perluasan liputan dan faedah kepada Orang berinsurans.

**PEMBERITAHUAN PERTANYAAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS (2019)**

PERTANYAAN : LISAN

**DARIPADA : YB. DATO' SERI TIONG KING SING
[BINTULU]**

TARIKH : 1 APRIL 2019

SOALAN :

Minta **MENTERI PELANCONGAN, SENI DAN BUDAYA** menyatakan apakah langkah-langkah strategik Kerajaan untuk meningkatkan jumlah pelancong China ke Malaysia memandangkan laporan yang menunjukkan bahawa jumlah pelancong China yang melawat ke Malaysia dalam tempoh Tahun Baru Cina pada tahun ini telah menurun sebanyak 15 peratus berbanding dengan tahun lepas.

JAWAPAN :

Tuan Yang di-Pertua,

Buat masa kini, Kementerian Pelancongan, Seni Dan Budaya tidak dapat mengesahkan kenyataan dalam laporan yang menunjukkan bahawa jumlah pelancong China yang melawat ke Malaysia dalam tempoh Tahun Baru Cina pada tahun ini telah menurun sebanyak 15 peratus berbanding dengan tahun lepas. Ini disebabkan data ketibaan pelancong China bagi bulan Februari 2019 sempena bulan perayaan Tahun Baru Cina masih belum diperolehi dari Jabatan Imigresen Malaysia.

Walau bagaimanapun, Kementerian ini dan Tourism Malaysia (TM) telah mencari alternatif untuk mendapatkan serba sedikit petunjuk yang berasas. Menurut indikator dari sumber *big data* (ForwardKeys), terdapat kenaikan sebanyak 45.7% bagi ketibaan pelancong dari China untuk tempoh minggu perayaan Tahun Baru Cina 2019 (4-10 Februari 2019) berbanding Tahun Baru Cina 2018 (16-22 Februari 2018). Petunjuk *ForwardKeys* ini tidak selari dengan laporan penurunan ketibaan pelancong China semasa Tahun Baru Cina baru-baru ini.

Kemerosotan yang dilaporkan dalam akhbar adalah dari segi tempahan pakej pelancongan melalui agensi-agensi pelancongan di Malaysia. Trend perjalanan pelancong China masa kini telah berubah dari pelancongan berkumpulan kepada *Free Independent Travellers* (FIT) memandangkan terdapat banyak kemudahan menempah keperluan perjalanan secara atas talian seperti tiket penerbangan,

penginapan dan pengangkutan menggunakan servis e-hailing seperti Grab.

Tuan Yang di-Pertua,

Pelancong China merupakan sumber ketibaan pelancong asing yang ketiga terbesar selepas Singapura dan Indonesia. Seramai 2.9 juta orang pelancong China telah melawat ke Malaysia pada tahun 2018 dan ini merupakan tahun keempat berturut-turut sejak tahun 2015 bagi pasaran China mencatatkan pertumbuhan positif.

Sebagai langkah utama meningkatkan jumlah ketibaan pelancong China, TM sentiasa menjalankan aktiviti-aktiviti promosi dan publisiti melalui pejabat-pejabat luar negeranya di Beijing, Shanghai dan Guangzhou melalui penyertaan di pameran antarabangsa seperti China International Travel Mart (CITM), China-ASEAN Expo (CAExpo) dan China International Tourism Industry Expo (CITIE). TM juga turut menganjurkan program promosi makanan dan kebudayaan, memperkenalkan pakej-pakej yang menarik serta melaksanakan program-program Mega Familiarisation Trip (lawatan suaikenal) bagi agen dan media China yang turut memperkenalkan produk-produk pelancongan yang dikenalpasti sesuai untuk pasaran China.

Selain aktiviti promosi tersebut, satu lagi langkah strategik yang disarankan oleh Kementerian ini untuk meningkatkan jumlah ketibaan pelancong China ialah menambahbaik kemudahan visa untuk kemasukan pelancong China. Kementerian ini telah mengambil inisiatif berbincang dengan Kementerian Dalam Negeri agar mempertimbangkan untuk:

NO. SOALAN: 59

- i. Mengurangkan *cooling period* eNTRI dari 3 bulan kepada 1 bulan kerana kaedah eNTRI adalah kaedah kegemaran kemasukan pelancong China dan ia menggalakkan pembangunan produk special interest seperti *Edu-tourism*, *Medical tourism* dan lain-lain.
- ii. Memperluaskan kemudahan *Visa-On-Arrival* di semua pintu masuk supaya dapat menawarkan kemudahan masuk kepada pelancong China terutama jenis *Free Independent Travellers* (FIT) yang sedang bercuti di negara-negara jiran.
- iii. Menawarkan eNTRI tanpa bayaran sewaktu musim kemuncak percutian oleh pelancong China pada bulan Februari, Julai, Ogos dan Oktober supaya dapat merangsang lebih banyak ketibaan pelancong China.

Kementerian ini dan TM akan sentiasa meneliti prestasi ketibaan pelancong China dan persaingan dari negara jiran supaya dapat mengaturkan strategi yang sesuai untuk pertumbuhan positif yang berterusan dalam ketibaan pelancong China.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN
DARIPADA : Y.B. DATUK RONALD KIANDEE
[BELURAN]
TARIKH : 01 APRIL 2019 (ISNIN)

SOALAN NO. 60

Y.B. DATUK RONALD KIANDEE [BELURAN] minta **MENTERI KEWANGAN** menyatakan langkah-langkah yang diambil untuk menstabilkan nilai ringgit yang semakin menjunam berbanding mata wang asing terutama Dolar Amerika.

JAWAPAN

Tuan Yang di-Pertua,

1. Sehingga 29 Mac 2019, nilai ringgit telah menambah nilai sebanyak 1.3 peratus manakala nilai mata wang serantau yang lain telah menyusut sebanyak 1.1 peratus hingga 2.2 peratus berbanding dolar Amerika Syarikat (AS). Prestasi ringgit juga adalah lebih stabil berbanding dengan mata wang serantau. Ringgit telah menambah nilai sebanyak 0.7% berbanding dolar Singapura dan 1.6% berbanding peso Filipina bagi tempoh yang sama. Prestasi yang lebih stabil ini berikutan asas ekonomi negara yang lebih teguh termasuk lebahan akaun semasa.
2. Walau bagaimanapun, sebagai sebuah ekonomi kecil dan terbuka, faktor utama kejatuhan nilai ringgit adalah akibat aliran keluar dana asing yang didorong oleh:
 - ketidakstabilan pasaran dunia akibat risiko perang perdagangan (*trade war*) antara Amerika Syarikat dan China;
 - kenaikan kadar faedah oleh bank pusat AS menyebabkan pelabur menilai dan mengimbangi semula kedudukan portfolio mereka dalam pasaran kewangan “ekonomi sedang pesat membangun” (*emerging economies*); dan
 - kebimbangan mengenai risiko kesan penularan (*contagion effect*) dalam kalangan mata wang ekonomi sedang pesat membangun.

Tuan Yang di-Pertua,

3. Dalam keadaan pasaran kewangan global yang tidak menentu, kadar pertukaran ringgit yang fleksibel telah memainkan peranan yang penting sebagai penyerap kejutan luaran tanpa menjaskan aktiviti ekonomi domestik. Namun begitu, volatiliti ringgit yang ketara boleh menjaskan aktiviti ekonomi berikutan kesukaran sektor perniagaan dan perindustrian merancang strategi

dan mengambil keputusan yang wajar. Oleh itu, Kerajaan akan sentiasa memastikan keadaan pasaran kewangan lebih lancar dan mengambil langkah proaktif dengan memperkenalkan pelbagai langkah untuk memastikan kecairan yang mencukupi, pasaran yang berdaya tahan dan mengurangkan aktiviti spekulasi dalam pasaran.

4. Langkah tersebut termasuk penetapan syarat supaya sebahagian besar hasil eksport dalam mata wang asing ditukarkan kepada ringgit. Langkah ini bertujuan menambahkan mudah tunai wang asing dalam pasaran dalam negeri dan peningkatan penguatkuasaan ke atas peraturan tukaran asing sedia ada bagi mencegah mata wang ringgit diniagakan di luar pesisir bagi mengekang aktiviti spekulasi.

Tuan Yang di-Pertua,

5. Dalam jangka masa panjang, nilai ringgit akan didorong terutamanya oleh kekuatan asas ekonomi negara. Sehubungan itu, Kerajaan akan terus menumpukan usaha untuk meningkatkan daya tahan ekonomi dengan mempelbagaikan sumber ekonomi, memperkuuh daya saing ekonomi dan kedudukan fiskal negara. Dengan ini, prestasi ringgit, rizab negara dan pasaran modal akan terus meningkat seiring dengan pengukuhan asas ekonomi negara dan pasaran kewangan global.

PEMBERITAHUAN PERTANYAAN LISAN DEWAN RAKYAT
MESYUARAT PERTAMA PENGGAL KEDUA,
PARLIMEN KEEMPAT BELAS

PERTANYAAN : LISAN

DARIPADA : YB DATO' SRI REEZAL MERICAN BIN
NAINA MERICAN
(KEPALA BATAS)

TARIKH : 01 APRIL 2019 (ISNIN)

SOALAN NO. 61

Minta **MENTERI SUMBER MANUSIA** menyatakan sejauh mana pengwujudan Dana Wibawa Pendidikan TVET (RM30 juta); dan peruntukan Program Bootcamp TVET (RM20 juta) mencukupi untuk tahun 2019. Bilakah kedua-dua program ini dilaksanakan dan kaedah pelaksanaannya.

PN-1412- L03266

JAWAPAN

Tuan Yang di-Pertua,

1. Kementerian Sumber Manusia melalui Perbadanan Tabung Pembangunan Kemahiran (PTPK) masih di dalam proses perbincangan bagi memuktamadkan penyediaan garis panduan bagi pelaksanaan program Dana Wibawa ini sebelum diangkat untuk kelulusan Kementerian Kewangan yang mana program ini dijangka akan mula dilaksanakan pada bulan Jun 2019 dimana kaedah pelaksanaan adalah terbuka kepada Penyedia Latihan Awam (PLA) yang berkeupayaan untuk menjalankan program latihan kemahiran yang berimpak tinggi serta menjamin pekerjaan selepas pelatih menamatkan latihan bagi memenuhi keperluan industri.

2. Kesimpulannya, Kerajaan akan menyalurkan peruntukan kepada PTPK supaya PLA yang wibawa dapat membantu pelatih yang menamatkan latihan kemahiran ini meningkatkan taraf hidup diri dan keluarga dengan mendapat pekerjaan yang lebih baik dan menerima gaji yang setimpal dengan kemahiran yang dimiliki, memenuhi keperluan industri dan menambahkan lagi bilangan tenaga kerja mahir negara, sekaligus dapat membantu mengurangkan kebergantungan negara terhadap tenaga kerja mahir luar negara.

Tuan Yang di Pertua,

3. Di samping itu, Program INDUSTRIAL BOOTCAMP (IBC) pihak MARA telah mendapat peruntukan sebanyak RM24 juta dari Unit Perancang Ekonomi (EPU) bagi projek/program RMKe-11. Sebanyak RM10 juta diperuntukkan bagi RP3 pada tahun 2018 manakala RM14 juta lagi bagi RP4 pada tahun 2019.
4. Program ini telah dilaksanakan sejak tahun 2018. Sebanyak RM10 juta telah peruntukkan kepada MARA dan seramai 943 peserta telah menyertai program ini yang melibatkan 40 industri telah mengambil bahagian dalam memastikan di kalangan peserta ini mendapat pekerjaan dengan purata gaji bagi peringkat sijil melebihi RM1500, peringkat diploma melebihi RM2000 dan peringkat ijazah melebihi RM2500.
5. Manakala bagi tahun 2019, sebanyak RM14 juta diperuntukkan kepada MARA dan sasaran seramai 1200 peserta akan menyertai program tersebut. Dijangkakan sebanyak 50 industri akan terlibat untuk menyertai program ini dan seterusnya menawarkan pekerjaan di kalangan peserta yang terlibat ke sektor industri yang berkaitan. Sasaran gaji yang ditetapkan bagi peringkat sijil melebihi RM1500, peringkat diploma melebihi RM2000 dan peringkat ijazah melebihi RM2500.

**PEMBERITAHUAN PERTANYAAN LISAN DEWAN RAKYAT MESYUARAT
PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : PUAN NURUL IZZAH BINTI ANWAR
[PERMATANG PAUH]**

TARIKH : 1.4.2019 (ISNIN)

SOALAN NO. 62

Puan Nurul Izzah binti Anwar [Permatang Pauh] minta **MENTERI PENDIDIKAN** menyatakan perancangan Kementerian berkenaan isu subsidi untuk memastikan peruntukan yang setimpal buat kesemua hospital universiti di bawah tanggungjawab Kementerian.

JAWAPAN

Tuan Yang di-Pertua,

Peruntukan kepada semua hospital universiti yang disediakan kerajaan mengambil kira keperluan subsidi dan kemampuan kerajaan pada masa ini. Bagi tahun 2019, Kementerian telah diperuntukkan sebanyak **RM61juta** di bawah program khusus kementerian bagi menampung perbelanjaan perkhidmatan pembekalan ubatan dan peralatan perubatan di bawah perjanjian *Approved Product Purchase List (APPL)* di antara Syarikat Pharmaniaga Logistic Sdn Bhd dengan tiga (3) hospital pengajar iaitu Pusat Perubatan Universiti Malaya (PPUM), Pusat Perubatan Universiti Kebangsaan Malaysia (PPUKM) dan Hospital Universiti Sains Malaysia (HUSM).

Penyaluran peruntukan tersebut adalah seperti pecahan berikut:

1. Pusat Perubatan Universiti Malaya sebanyak **RM24,504,312.00**;
2. Universiti Kebangsaan Malaysia sebanyak **RM18,595,161.00**; dan
3. Hospital Universiti Sains Malaysia sebanyak **RM17,900,527.00**

Bagi tahun 2019 juga, Kementerian Kesihatan Malaysia (KKM) selaku penyelaras perkhidmatan perubatan bagi pesara awam Kerajaan Persekutuan dan veteran Angkatan Tentera Malaysia berpencen juga telah menyalurkan peruntukan sebanyak **RM30 juta** kepada KPM bagi maksud menampung perbelanjaan tersebut di atas untuk tempoh setahun. Penyaluran peruntukan tersebut adalah seperti pecahan berikut:

1. Pusat Perubatan Universiti Malaya sebanyak **RM13,160,802.00**;
2. Universiti Kebangsaan Malaysia sebanyak **RM12,262,373.00**;
3. Hospital Universiti Sains Malaysia sebanyak **RM498,383.00**; dan
4. Pusat Perubatan Universiti Islam Antarabangsa Malaysia sebanyak **RM4,078,442.00**.

Sekian, terima kasih
RJM 104

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : TUAN HAJI AWANG BIN HASHIM
[PENDANG]**

TARIKH : 1 APRIL 2019 (ISNIN)

SOALAN NO. 63

Minta MENTERI HAL EHWAL EKONOMI menyatakan adakah aset-aset FELCRA akan dicairkan dan mohon penjelasan aset yang mana serta berapakah jumlah pencairan yang dilakukan untuk mendapatkan tunai.

JAWAPAN

Yang di-Pertua,

1. Untuk makluman Ahli Yang Berhormat, FELCRA Berhad (FELCRA) tiada perancangan untuk mencairkan aset-asetnya buat masa ini.
2. Sebaliknya FELCRA telah menggariskan beberapa inisiatif pengurusan kewangan jangka pendek, jangka sederhana dan jangka panjang bertujuan menyusun semula kedudukan kewangannya.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

DARIPADA : DATO' NGEH KOO HAM [BERUAS]

TARIKH : 1 APRIL 2019 (ISNIN)

SOALAN NO. 64

Minta **MENTERI AIR, TANAH DAN SUMBER ASLI** menyatakan sama ada Kerajaan telah meluluskan kelulusan khas mengeksport pasir ke luar negara melalui surat bertarikh 30/8/2017 [(No. Rujukan: NRE604-2/3/8 Jld. 3(3)) kepada Asal Jasa Sdn. Bhd. (1133222-P) untuk syarikat ini bekerjasama dengan Syarikat Alligence Systems Sdn. Bhd. (No. Lesen: JKPTG/SPHP/(S)/8-2 SK 151 (55) dan No. Resit Permit: 02010115002009) melombong pasir di bawah Seksyen 4 Akta Pelantar Benua 1996 (Disemak 1972) di luar perairan negeri Perak seluas 287.7 km persegi.

JAWAPAN

Yang di-Pertua,

Kelulusan khas kepada syarikat tersebut merupakan suatu keputusan dasar berdasarkan arahan Kerajaan terdahulu dan lesen eksport hanya akan dikeluarkan sekiranya syarat yang ditetapkan itu dipenuhi terlebih dahulu.

Namun pada masa ini, Kerajaan telahpun membuat suatu dasar baharu berhubung pengeksportan pasir negara. Dalam hal ini, pertimbangan terhadap permohonan pengeksportan pasir bergantung kepada keperluan pasir dalam negara. Kerajaan juga telah memutuskan bahawa pasir laut hanyalah untuk kegunaan tempatan.

Berhubung dengan kerjasama antara syarikat Asal Jasa Sdn Bhd. dan syarikat Alligence Systems Sdn. Bhd, ia adalah persetujuan antara entiti perniagaan (*business to business*).

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

**DARIPADA : TUAN LUKANISMAN BIN AWANG SAUNI
[SIBUTI]**

TARIKH : 1 APRIL 2019 (ISNIN)

SOALAN NO. 65

Minta **MENTERI PERTANIAN DAN INDUSTRI ASAS TANI** menyatakan apakah usaha untuk menyediakan pusat latihan nelayan bagi golongan muda atau nelayan sedia ada bagi mendedahkan kaedah moden dan teknologi terkini bagi meningkatkan tangkapan di laut.

JAWAPAN

Tuan Yang di-Pertua,

Untuk makluman Ahli Yang Berhormat, penggunaan kaedah moden dan teknologi terkini dalam industri perikanan merupakan pemangkin bagi menarik penglibatan golongan muda dalam industri perikanan tangkapan terutamanya rakyat tempatan.

Menyedari keperluan ini, Kementerian Pertanian dan Industri Asas Tani telah melaksanakan **Program Latihan Kemahiran Pertanian Kebangsaan (PLKPK)** di **bawah Pendidikan dan Latihan Teknikal dan Vokasional (TVET)**. Melalui PLKPK, dua buah Institut Latihan Pertanian (ILP) yang menjalankan kursus dalam bidang perikanan tangkapan telah ditubuhkan iaitu Kolej Perikanan Sultan Nazrin Muizzuddin Shah (KPSN) di Setiawan, Perak dan Akademi Perikanan Malaysia (APM) Chendering di Kuala Terengganu, Terengganu.

Kedua-dua ILP ini telah diiktiraf sebagai Pusat Bertauliah oleh Jabatan Pembangunan Kemahiran (JPK), Kementerian Sumber Manusia dan melaksanakan pembelajaran bidang teknologi perikanan tangkapan di peringkat Sijil Kemahiran Malaysia (SKM) dan Diploma Kemahiran Malaysia (DKM) termasuk Sijil Perikanan. Bidang lain yang turut dijalankan ialah akuakultur marin dan air tawar. Sejak tahun 2015 sehingga 2018, sebanyak 532 graduan telah dilahirkan dalam bidang perikanan.

Selain PLKPK, Kementerian Pertanian dan Industri Asas Tani turut menawarkan kursus jangka pendek kepada golongan sasar terutamanya nelayan yang dijalankan di pusat dan institut latihan di bawah Jabatan Perikanan Malaysia. Kursus-kursus yang dijalankan adalah bersifat *hands-on* dan mengutamakan teknologi terkini.

Sekian, terima kasih.

PEMBERITAHUAN PERTANYAAN LISAN DEWAN RAKYAT
MESYUARAT PERTAMA PENGGAL KEDUA,
PARLIMEN KEEMPAT BELAS

PERTANYAAN : LISAN

DARIPADA : YB TUAN KESAVAN A/L SUBRAMANIAM
(SUNGAI SIPUT)

TARIKH : 01 APRIL 2019 (ISNIN)

SOALAN NO. 66

Minta **MENTERI SUMBER MANUSIA** menyatakan perancangan untuk menggalakkan para majikan agar memilih untuk mengupah warganegara daripada mengupah pekerja asing, seperti menangani masalah dari segi kos pengupahan dan hak pekerja.

PN-1412- L04161

JAWAPAN

Tuan Yang di-Pertua,

1. Kementerian Sumber Manusia (KSM) melalui Jabatan Tenaga Kerja (JTK) sentiasa berusaha bagi memastikan warganegara termasuk belia dan siswazah untuk mendapatkan pekerjaan apabila mereka menamatkan persekolahan dan pengajian. Tempoh untuk mereka mendapat pekerjaan bergantung kepada kekosongan jawatan yang wujud dalam ekonomi negara di sektor swasta dan kerajaan.
2. KSM melalui JTK telah menyediakan perkhidmatan pencarian dan pemandanan pekerjaan iaitu Portal *JobsMalaysia*. Perkhidmatan ini disediakan secara terbuka dan percuma melalui pencarian dan pemandanan pekerjaan secara atas talian kepada semua warganegara yang ingin memohon pekerjaan dan majikan untuk mendapatkan pekerja yang sesuai. Kemudahan ini juga disediakan di semua pejabat Tenaga Kerja (PTK) iaitu di 54 buah pejabat Tenaga Kerja di Semenanjung Malaysia, 14 buah pejabat di Sabah, 16 buah pejabat di Sarawak, 18 buah Pusat *JobsMalaysia* (JMC) dan 13 buah di Urban Transformation Centre (UTC).
3. Kerajaan sentiasa komited untuk memastikan keutamaan kerja diberi kepada rakyat tempatan dan sentiasa berusaha untuk

SOALAN NO: 66

memastikan pekerja tempatan ditawarkan peluang-peluang pekerjaan terlebih dahulu di dalam semua sektor pekerjaan. Pengambilan pekerja asing adalah merupakan langkah sementara untuk mengisi kekosongan dan permintaan industri yang begitu mendesak keperluannya bagi memastikan pembangunan ekonomi negara tidak terjejas dan kekal berdaya saing dalam keadaan ekonomi dunia semasa.

4. Penggajian pekerja asing diluluskan kepada tujuh (7) sektor sahaja iaitu pembinaan, pertanian, perladangan, perkilangan dan perkhidmatan [subsektor tukang masak restoran, pekerja pembersihan dan pencucian, pekerja resort pulau peranginan, hotel, kedi, spa, urut kaki, pembantu taman tema haiwan, kargo (pelabuhan dan lapangan terbang)] dan perlombongan & kuari yang melibatkan pekerjaan asas serta pekhidmat domestik yang dikenal pasti kurang diminati oleh rakyat tempatan juga dibenarkan mengambil pekerja asing.
5. Kerajaan juga telah meletakkan syarat mana-mana majikan yang ingin memohon pekerja asing perlu mendapat surat perakuan dari Jabatan Tenaga Kerja (JTK) serta mendaftarkan kekosongan pekerjaan melalui portal *JobsMalaysia* terlebih dahulu untuk diberi keutamaan kepada warganegara. Antara lain majikan juga diwajibkan menyediakan kemudahan asas yang mencukupi seperti penyediaan perumahan pekerja yang lebih sempurna sebagai prasyarat permohonan penggajian pekerja asing. Kewajipan ini, bagi

SOALAN NO: 66

memastikan majikan-majikan yang layak sahaja di perakukan untuk kelulusan menggaji pekerja asing.

6. KSM melalui JTK juga telah menubuhkan Jawatankuasa Penempatan Pekerja Tempatan (JPPT) bertujuan mempertingkatkan usaha-usaha menempatkan pekerja tempatan terlebih dahulu kepada majikan yang memohon pekerja asing.

Tuan Yang di-Pertua,

7. Kerajaan ingin menegaskan bahawa Akta Kerja 1955 (Akta 265) memperuntukkan perlindungan yang sama ke atas semua pekerja yang bekerja di negara ini. Dalam hal ini, peruntukan undang-undang yang sama adalah terpakai kepada pekerja tempatan dan pekerja asing termasuklah bagi tujuan pembayaran bonus dan overtime. Sebarang aduan mengenai sebarang bentuk penindasan dan diskriminasi oleh majikan ke atas pekerja tempatan boleh dilaporkan secara terus kepada JTK. Ini jelas dinyatakan di bawah Seksyen 60L, Akta Kerja 1955 yang mana sebarang unsur diskriminasi boleh disiasat di bawah peruntukan ini.

8. Dasar dan perundangan perburuhan pada masa ini juga tidak mempunyai sebarang sekatan ke atas pekerja untuk melaksanakan pelbagai bentuk pekerjaan seperti secara sepenuh masa atau separa masa bagi tujuan menambahkan pendapatan atau secara sistem waktu kerja anjal (flexi working hours) di tempat kerja sekiranya

SOALAN NO: 66

majikan dan pekerja telah bersetuju di bawah satu kontrak perkhidmatan dan bersesuaian dengan sifat sesuatu kerja tersebut. Fleksibiliti ini diberikan untuk membolehkan pekerja dan majikan menyusun atur struktur kerja masing-masing dengan lebih berkesan. Kerajaan juga telah mewujudkan Peraturan-peraturan Kerja (Pekerja Separa Masa) 2010 di bawah Akta Kerja 1955 yang bertujuan untuk menggalakkan lebih ramai rakyat khususnya wanita menyertai pasaran pekerjaan. Peraturan Kerja ini antara lain bertujuan untuk memberi alternatif kepada sistem bekerja separa masa, menggalakkan fleksibiliti dalam pasaran buruh dan menyediakan waktu kerja yang mesra pekerja terutamanya kepada wanita.

**PEMBERITAHUAN PERTANYAAN
MESYUARAT PERTAMA, PENGGAL KEDUA
PARLIMEN KEEMPAT BELAS (2019)
DEWAN RAKYAT**

PERTANYAAN : LISAN

**DARIPADA : DATO' SERI MAHDZIR BIN KHALID
[PADANG TERAP]**

TARIKH : 1 APRIL 2019 | ISNIN

SOALAN :

Dato' Seri Mahdzir bin Khalid [Padang Terap] minta **PERDANA MENTERI** menyatakan kedudukan terkini struktur Lembaga Tabung Haji sama ada berada di bawah pengawasan dan penyeliaan Kementerian Kewangan ataupun Jabatan Perdana Menteri.

JAWAPAN : (MENTERI DI JABATAN PERDANA MENTERI)

Lembaga Tabung Haji kekal di bawah kuasa Jabatan Perdana Menteri seperti yang diwar-warkan menerusi Kenyataan Akbar bertarikh 25 Februari 2019.

Sekian. Terima kasih

PEMBERITAHUAN PERTANYAAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS

PERTANYAAN : LISAN

**DARIPADA : TUAN RAMKARPAL SINGH A/L
KARPAL SINGH
[BUKIT GELUGOR - DAP]**

TARIKH : 01 APRIL 2019 (ISNIN)

SOALAN NO. 68

Minta **MENTERI BELIA DAN SUKAN** menyatakan secara terperinci berkenaan langkah-langkah yang telah diambil untuk menyelesaikan isu-isu yang berbangkit di Akademi Mokhtar Dahari terutamanya isu kekurangan kemudahan latihan dan peralatan dan juga kebajikan pemain-pemain di akademi tersebut.

JAWAPAN

Tuan Yang di-Pertua,

1. Untuk makluman Ahli Yang Berhormat, Kementerian melalui Majlis Sukan Negara (MSN) telah melakukan pengukuhan semula Program Pembangunan Bola Sepak Negara (PPBN) bermula November 2018 dan mengambil beberapa langkah penambahbaikan dari segi kejurulatihan, kepakaran sains sukan dan perubatan sukan, pemakanan, kemudahan dan juga peralatan bagi memastikan para pelatih di Akademi Mokhtar Dahari (AMD) dapat mencapai tahap prestasi yang terbaik.

2. Struktur kejurulatihan di AMD telah diperkemaskan dengan pelantikan seramai 18 orang jurulatih sepenuh masa bagi melatih pemain elit berumur 13 – 17 tahun.
3. Selain pelantikan jurulatih sepenuh masa, Kementerian melalui MSN dan Institut Sukan Negara (ISN) juga telah melantik seramai 7 orang kakitangan yang mempunyai kepakaran dalam mengendalikan perkhidmatan sains dan perubatan sukan di AMD. Satu Pegawai Suaian Fizikal, dua Pegawai Fisioterapi Sukan, dua Juru Urut Sukan dan dua Penganalisa Video telah ditempatkan di AMD bagi membantu meningkatkan dan mengekalkan prestasi para pelatih. Mereka juga bertanggungjawab dalam memastikan pelatih AMD bebas dari isu doping dan kecederaan.
4. Untuk makluman Ahli Yang Berhormat juga, sebanyak 873 laporan kerosakan yang dikenal pasti dan sehingga kini sebanyak 852 atau 97.6% kerosakan telah pun diperbaiki. Untuk memenuhi keperluan masa riadah dan rekreasi, pihak pengurusan telah menyediakan keperluan kemudahan rekreasi seperti televisyen, “Playstation 4”, meja ping-pong, futsal, meja *pool* dan peralatan sukan badminton serta bola tampar.
5. Proses penambahbaikan akan terus dilakukan dari semasa ke semasa bagi memastikan keselesaan pelatih dan menjadikan Akademi Mokhtar Dahari antara akademi bola sepak terbaik di Asia.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : LISAN

DARIPADA : DATUK SERI M. SARAVANAN [TAPAH]

TARIKH : 1 APRIL 2019 (ISNIN)

SOALAN NO. 69

Minta **MENTERI PERTANIAN DAN INDUSTRI ASAS TANI** menyatakan berapakah AP (*Approved Permit*) yang telah diberikan kepada kaum India di bawah Kementerian bagi semua jenis produk di bawah Kementerian Pertanian. Berikan pecahan pemilikan AP mengikut kaum.

JAWAPAN

Tuan Yang di-Pertua,

Untuk makluman Ahli Yang Berhormat, Kementerian Pertanian dan Industri Asas Tani mengenakan kawalan kuota import (*Approved Permit*) ke atas beberapa keluaran pertanian terpilih bagi memastikan bekalan mencukupi dan pada masa yang sama mengelakkan lambakan. Pemberian kuota import ini adalah terbuka kepada semua pemohon yang layak dan menepati syarat-syarat pengimportan yang ditetapkan.

Pada masa ini, hanya enam (6) keluaran pertanian berada dalam kawalan import Kementerian ini iaitu:

- (i) kelapa tua biji;
- (ii) kubis bulat;
- (iii) susu cair;
- (iv) keratan ayam;
- (v) ayam bulat (*super*) (kuota import dibekukan mulai Mac 2015 memandangkan pengeluaran tempatan telah mencukupi); dan
- (vi) beras.

Sehingga Februari 2019, sebanyak lima (5) permohonan kuota import keluaran pertanian terpilih telah diluluskan daripada keseluruhan enam (6) permohonan syarikat milik kaum India seperti berikut:

- (i) tiga (3) syarikat bagi kubis bulat daripada tiga (3) permohonan;
- (ii) dua (2) syarikat bagi susu cair daripada tiga (3) permohonan; dan
- (iii) bagi kelapa tua biji dan keratan ayam, tiada permohonan kuota import diterima.

Pecahan permohonan kelulusan kuota import keluaran pertanian terpilih mengikut kaum sehingga Februari 2019 adalah seperti berikut:

Kaum	Jumlah Syarikat Memohon (Sehingga Februari 2019)	Jumlah Syarikat Diluluskan (Sehingga Februari 2019)
Melayu	179	96 (41.7%)
Cina	151	123 (53.5%)
India	6	5 (2.2%)
Lain-lain*	6	6 (2.6%)
Jumlah	342	230 (100%)

*Nota: Merujuk syarikat antarabangsa/ sebahagian pelaburan asing.

Sekian, terima kasih.

NO. SOALAN : 70

**DEWAN RAKYAT
PEMBERITAHUAN PERTANYAAN
MESYUARAT PERTAMA, PENGGAL KEDUA
PARLIMEN KEEMPAT BELAS (2019)**

PERTANYAAN : LISAN

DARIPADA : YB TUAN WONG CHEN [SUBANG]

TARIKH : 1 APRIL 2019

MENJAWAB

SOALAN : 70

YB TUAN WONG CHEN [SUBANG] minta **PERDANA MENTERI** menyatakan adakah Perdana Menteri bersetuju Parlimen Malaysia ini harus bebas daripada badan Eksekutif seperti yang diamalkan oleh Parlimen United Kingdom di mana penetapan bajet dan pelantikan pegawai-pegawai adalah di bawah kuasa Parlimen.

JAWAPAN: **YB TUAN MOHAMED HANIPA BIN MAIDIN**
TIMBALAN MENTERI DI
JABATAN PERDANA MENTERI

Tuan Yang di-Pertua,

1. Secara konsepnya Parlimen Malaysia (badan perundangan) adalah bebas dan berasingan daripada badan eksekutif dan juga badan kehakiman. Konsep pemisahan atau pengasingan kuasa merupakan suatu doktrin yang mengesyorkan pengasingan kuasa antara badan eksekutif, badan perundangan dan badan kehakiman untuk mengelakkan berlakunya ketidakadilan sekiranya kuasa itu dipegang oleh suatu badan sahaja.
2. Doktrin pengasingan kuasa di Malaysia dijelaskan oleh Yang Amat Arif Abdul Hamid Mohamad, Presiden Mahkamah Rayuan ketika itu, dalam kes ***Public Prosecutor v Kok Wah Kuan [2008] 1 MLJ 1*** yang menyatakan yang berikut :

“[14] What is this doctrine of separation of powers? Separation of powers is a term coined by French political enlightenment thinker Baron de Montesquieu. It is a political doctrine under which the legislative, executive and judicial branches of government are kept distinct, to prevent abuse of power....Under the Westminster System this separation does not fully exist. The three branches exist but Ministers, for example, are both executives and legislators.....”

[17] In other words we have our own model. Our Constitution does have the features of the separation of powers and at the same time, it contains features which do not strictly comply with the doctrine. To what extent the doctrine applies depends on the provision of the Constitution. A provision of the Constitution cannot be struck out on the ground that it contravenes the doctrine. Similarly no provision of the law may be struck out as unconstitutional if it is not inconsistent with the Constitution, even though it may be inconsistent with the doctrine. The doctrine is not a provision of the Malaysian Constitution even though no doubt, it had influenced the framers of the Malaysian Constitution, just like democracy. The Constitution provides for elections, which is a democratic process. That does not make democracy a provision of the Constitution in that where any law is undemocratic it is inconsistent with the Constitution and therefore void.”.

3. Walaupun Perlembagaan Persekutuan tidak memperuntukkan secara nyata konsep pengasingan kuasa antara badan eksekutif, badan perundangan dan badan kehakiman, namun pengasingan kuasa antara ketiga-tiga badan ini dinyatakan secara tersirat dalam Perlembagaan Persekutuan khususnya dalam Bahagian IV iaitu Bab 3 bagi Badan Eksekutif dan Bab 4 bagi Badan Perundangan Persekutuan dan Bahagian IX bagi Badan Kehakiman.
4. Perkara 44 Perlembagaan Persekutuan memperuntukkan bahawa kuasa perundangan Persekutuan hendaklah terletak hak pada Parlimen yang hendaklah terdiri daripada Yang di-Pertuan Agong dan dua Majlis Parlimen yang dikenali sebagai Dewan Negara dan Dewan Rakyat.

5. Fasal (1) Perkara 62 Perlembagaan Persekutuan memperuntukkan kuasa kepada Dewan Negara dan Dewan Rakyat untuk mengawal selia tatacaranya sendiri tertakluk kepada peruntukan Perlembagaan Persekutuan dan peruntukan undang-undang Persekutuan yang lain. Menurut kuasa yang diberikan itu, segala urusan dan penjalanan mesyuarat Dewan Negara dan Dewan Rakyat adalah tertakluk kepada tatacara yang ditentukan masing-masing di bawah Peraturan-Peraturan Majlis Mesyuarat Dewan Negara dan Peraturan-Peraturan Majlis Mesyuarat Dewan Rakyat.
6. Seterusnya, Fasal (1) Perkara 63 Perlembagaan Persekutuan memperuntukkan bahawa kesahan apa-apa prosiding di dalam Dewan Negara atau Dewan Rakyat atau dalam mana-mana jawatankuasanya tidak boleh dipersoalkan di dalam mana-mana mahkamah.
7. Di samping itu juga, Fasal (2) Perkara 63 Perlembagaan Persekutuan memperuntukkan bahawa mana-mana orang tidak boleh dikenakan apa-apa prosiding di dalam mana-mana mahkamah berkenaan dengan apa-apa jua yang dikatakan atau apa-apa undi yang diberikan olehnya semasa mengambil bahagian dalam apa-apa prosiding sama ada dalam Dewan Negara atau Dewan Rakyat atau mana-mana jawatankuasanya.
8. Selain itu, Akta Majlis Parlimen (Keistimewaan dan Kuasa) 1952 [Akta 347] memperuntukkan kuasa dan keistimewaan Majlis Parlimen, kebebasan bercakap dan berbahas atau prosiding dalam Majlis dan

perlindungan kepada orang yang diambil khidmat dalam penyiaran kertas-kertas Majlis.

9. Antara keistimewaan dan kuasa yang diperuntukkan oleh Akta Majlis Parlimen (Keistimewaan dan Kuasa) 1952 ialah Dewan Negara dan Dewan Rakyat mempunyai hak dan keistimewaan sesuatu mahkamah rekod ketika Dewan Negara dan Dewan Rakyat bersidang sebagai mahkamah, Dewan Negara dan Dewan Rakyat mempunyai kuasa untuk menghukum seseorang ahli atau mana-mana orang kerana menghina Dewan Negara dan Dewan Rakyat dengan mengenakan denda tidak melebihi satu ribu ringgit dan Dewan Negara dan Dewan Rakyat mempunyai kuasa untuk mengeluarkan waran bagi maksud pemberkasan dan pemenjaraan berhubung dengan apa-apa penghinaan Majlis Dewan Negara dan Dewan Rakyat.
10. Oleh yang demikian, walaupun tiada pengasingan kuasa secara mutlak yang diamalkan di Malaysia namun mekanisme pemantauan dan pengimbangan (*check and balance*) masih tetap ada dan dilaksanakan untuk mengelakkan berlakunya penyalahgunaan kuasa oleh mana-mana badan.
11. Sehubungan dengan itu, dirumuskan bahawa sememangnya tiada pengasingan kuasa secara mutlak yang diamalkan di Malaysia namun terdapat mekanisme pemantauan dan pengimbangan (*check and balance*) yang terpelihara sehingga kini untuk memastikan badan eksekutif, badan perundangan dan badan kehakiman tidak menyalahgunakan kuasa yang diberikan.

Sekian, terima kasih.

SOALAN NO: 71

PEMBERITAHUAN PERTANYAAN LISAN DEWAN RAKYAT
MESYUARAT PERTAMA PENGGAL KEDUA,
PARLIMEN KEEMPAT BELAS

PERTANYAAN : LISAN

DARIPADA : YB TUAN CHA KEE CHIN

TARIKH : 01 APRIL 2019 (ISNIN)

SOALAN NO.71

Minta **MENTERI SUMBER MANUSIA** menyatakan apakah sebab dan justifikasi yang menyebabkan gaji minimum sektor swasta hanya RM1,100 sahaja berbanding dengan gaji minimum sektor awam pada RM1,200.

PN-1412- L03644

SOALAN NO: 71

JAWAPAN

Tuan Yang di-Pertua,

1. Penetapan gaji minimum sektor awam adalah berdasarkan kelayakan akademik minimum iaitu Sijil Pelajaran Malaysia (SPM), manakala gaji minimum sektor swasta pula terpakai kepada semua pekerja dalam sektor swasta tanpa perlu memiliki sebarang kelayakan akademik yang minimum. Kaedah penetapan gaji minimum sektor swasta adalah berbeza dengan sektor awam, di mana faktor kemampuan majikan atau *median wage* menjadi salah satu asas pertimbangan. Dalam hal ini, kadar gaji minimum sektor swasta yang telah ditetapkan adalah wajar bagi memastikan keperluan asas pekerja dan keluarga mereka dapat dipenuhi serta memberikan perlindungan sosial yang mencukupi.
2. Secara dasarnya, gaji minimum sektor swasta (Perintah Gaji Minimum) akan dikaji semula sekurang-kurangnya sekali dalam tiap-tiap 2 tahun seperti yang ditetapkan dalam seksyen 25(1), Akta Majlis Perundingan Gaji Negara 2011 (Akta 732).
3. Kesimpulannya, prinsip dan hasrat penetapan Gaji Permulaan Terendah Perkhidmatan Awam adalah berbeza dengan prinsip dan hasrat penetapan Gaji Minimum Sektor Swasta, dan tidak wajar

SOALAN NO: 71

dijadikan sebagai perbandingan mahupun untuk menyeragamkannya.

PEMBERITAHUAN PERTANYAAN MESYUARAT PERTAMA,
PENGGAL KEDUA, PARLIMEN KEEMPAT BELAS,
MAJLIS MESYUARAT DEWAN RAKYAT

PERTANYAAN : LISAN

**DARIPADA : TUAN PANG HOK LIONG
(LABIS)**

**TARIKH : 1 APRIL 2019
(ISNIN)**

SOALAN:

Minta **MENTERI PERTAHANAN** menyatakan apakah impak Industri 4.0 terhadap Angkatan Tentera Malaysia dan apakah pelan ATM dalam memodenisasikan peralatan-peralatan sedia ada.

JAWAPAN:

Tuan Yang di-Pertua,

Kementerian menyedari akan impak Rovolusi Industri 4.0 yang mana penggunaan teknologi seperti *Artificial Intelligence* (AI), digital, satelit, dron, UAV atau robotik akan digunakan secara optimun.

Sehubungan itu, Angkatan Tentera Malaysia (ATM) telah menubuhkan Tim Kajian Semula Pelan Pembangunan Keupayaan ATM (4D MAF) agar pelan atau *roadmap* pembangunan keupayaan jangka panjang ATM yang lebih komprehensif dengan kelengkapan yang berteknologi tinggi dapat disepadukan dengan pembangunan modal insan yang berkualiti. Pelan jangka panjang ini juga akan turut mengambilkira keperluan Kertas Putih Pertahanan yang akan dikeluarkan agar ianya dapat direalisasikan supaya sistem pertahanan negara lebih mampan dan efisien.